









96
L I T E R A R I V M
D V E L L V M

I N T E R
S A L E R N I T A N O S,

E T
N E A P O L I T A N O S
M E D I C O S.

V I N C E N T I I D E P E T R O N E

Ociosi Academici Neapolitani, & in Salernitano Gymnasio
Primi Philosophiæ Interpretis.

In quo de Intestinatorum Phlegmone controuertitur casus.

V N A C V M M I C H A E L I S R O C C I

In eodem Gymnasio Theoricam Profitentis Medicinam
A P O L O G I A.

E T A L I O E I V S D E M A V C T O R I S L I T E R A R I O A D D I T O

De Hepatis Inflammatione D V E L L O.

S V P E R I O R V M P E R M I S S V.



V E N E T I I S, M. D C. X L V I I.

A P V D B E R T A N O S.

THE NEW YORK

LIBRARY

OF THE

ALBANY

AND

WEST

INDIAN

LIBRARY

OF THE

ALBANY

AND

WEST

INDIAN

LIBRARY

OF THE



SERENISSIMO PRINCIPI
FERDINANDO SECUNDO
MAGNO HETRVRIAE DVCI QVARTO.
VINCENTIVS DE PETRONE S.



AMIS Sapienciam muniri (Serenissime Princeps) *Aegyptiorum, & Graecorum antiqua olim fuere decreta. Hinc Minervam Sapienciae Numen armatam Deam Phydias effinxit, & Musarum esse Herculem Ducem, Poetarum Theologia affirmavit. Et verè inter Arma, & Literas non nisi amicum debet esse commercium. In Castris namque non debellantur hostes, à Sapienci Duce Milites si non gubernantur; in Liceis de Temporis ruinis non triumphat Sapiens, Macenatem nisi Principem habeat. Sub Duce ignaro strenuus vilesceat Exercitus: absque Principum tutela humiliter Sapiences viuendo, obliuionis sepeliuntur in aquis. Hostium non timent furores Sapiencia illorum Ducem armatum Milites si cognoscunt: Heroum sub clypeo Aristarcos, & Momos clara ingenia derident. Ob Ducis Sapienciam à fraudulentis inimicorum insidijs est liber Exercitus: sub Principum umbra impauidi Sapiences quiescunt. Sapiencia Ducis ad Orientem hostilium armorum obtenebrantur splendores: à Principibus benigno si Sapiences aspiciuntur vultu, rabide Emulorum. viscera iniqua Inuidia discerpit. Non expugnantur menia quibus Militum Sapiencia est Propugnaculum: non opprimuntur Sapiences quibus Principum arma sunt Munimentum. Imbellis est Fortitudo, quam Sapiencia non comitatur: vilis est Sapiencia, quam fortitudo non patrocinetur. Fatis Arma cedunt, Sapiencibus armis obediunt Fata; nam Sapiens dominabitur Astris: Suave miseræ Sapiencium Sortes, at Principum sub alis aureas illi deuolant ad Fortunas. Nata ex sanguine Sceptra Sapiencium Legibus conseruantur aeterna: Armis quæ defenduntur Leges immutabiles remanent in aeternum. Marti Quercus dicata calamorum lyconibus exculta augetur: Apollini Sacrata Laurus à Principum radijs suscipit incrementum. Ob Literas viuunt Arma: ob Arma immortales sunt Literæ: hinc viuunt in Achille*

Homerus,

Homerus, in Homero Achilles: spirat in Aenea Virgilius, in Virgilio Aeneas. Libris Imperatorum auctoritas defenditur: Armis defenduntur Scriptores: quam ob causam ad Augustum olim, confugit Occhamus me, illi inquit, tu defende Armis: te ego defendam Libris. Verum si vera haec sunt: Literariam condescens ego in arenam, Principem Mæccnatem qui me defenderet eligere debens ex Principibus quem Principem te clariorem eligere poteram? Tu hostibus terror. Tu sublunariis horror. Tuum expanescunt nomen indomita Gentes. Ab Austro ad Aquilonem, ab Aquilone ad Austrum gloriosa de te Fama vagatur. In Solis ortu quæ tuæ nascuntur gloriæ non cadunt Solis ubi adest Occasus Orientalibus in Oris tuorum gestorum ad aureos splendores Ottomanae Lunæ denigratur argentum. Illustria ob tua facinora tanquàm Heroum Solem Occidentali in Plaga te venerantur Hiperborei Populi. Tuas Regij Generis glorias vnus Orbis non capit, sed vix illas Sex Orbibus perstringi tui Principes Atavi existimarunt. Ab vnus nauque Orbis Circulo eorum circumvallari trophæa iniuncti illi Heroes non passi fuere: pro trophæorum etenim Campo Augustis animis vnus Orbis est locus angustus. Tuæ fronti non tribuit Diadema splendorem. Cunis ex tuo sanguine Regulis Sceptra adnascuntur. Ad regnandum ex MEDICEIS Principibus quilibet nascitur: nec ex Imperijs Sole clarior Terrarum in toto Orbe MEDICEVS Sanguis splendescit, sed ex illo sunt gloriosa Imperia. Et ò felices Populi à tam fortunatis Principibus qui gubernantur. Strenuissimos Exercituum Duces, & clarissimos Sapientium Mæccnates tuos Atavos, Proavosque conspexit olim Antiquitas: tantorum Virorum illustre Compendium te præsens admiratur Actas. Marti, & Palladi tu dicatus gladio fulges, & calamo. In castris enutritus, & Academijs inter Armorum strepitus, & Literarum Ocina Olina coronaris, & Lauro. Tuis ergo sub auspicijs disputantem me ne despicias. Non enim Occhamos tantummodo Augusti Principes patrocinati fuere, sed exterritas quoquæ ad se confugientes Ceras.





AD LECTOREM.



NON multorum opusculum hoc dierum potest, quos menses in lucem si prodiit, ne mireris o Lector. Ingenij est calamus feciatus fortunam, infelicitis parentis partus infelix. Illustres viros impugnat, illorum honoris non præterea detrimentum credas. Deridetur à Scotistis D. Thomas, à Thomistis deluditur Scotus; at Doctores hisce sunt derisiones istæ æterna encomia. Sibi contradixisse Scotum, somniasse, vana & confusa fuisse illum loquentum de Scoto audaces quidam coaxant Doctores: at honor si est honorantis sunt calumniæ calumniantis. Non quia errasse Scotum fatentur, erravit Scotus; nec idcirco apud omnes Scholæ formidabilis non est Scoti doctrina. Elucescunt magis opposita iuxta se posita. Lacrimantem oculum fumus reddit: at lacrymulis expurgatis clarior ille evadit. Rixillum cum Aquila de Anium principatu contendere, Aquilæ quæ imponitur ignominia? Bellantur generosi animi, quorum cuiuslibet regnandi est innata cupido. Hostilibus armis regum pectus offerre non dedignantur Reges: nam sanguine clariora sunt diademata. In Literarijs Duellis sibi gloriam qui comparare non audet, vilis est intellectus. Ingenium ingenio acuitur, & sapientior primus nunquam tollitur locus. Maculam non patitur aurum: splendoresque Solis vili non offenduntur in luto. Virescit vulnere Virtus. Cicatrices in pectore viri fortis sunt argumenta: ac tandem, *In facie navus forma decoris erat*, decantavit Ovidius. Pugnam itaque contemplare o Lector. Dulces sunt ictus, iucunda vulnera, quæ non mortem, sed pugnantibus æternam comparant vitam, *Musa* namque *vetat mori*.





I N D E X

IN PRIMO LITERARIO DVELLO

Errorum qui impugnantur.

Error 1. **M**ortuo agro Roc-
cum de eius morte

Apologiam edere in lucem, ut
error confutatur. folio 3

2 In morbi assignanda causa sibi
Roccum contradicere declaratur.
ibidem

3 Pulsum non cognovisse demo-
stratur. ibid.

4 Ab Aduersariorum calumnijs
ut se vindicet Roccus, Neapoli-
tanos adulari Medicos legitimam
non esse viam ostenditur. 4

5 Pro morbi perscrutatione quin-
que capita examinanda propo-
nit, sed ad nullum propositum
illorum esse examen manifestatur.
folio 6

6 Pituitam huius morbi fuisse
causam concludit, & in duobus
locis sibi met contradicit. ibidem

7 Flatus in languente à materia
cruda fuisse colligit eleuatos, sed
malè hoc colligere asseritur. 7

8 Flatuum copiam languentis
morbum permittasse in peius, ut
à ratione alienum redarguitur. 8

9 Vitream pituitam & loci an-
gustiam languentis dolores ha-
buisse pro causa Roccus fatetur

sed huius contrarium ex suis di-
ctis concluditur. 9

10 Dolores in languente crudam
reddidisse vrinam, pulsus debiles,
& morbum effecisse malignum,
ut fictitium reijcitur. ibidem

11 Languentis febrem ex pulsu
iniquo ratione praua qualitat-
is continuam esse leuiter deride-
tur. 11

12 In tali febris continuitate nul-
lam suspicari inflammationem
friolis argumentis Roccum pro-
bare euidentissimè demonstratur.
fol. 12

13 De sinistro Prognostico dùm se
excusat maiorem sui ignoran-
tiam Roccus ostendit. 13

14 Non adipem, ut alij testabantur
Medici, sed vitream pituitam
excreuisse languentem rationes
quas Roccus affert, inefficaces
esse concluditur. 14

15 Repentina mortis causam assi-
gnare dùm credit, petit princi-
pium. 15

16 Medicamentum languenti tri-
butum summa cum ratione pro-
pinatum esse dùm asserit Roccus,
memoria illum carere clarissimè
eluce-

I N D E X

- | | |
|--|--|
| <p>elucescit. folio 18</p> <p>17 In colico dolore scamnoneata
conuenire medicamenta prorsus
negantur. 19</p> <p>18 Ob derelictam sanguinis missio-
nem se non errasse dū conatur
ostendere, intentum non assequi-
tur. 20</p> <p>19 A calidis remedijs de foris ap-
plicatis aqueam colorari posse
dū credit urinam, ignara crede-
re sustinetur. ibidem</p> <p>20 Urinam aqueam in hoc lan-</p> | <p>guente succos crudos intra venas
dominari dū asserit falsa asse-
re manifestatur. 21</p> <p>21 De languentis morbo, qua scili-
cet illius erat idea, qua causa, qua
signa, quod Prognosticum, & qua
curatio debuisset institui, pro-
pria Auctoris opinio adducitur.
folio 23</p> <p>22 Neapolitanorum denique Me-
dicorum pro Rocco dū iudica-
runt, falsum fuisse demonstratur
Iudicium. 29</p> |
|--|--|





INDEX

IN SECVNDO LITERARIO DVELLO

Articulorum qui disputantur.

- | | |
|---|---|
| Art. 1. A N præter sanguinem
alijs humores nutriãt;
& corpori quem illi præbeant
vsum. folio 50 | Art. 8. De signis Hepatis inflam-
mati. fol. 65 |
| Art. 2. Quomodo Hepar, & Lien
morborum sint Causæ, & an à
Liene grauiora mala contingant.
fol. 52 | Art. 9. Hepatis inflammati Pro-
gnosticum. fol. 68 |
| Art. 3. An Lien humoris melanco-
lici sit receptaculum. fol. 54 | Art. 10. De inflammati Hepatis
Curatione. 69 |
| Art. 4. An ex Chylo superfluita-
tes remansas in sanguinem con-
uertat Lien: & ab Aristotelis
sententia an Hippocrates discre-
pet. fol. 55 | Art. 11. An ex humorum intra ve-
nas putredine, vel ex inflamma-
tione exortis febribus, Corporis-
que alijs affectibus, sanguinis mis-
sio in infernis venis conueniat. 70 |
| Art. 5. Quo modo generentur om-
nes affectus. fol. 60 | Art. 12. An in Hepatis Inflamma-
tionis principio medicamentum
conueniat. fol. 112. |
| Art. 6. De Inflammatione in com-
muni, & eius Causis. fol. 62 | Art. 13. De Indicationibus quæ
parti affectæ medicamenta appli-
cari ostendunt. fol. 115 |
| Art. 7. Hepatis quàm breuissima
explicatur Anathomes. fol. 64 | Art. 14. De Viâ in Hepatis phleg-
mone. 116 |
| | Art. 15. Medicorum in proposito
casu demonstrantur errores. 118 |



I

L I T E R A R I V M D V E L L V M

I N T E R S A L E R N I T A N O S , E T N E A P O L I T A N O S M E D I C O S .



ONTEM habet Anglia , quem inter Anglos, & Vandalos, Duellorum cū fuerit locus , Vandeburiam Indigenæ vocant : cuius Campos (antiquitus vt fama vagatur) medio noctis tempore , armatus si ingreditur Miles, Ad arma, ad arma clamans, Ad arma, ad arma respondentem militem audit : hinc nulla interposita mora , paribus armis occurrit Eques, parem conscendens Equum , & pari electo lumine Lunæ crudelem aggrediuntur pugnam , crudelibus donec lancearum ictibus vulnerati Ascensores , vel alter, vel ambo cadant . Non tamen Solis vsque ad ortum tenebrarum Eques , & Equus , humi si victi iacent , Victoris remanent in trophæum, sed statim ac cantarit Gallus, velut è somno expergiscentes, fugitiui volant ad umbras . Tanti apud Spiritus illos existimatur honor , vt viuentium militum prouocationem ferre non patientes , aëreis resumptis corporibus , quasi rabidi Canes ad bellandum se offerant; & ad millies mori , millies si mori possent, promptos ipsos non est qui non videat : Armellinorum etenim instar, generosi eorum animi immortales mori malunt, quàm fœdari. Verum inter Anglos , & Salernitanos antiquum si fuit commercium, hinc Anglorum Regi scripsit Schola tota Salerni , Salernitanis si hoc idem in

more sit positum, non sit nunc qui admiretur, & illorum Lycea literarius cum ingreditur miles, ad literariam prouocans conscendendum arenam, literarius illi ex aduerso, alter si contraueniat miles, nulli admirationem parturiat. Hippocraticam Ciuitatem Salernum esse, si dixit Abbas Ioachinus, en forsan Neapolitanos Salernitanorum controuersias sedantes, & contra illorum aliquos iudicium proferentes, Salernitani ferent? Ah, o tempora, o mores. Et legent Posteris, Neapolitanos Medicos, à Salernitanis Medicis leges qui recepere, nunc & Præceptores, & Medicinæ Coriphæos à Salernitanis ipsis fuisse appellatos? Ah non. Et à Sebeti Syrenibus licet ego lactatus, Salernitano in Lyceo dum ego sum miles, tale opprobrium non patiar, hinc pro Salernitanis capiens arma, **ET MALE SALERNITANOS ISTOS CVRASSE, ET FALSO NEAPOLITANOS IVDICASSE** ad sustinendum, ex spiritibus illis exules qui in hoc Lyceo vagantur, meo fato exul etiam spiritus literarium ingredi Campum: Equus est Intellectus: lancea est Calamus: ictus sunt argumenta; & Clypeus tandem Hippocratis sunt, & Galeni doctrinæ. Cum Vandalis ergo bellantibus Anglis si spectatrix est Luna, & Index Terra: cum Neapolitanis pariter & Salernitanis istis me disputante, Index sit Veritas, spectatrix verò fortuna, disputantium ad hoc ut illa inspiciens labores, Sapientibus in posterum amica deueniat: Sapientium nisi fortè crudele sit Fatum, quod *plurimus* nempe, sic dicente Aristotele, *ubi est intellectus, ibi minima est Fortuna, & ubi plurima Fortuna, minimus ibi est intellectus.*

A PRINCIPIO itaque, ut pugnam exordiar; pugnantibus, in vanum ne cadant ictus, pugnandi limites si præscribuntur, quos statim ac egreditur miles, victus statim ac declaratur: Et ecce, vana disceptatio nostra ne fiat, disceptationis non alios mihi ego constituo limites, quam quos in sua Apologia determinat sibi Roccus, Aegritudinis nempe historiam, à Doctore Matthæo Galliano, Italica lingua descriptam, quæ tamen latino idiomate, paucioribus restricta verbis, non aliud, quam hoc, resonare videtur.

Paulus Capogrossus ætate consistenti, temperie tum vniuersali, tum particulari Hepatis calida, duobus circiter mensibus ante morbum, carceribus fuit detentus, qui locus præ captiuorum morientium copia, cum esset infectus, nulli tutum adhibebat commercium: paucis inde diebus, iam redditus ille liber, nimis fatida biliosa excreuit ac quam maximè sitiens, multamque frigidam exhauriens aquam, illinc ad 4. circiter dies, in dolores incidit intestinales. Tri-duo nites fuere dolores: quarto die exacerbati sunt: iniecto enegmate ex decocto Rutæ, Parietariæ Mercurialis, siccarum frondium

Allij olei, & vini cocti, gelu seu vitrea pituita, magnam quantitatem euacuauit; dolor die mitis, nocte grauis. Similiter die quinto, sexto, & septimo. Fortiora fuerunt reijterata enemata ex oleo Camomellino, anethino, diacatolicone, diaphnicone, & hyera. Item applicata anodina, & sacculi ex millo, furfure, & sale. Pulsus à principio paruus, spissus, & iniquus. Die octauo, hoc bolo fuit purgatus.

℞. diacat. & diaph. ana dram. ij. diapr. lenit. dram. iv. pulueris hyer. dram. j. puluer. anifor. fenic. & liquir. ana q. s. m. à quo, bilis admodum foetida, similis illi euacuata Paulò post è carceribus exitum, euacuata est. Die nono, à medicamento virtus magis suppressa, magna ex cercendi cupiditas, flatus multi. Die decimo, in iure pulli, manna electa. dram. ij. assumpsit; & cum excrementis vitrea pituita admixta, excreta est. Die vndecimo, nocte dolor grauis, virtus magis remissa. Die duodecimo, accedebat dolor, & recedebat: ad cuius accessum opprimebatur virtus, ad cuius verò recessum, eleuabatur quidem, non tamen in magnitudine, cum firma, tum eius contractio, tum frequentia remaneret, sed in mediocritate. Die decimotertio, manifesta apparuit accessio: in cuius fine, pulsus respectiue ad primam oppressionem, eleuatus videbatur magis. A flatuum copia Splenis, & Hepatis regiones, in tumorem apparebant elatae, quibus verò discussis, discutiebatur tumor. Die decimoquarto, nihil adfuit noui. Die decimoquinto rediuit accessio, & nocte per paucas horas grauior dolor. Die decimosexto, de omnibus melius se habuit. Prognosticum in sequenti die ad salutem. Die decimosextimo, nocte rediuit dolor: manè virtus prostrata, extremorum refrigeratio, difficultas spirandi, sudor diaphoreticus, per fluxum biliosum, criticauit Natura, Urina à principio cruda, Crisis fuit ad mortem, defunctus est.

Disputationis ergo constitutis limitibus, inermis accedo ad pugnam, in qua non alijs argumentorum lanceis vtar, quam suismet argumentis; quibus lenta manu effractis, necnon in ferientem conuersis, dicet ipse fortasse „ *Ebu patior telis, vulnera facta meis.*

Hinc quot capita, quot doctrinas, quot conceptus, pro sua defensione proponit, in omnibus (sit hoc sua pace, & disputandi gratia dictum) in omnibus, inquam, ipsum errasse ego defendam: ac tandem ad falsum me transferam, hac in re, Neapolitanorum Iudicium.

ERRATA itaque primò, in Titulo, qui Apologia inscribitur. Medicorum enim errores, si contegit Terra, ad quid ergo de mortuis scribendo, viuentibus renouare dolorem? Ad quid de illorum mor-

te, Apologiam edere in lucem, si Apologia, Defensio, & Excusatio sonat: Excusatio autem non petita, Accusatio est manifesta.

ERRAT secundò, in morbi propositione. Pro eius etenim causa, in carceribus Contagium ponit, necnon & ex animi passionibus, multam bilis in languente coaceruatam copiam, ut semel ex bilioso, & foetido innotuit fluxu, hinc & multum sitiens æger, multamque frigidam haurire conatus aquam, intestinales illi superuenere dolores.

At sibi ipsi apertissimè contradicit. In solutione enim primi Capitis, seu Puncti, contrarium asserit, frigidam videlicet pituitam huius morbi dicens fuisse causam. Quæ contradictio, ex infra dicendis, satis clarè elucescet.

ERRAT tertio in Pulsus cognitione. Ægrotantis namque pulsus, se non cognouisse apertis verbis fatetur. Dubius enim fuit, & ita dubius, ut quatuor modis, in sui scripti prima pagina, & principio secundæ, de pulsus cognitione, suam mutet sententiam. Nunc etenim eius paruitatem, & spissitudinem, ambas illi connaturales esse, ab Ægrotante, & à Medico ordinario, certum se fuisse factum testatur. Nunc contractionis eius, causam credit esse dolorem, ait namque, *Credidi etiam potuisse dolorem vehementissimum, talem contractionem edere pulsus.* Nunc paruitatem illam, & spissitudinem ad languentis timiditatem refert, quando à Medico tangebatur: hæc autem sunt eius verba, *Sed nescio, si æger, præ nimia timiditate, quæ vexabatur, dum quotiescumque in tangendo &c.* Nunc mortuo ægro, talis pulsus nullam ex dictis causis fuisse causam aduertit, sed dubiè loquens, aliam existimare videtur, inquit enim, *Sed vereor falsam fuisse narrationem, exitus acta probauit.*

Ecce ergo, in vna re explicanda, quot linguis loquitur, & quot terminis utitur: nunc enim ob aliorum dicta, de tali pulsu, certum se esse ostendit: nunc credit: nunc nescit: nunc veretur. Quid ergo est mirum, si non cognito pulsu, Prognosticum fuit ridiculum? Pulsus enim facultatis vitalis fortitudinem demonstrat: & summa totius præfagationis mortis, & vitæ, est virium robur, ut in 2. Progn. com. 6. aduertit Galenus.

ERRAT quartò, nam quærens ab inuidorum, & iniquorum calumnijs se vindicare, Neapolitanos adulat Medicos, ita inquit, *idcirco ad Præceptores, dico ad Coriphæos Medicinæ, Neapolitanos, meus (reuerenter tamen) conuertatur discursus.*

Sed quò illum ducit furor? Sux etenim existimationis oblitus, nec non & sui gradus: in Almo namque Salernitano Collegio, Collega est, & in Salernitano Gymnasio, Theoricæ Medicinæ professor,;

immò & suæ Patriæ, Medicinæ Fontis, immemor factus, Neapolitanos amicum, vt sibi reddant iudicium, Præceptores appellat; dum dignitate sint pares: hinc Par in Parem si non habet Imperium, nec Par in Parem habere potest iudicium. Ad quid ergo Præceptores vocare, & vt nostras dirimant lites, ad illos accurere? Neapolitanorum est quidem sapientia admiranda, immo si Doctores vnquam fui ego admiratus, inter alios Ferrillus, & Santorellus fuisse, sic & omnium aliorum glorias, æterna esse dignas memoria, stultus essem, si non existimarem.

Quæ vera sunt, negare non audeo, & vnicuique tribuere, quod suum est, Iustitia est. At illos, Salernitanorum Præceptores appellare, Salernitani furentis, furor fuit, & iniustitia. Tranquillo etenim animo, cui libet hæc si cadant, quilibet infallibili signo, dicendum est quòd delirat. Nullos Salernitani Medici Præceptores agnoscunt, immò Salernitani Scholæ sententias, Clarissimi Medici, inter quos est Arnaldus de Villanova, commentati fuere.

Nunquam didicit Salernitana Schola, sed docuit in toto Orbe terrarum: adeò vt de claris Urbibus loquens, in 71. Opusculo de Virtutibus, & Vitijs Angelicus Doctor de Aquino, in hæc aurea proruperit verba, „*Quatuor sunt Urbes cæteris præeinentes, scilicet Parisius in scientijs, Salernum in Medicinis, Bononia in Legibus, Aurelianus in Artibus.*”

Non ergo Salernitanorum Præceptores Neapolitani se credant: ingrati equidem essent: sunt namque illi, veluti nostri filij, & nostrorum laborum partus. A Salvatore enim Calenda, nudius tertius vt ita dicam, primo Neapolitani Collegij Priore, è Salerno à Iouanna secunda Neapolim conuocato vnâ cum Loysio Trentacapilli, & Paulino Caput Scrofa, Medicinæ, *de Iure Regni in Priuilegio quod incipit, Iouanna secunda, sub tit. de Officio Magni Cancellarij, sicut Tappia refert*, Medicinæ, inquam, vt, *reformarent, crearent, atque melius ordinarent*, Collegium: primas Neapolitani Collegæ habuere instructiones: quando tamen Salernitana Schola parentem per sæcula, & sæcula quòd non cognouerit, apud Antiquos inueterata fuit memoria. At quem parentem agnoscere potest, si est Fons Medicinæ? *Salerni Medicinæ Fontem fuisse, Fama est*, Petrarca dixit, *Sed nihil est, quòd Senio non exareseat.* A Fontibus, & Riui oriuntur, & Flumina, nec Fontes aliunde recipiunt aquas, sed è proprio sinu scaturientes illæ, veluti ebullire videntur.

Verùm Patres Senes, filij iuuenes si derident: hinc à primo Patre fuit dictum „*Filios enutriui, & exaltaui, ipsi verò spreuerunt*

me, Salernitanos Neapolitani derideant, & Salernitanorum esse Præceptores se iactent: talem enim iactantiam futura procul dubio deridebit posteritas, quotiescumque leget, quod Neapolitanos Roccus Præceptores appellat, Salernitanos autem, AQUINAS.

ERRAT quintò. Nam quinque examinanda proponit, quæ ferè omnia, non ad rem, & inutilia sunt: & primò, vnde hæc materia tam gelida orta fuit &c.

At quid Cani, & Balneo commune? Si mors alium esse morbum, ab eo quem ipse credebat, manifestauit, ad quid, in re tam vana, contere tempus? Sed amicè excurramus hæc Punta: vnde ad ipsum, & ad Neapolitanos, non reuerenter, sed generosè, mea conuertatur Oratio.

ERRAT sextò præterea in primo Punto. Quærens enim de ortu pituitæ vitreæ, hanc tandem illius morbi fuisse causam concludit: *Frigida enim potatio*, sic ille inquit, *Et tempus anni concurrunt ad generandum illam pituitam, quam vitream nominamus: hæc quidem in agro illo per inferiores partes comparuit &c.*

Sed contradicit sibi in huius Apologiæ principio, & fine. In principio enim dixerat, quòd in carceribus, intra quos languens fuerat detentus, grauis erat infectio; necnon quòd, *ab animi multis passionibus oppressus (ut ille dicit) bilis copiam coadunauit &c.*

Adde, quòd ipse bilis generationem confirmat, tùm ex languentis calida temperie, tùm ex multa siti, de qua post libertatem è carceribus conquerebatur æger: sitis autem vel ex caloris copia est, vel ex humoris inopia: hinc humoris in illo, cum nulla adfuisset inopia, à caloris copia sitim illam prouenisse, est arguendum: caloris autem copia biliosi humoris est ferax.

Adde, quòd bilem huius morbi fuisse causam, ex eius relatione, si contradicere sibi nolit, nullo modo ipse potest effugere. In principio enim post exitum è carceribus, ætiam bilem euacuasse refert: deinde à Medicamento, prædictæ bili excreta similis est, ut Gallianus in sua historia affirmat: ac tandem consimiliter biliosus cum illi in decimosextimo die, superuenisset fluxus, ut ambo concedunt, obdormiuit in Domino. Ad quid ergo, vitream pituitam, huius morbi fuisse causam, existimare oportet, si bilem tantummodò, solam causam fuisse, tribus vicibus demonstrauit Natura?

Dices. Si vitrea pituita, huius morbi non fuit causa, cur ergo multoties, vitream pituitam, æger excreuit?

At huic. Quæsito facilis est Responsio. Dici etenim potest, quòd vitrea pituita, non ex quo, ab illa grauabatur Natura, sed à medicamentis calidis pituitam trahentibus malè applicatis, fuit illa attracta, & euacuata: Medicamentum equidem non quoscumque indi-

scriminatim trahit humores, sed „ *vbi Pharmacum intrauerit Corpus*, vt in libro de Natura humana Hippocrates dicit, *Primum quidem ducit id, quod ex omnibus in corpore existentibus, sibi maximè secundum naturam familiare fuerit, deinde verò etiam alia trahit, ac purgat.* Et postea exemplificans ait „ *Quæcumque enim bilem ducunt, primum meracissimam bilem purgant, postea verò mixtam. & rursus pituita pharmaca, primum meracissimam pituitam ducunt, postea mixtam.*

Quòd autem hoc sit verum, iam satis clarè fuit à Natura monstratum. Pituitam enim vitream Natura non expulit, nisi Medicamentis illam trahentibus, vt per enemata, bolum, & Mannam innotuit: licet à bolo, tanquam à validiori Medicamento, bilis etiam vel secundario fuerit attracta, vel etiam primariò ratione diapruni lenitiui, vel alterius ingredientis. At bilem, nullo Medicamento attrahente, sed spontè Natura, in Symptomaticis euacuationibus, solam euacuat, tum ante morbum, tum propè mortem, vtpotè quòd à bile sola grauabatur Natura.

Ratio huius est. Nam si à pituita fuisset pariter grauata Natura, pituitam quoque vna simul cum bile admixtam euacuasset, vt 4. aph. com. 22. his verbis docet Galenus, *Quando aliquis incipit morbus, si quid excernitur, nihil tunc excernitur Naturæ ratione, sed sunt omnia causas earum, quæ præter naturam sunt in corpore dispositionum. Quo enim in tempore à causis quidem morbum facientibus Natura grauatur &cet.* Non ergò huius morbi vitrea pituita fuit causa, sed solummodo bilis, ex eo quòd, à sola bile grauata, in Symptomaticis euacuationibus, se demonstraui Natura.

Contradicit tandem sibi in fine: vbi morbum istum, malignum, fuisse concludit; ac tres malignitatis enumerat species: immò & malignæ causæ morbificæ, aliam superaddit ipse malignam causam, Contagium nempe in carceribus contractum: & assignat de hoc rationem: nam ad Contagium Agentis robur si requiritur, dispositio passiva, & longa mora; cum omnia igitur hæc tria in languente adfuisent, Contagium iure optimo, huius morbi fuisse causam, ponendum est: immò ex Fracastorij doctrinâ, palliuolas ex Contagio fieri febres affirmat, vt in languentis contigit casu.

Ecce ergo in suis dictis, quàm manifestæ contradictiones apparent: ante mortem enim, vitream pituitam, eius morbi, fuisse credit causam, post mortem verò malignam bilem: hinc post Vindemias Doctor iste infundibulum emit: mortuo nanque ægro, quo morbo fuerit mortuus, ipse cognoscit, quando tunc temporis inutilis est, & vana cognitio; nec Famæ splendorem, sed Medicorum multum ruborem, illa potius comparare videtur.

ER R A T Septimò in secundo Puncto: dum querit, vnde tanta flatuum

8 Duellum inter Salernitanos,

rium copia? Et respondet, quod à materia cruda, quæ ad infimi ventris partes, à coitu debilitatas descenderat, eleuati status illi fuerunt: & Hippocratis in 6. Epid. sect. 3. com. 12. de Damagora, & Arcefilao exemplum affert, quorum alteri, cum venere vteretur, inflabatur venter, & alteri cum strepitu tumebat. Nec non suum tandem confirmat intentum ex hoc, quod Venti omnes, spirant à Niue, gelu, glacie &c. vt in secundo de Diætâ docet Hippocrates.

Sed ex causa dubia, certum Doctor iste effectum colligit: an etenim coierit patiens, ipse nescit, ait nanquæ „ *quia dum vxoratus erat, validæ complexionis, & calidæ, tunc si forsân (quod non credo) coitui deditus fuisset &c.* Ad quid ergo effectum ponere certum, debiles nempe, à coitu redditas, infimas partes, & causam dubiam?

Adde, quod exemplum de Damagora, & Arcefilao non est ad propositum: nam vt in com. dicit Galenus, hæc accidunt quibusdam iam inclinante ætate, & affectu melancolico, & flatuoso vexatis: at languens nequæ senex, nequæ melancolico, & flatuoso vexabatur affectu.

Adde, quod Hippocratis auctoritas in secundo de Diætâ, frigidus languentis fuisse status non concludit. Tum quia, vt ibidem Hippocrates asserit, calidi, & sicci dantur etiam venti. Tum quia status ex calida possunt quoquæ eleuati materia, vt de flatuosis spiritibus, in febre ardente, ex biliosa materia eleuatis, qui aurium sonitum causant cum caligine, primo in primum Proreth. com. 18. testatur Galenus.

ER R A T Octauò, in secunda parte, secundi Puncti. Dubitans enim, an flatuum copia, præfatum morbum permutare valuerit, & Respondet affirmatiuè: suamque fundat responsionem in Hippocratis textu de Veteri Medicina, vbi docuit, quinque posse status producere, strepitum S.S. sonum, transmutationem, motum, & commotionem: ex quo sic ipse concludit „ *Ergo si commutare, & transmutare valent, quorsum non poterint febrem vnius modi in alteram vertere Ideam?*

At Quæro ab hoc Doctore. A qua status virtute, vnius febris idea, in aliam conuertitur? Non quidem à sono, aut strepitu: peccans etenim humor, cum sensu careat, nec sonum, nec strepitum sentit: hinc neque maiorem, neque minorem ex his contrahere potest corruptionem.

Non à motu. Ad motum nanque ex Aristotele per se non est motus, sed est Vbi?

Adde, quod à flatu, cum intra venas mouentur humores, vrinæ ex Galeno, citrà aliquam subsidientiam turbatæ observantur: at in hoc languente, crudè semper, & nunquam turbidè fuerunt illi obseruatæ.

Non tandem ex commutatione, & transmutatione, quasi quod status

status de loco ad locum ducens humorem, qui febrem causat febris mutet ideam: exemplo forsàn desumpto à bile, quæ vt in 1. Epid. sect. 2. com. 20. Galenus docet, si extrà venas putrescit, tertianam simplicem causat, si intra venas, Ardentem, & si ad Cerebrum defertur, vt in com. 73. Phrenitidem.

At hæc transmutatio fieri non potuit. ex eo quòd status in dicto languente, in intestinorum erant cauitate inclusi, intestinorum non totaliter quidem, sed vel partialiter causantes dolorem: non autem intra venas erant; etenim ex iam dictis, aliquandò saltèm turbidæ fuissent vrinz, non semper crudæ.

Adde, quòd status geniti in febre, vt 4. de rat. vict. 42. dicit Galenus, turbationem indicant; quique vertiginem, aut capitis pulsus causant, siue in cerebro generentur, siue sursùm ab Infernis partibus deferantur, vt fatetur ibidem: quæ duo Symptomata in hoc languente, obseruata fuisse non referuntur.

Hæc est præterea eius Dictum alicuius momenti, quòd nempe status illi coaceruati ex temporis austrina constitutione, prauam contraxerunt qualitatem, quàm humoribus communicantes febrem contraxere malignam. Hoc enim quamuis gratis fingatur, gratis tamen concessio, propositum non concludit. Et patet clarissimè, nam pulsus ille paruus, & spissus, pusillam denotans febrem, à principio vsquè ad hunc, idem semper durauit: quo igitur modo, febris idea est transmutata?

Ex quo etiam colligere licet, quòd nequè febris Mos, dici potest, quòd de benigno in malignum fuerit mutatus, non etenim in principio benigna febris fuit obseruata, quæ postea maligna facta dicitur, sed ferè semper in eodem tenore, à principio, vt ipsi proprio ore fatentur, vsquè ad diem mortis permansit eadem, paucis solummodo, ratione doloris, obseruatis augmentis, & vno tantùm, vel duobus tertianarijs circuitibus.

ERRAT nono, in prima parte tertij Ponti. Querens enim, vnde tanti dolores? Respondet, duplicem doloris causam assignans, loci nempe angustiam, & vitream pituitam crassam, viscidam, & lentam.

At huius contrarium ex suis Dictis concluditur. In principio enim quinti Ponti, in 17. die, biliosam, fætidam, & putridam materiam, ægrum eiecisse fatetur, deinde ait, Cum hoc fluxu cesserunt dolores intestinorum. Verùm, remota causa, ex Philosophorum doctrina, si remouetur effectus, non vitream pituitam, intestinalium dolorum fuisse causam, Natura docet, & nos credere debemus, sed fætidam, & putridam bilem.

ERRAT decimò in secunda parte huius Ponti. Mouet enim du-

bium, an tanti, inquit, dolores, urinam valeant incrudare, pulsum minorare, & morbum malignare: & Respondet affirmatiuè; ex eo quòd doloribus in hoc languente, nocte inualescentibus, pluries deperdebatur somnus, quo deperdito, debilis reddebatur ad coctiones destinatus calor: hinc mala chylicatio, & peior sanguificatio: hinc urinae crudæ, & aqueæ, necnon & diminuti pulsus: ac tandem ex cruditatibus genitis, malignum deuenisse morbum, Galeni auctoritate affirmat.

Sed miror, Galeni doctrinas quàm malè applicet iste Doctor, nec non morborum, & Symptomatum quàm temerè fingat causas. Ad quid enim, dummodò non semper, sed *plurimum noctium*, ut ipse inquit, somnum deperdidit, crudas somniare urinas, & debiles pulsus?

Adde, quòd urinae non fuerunt à principio coctæ, deindè crudæ, ex quod verisimilis posset reddi sua cantilena, de colore videlicet debili reddito, de mala chylicatione, & de peiore sanguificatione, sed urinarum cruditas vnà simul cum dolore inuasit: non ergo à dolore crudas fuisse exortas urinas, sed altiores, existimandum est, illas habuisse radices.

Adde, quòd fæces, ut in Galliani patet historia, quotiescumque vel per enigmata, vel aliter illas euacuauit, coctæ semper, & ligatæ fuerunt: fæces ergo cur semper coctæ, & urinae semper crudæ? Coctione enim à debili calore si erant malæ, cruda coctionis cuiuslibet debebant esse excrementa.

Adde, quòd urina cruda, & pulsus paruus, quando sunt à dolore, tunc si dolor per plures dies continuetur grauis, urina fiet magis & magis cruda; sic & pulsus minus, & minus fortis: at in eodem tenore cruditatis, & paruitatis, urina & pulsus à principio vsquè ad vicinam mortem, obseruati fuere: immò in 16. die communi omnium gaudio, virtus eleuatio erat, ac pulsus spissitudo defecit. Non ergo à dolore, sed ab alia causa pulsum paruum, & crudam fuisse urinam, est arbitrandum.

Adde, quòd non omnes noctes, per singulas horas fuere insonnes, immò & per aliquos dies fuit æger dolore vacans: Cur ergo ad consueta munia tunc non rediens Natura, bonas, vel saltem coloratas non excreuit urinas? Eo modo ac in febribus fieri solet, quando Naturæ à causa morbifica grauata, conceditur respirare, Cur pulsus in doloris remissione, iniquam ut ipse dicit, non amittebat contractionem? immò ut Galliani terminis utar, remittente dolore, eleuari estò virtus videretur, eleuatio tamen illa in magnitudinem non erat, sed in mediocritatem, adeò ut paulò plus, posset dici eleuata. Non ergo cruditatis urinae, & paruitatis pulsus, fuit Causa dolor, sed alia interna

terna causa morbifica, quæ respirantem non derelinques Naturam, sed ab illa continuò Natura grauata, ne ad solitas operationes rediret, continuò impediabatur.

Asserit præterea quòd si cruditas ex Galeno in lib. de Cibis boni & mali succi cap. 14. morbos non solum gignere potest, sed illos etià malignos reddere: non ergo esse mirum ex hac doctrina concludit, si ex ciborum cruditatibus à somno deperdito exortis, languentis malignus fuerit redditus morbus.

At Medicorum iussu, facillimi transitus alimentis si æger cibatus erat, nec continuò deperdebatur somnus, nec dolor semper grauis, ad quid ergo, quæ malignum potuisset gignere morbum; tantam fingere cruditatem?

Præterea ubi acidi ructus, ex Gal. 6. aph. com. 1. ex frigidityte, seu debili calore-frustratam coctionem qui insequuntur?

Adde, quod in cruditatibus deiectiones sunt liquidæ, vt 4. de rat. vict. com. 4. docet Galenus: nam *coctio*, dicit ibi, *omnia cogit, & in-crassat*: sed ligatæ, & crassæ languentis deiectiones fuere: nulla ergo cibalis cruditas erat, vel saltem non tanta, malignum, quæ potuisset gignere affectum?

ERRAT vndecimò in prima parte quarti Puntis, in qua exagitat, Quæ febris ipsa fuerit? Et respondet, fuisse continuam, ratione quiddam præuæ qualitatis; & eò magis, quia pulsus verè iniquus, illi coniunctus erat, qui sub specie connaturalis fingebatur, & subdit deindè, *non ratione inflammationis, vt falsò quidam putabant.*

Sed falsò putauit ipse. Mors enim aliorum veram esse manifestauit sententiam, vt iam ex dicendis patebit.

Adde, si pulsus erat verè iniquus, ad quid illum credere naturalem? Nonne naturalium pulsuum differentias omnes, per ætates, sexus, anni tempora, complexiones, & alia huiusmodi enumerauit Galenus, & tamèn iniquum pulsum inter naturales non ascripsit? Ad quid ergo, (si Galeni doctrinis, nouas non credit ipse superaddere doctrinas) naturalem illum pulsum non solum non esse, sed nec esse posse, pro certo non habere?

Adde, quòd nequè inter pulsus nonnaturales, tali termino, iniqui pulsus, fuit vnquam vsus Galenus. Hinc tali termino caueat vti & ipse: arma enim hostibus tradet: illos nanquè ipse vocat iniquos: at potiori iure, Res ab Innentore vt plurimum nomen habent, à Medico iniquo, dicent illi fortassè, pulsum fuisse inuentum iniquum cum tamèn ille bonitatis sit, & simplicitatis exemplar.

Adde præterea, quòd ipse inquit, *Immo si pulsus quantitas, & qualitas mihi fideliter narrata fuissent, presagium certiori modo, & non sub nubilo ad malum potuisssem explorare.*

Sed suam, quo termino utar, nescio, dicam inaduertentiam, excusatio hæc non saluat. Prudens etenim Medicus, de re, quam ipsum cognoscere oportet, ab Ægrotante certus fieri, non debet: nec de Prognostico, & de curatione dum agitur, in re tam grati, in alterius Medici dictis suam, aliquis tenetur fundare sententiam. Manus si ipse non habuisset, utpotè tantum illi condonarem ego errorem: at manus habuit; pulsus tetigit: & sensu tactus, quis est certior sensus?

ERRAT duodecimo, in secunda parte huius Puncti, non posse videlicet asserens, in tali febris continuitate, inflammationem aliquam suspicari, non quidem externam, ut Mesenterij, Ventriculi, Iecoris, vel splenis: nec internam: hæc autem quæ sit, ipse non explicat.

Quæ distinctio mihi primò non placet. Mesenterium enim, Ventriculum, Iecur, & splenem, inter partes externas connumerari posset, ego non video.

Adde, quòd in illo Hippocratis aphorismo registrato in 4. aph. 48. *In febribus S.S. non intermittentibus, si partes exteriores frigida, interiores uruntur, & sitim habeat, letale est.* Explicat in com. Galenus, exteriores partes Cutem esse, interiores verò illas dici, quæ sunt in profundiori corporis parte. Quòd autem huiusmodi sint, Ventriculus, Iecur, Splen, & Mesenterium, ex hoc eodem textu colligitur. nam internas partes exuri, externas frigescere, in Solis febribus, quæ Causones ab incendio nominantur, perniciosiss, ut dicit Galenus, accidere videntur, vel si aliter libeat appellare malignissimis, veluti lippirijs: at Causus, ut in 3. Epid. sect. 3. com. 33. idem Galenus docet, fit quando putrescit bilis in venis Iecoris, Ventris, & præsertim in eius ore. Falsa ergo est distinctio illa, & inflammationem internam, tam quæ est in omnibus venis, quam quæ in quolibet interno viscere, Erysipelatis instar, ut 4. de rat. vict. com. 1. nos vocare debemus.

Sed gratis illi hæc concedantur. De nominibus enim si parùm curat Galenus in 2. de diff. febr. cap. 6. de illis parùm curo, & ego: unde ad eius rationes examinandas, nunc me transfero.

Inflammationem ergo tam internam quam externam negat ipse, ex eo quòd utriusque inflammationis, non aderant signa. Et 1. non erat dolor, non tensio, non sitis, non linguæ ariditas, non tinctura, immò lingua humida erat, & siti carens, non internum incendium, non partium externarum frigiditas, nisi in vitima die.

At ò quam friuola ista sunt argumenta, & se hic Doctor suis armis ferit. Patientis enim querelæ ad celos usque tendebant, ob dolores in inferioribus partibus, & præcipuè in intestinis, adeò ut dolores, vocauerint Medici, intestinales, & nunc ipse dolorem negat?

Adde quòd à flatu sæpè sæpius tensionem in illis partibus ipse cõcedit: sed à flatu non benè illam existimat, ex eo quòd, ut ipsemet fate-

fatetur, remouebatur illa, non solum remoto flatu, sed etiam ascel-
lando: non ergo à solo flatu illa tensio erat, secundum eius princi-
pia concluditur.

Adde quòd dici potest tensionem illam à flatu non esse, sed à flatu
potius manifestari, ex eo quòd flatus dilatat viscera, eo pariter mo-
do, quo de renum dolore scripsit Hip. in 6. Epid. sect. 1. t. 6. cum in-
quit, *In renem dolor grauis cum cibo implcantur, liberantur verò cum ci-
bis euacuati sint.*

Adde quòd sitim & linguam aridam patientem, ipse habuisse ne-
gat, & tamen ob linguę ariditatem, vt vulgò ferebatur, vix aliquando
loqui poterat, & siti adeò exardebat, vt aquam continuò appeteret.

At in Ciuium fide, testimonium qui de hoc perhiberent, meam si
vellem ego fundare sententiam, vana quidem esset oratio: contra me
enim, ò quot falsi reperirentur testes: ab eius idcirco scriptis, quę
negari non possunt, vtique non discedens, ipsius rationes enervuo.

Concesso itaque gratis quòd æger sitim non habuit, immò humi-
dam linguam sitis expertem, vt ipse dicit, quamuis hoc quàm longè
sit à veritate alienum, Affero ego tamen non sequi ex hoc propte-
rea, inflammationem non fuisse internam: ex eo quòd sitis non est
signum necessario consequens inflammationem internam, præser-
tim quando illa est maligna.

Ne tamen vana me loquentem quis putet, Galenum affero in 4.
de ratione viſt. com. 1. vbi postquàm vehementem in corpore cali-
ditatem, & incompscibilem sitim, ardentis febris patognonomica
signa posuerit, asserit deinde, quòd cum Causus, non vnā eandem-
que semper habeat generationem, non idcirco Causus est sitis perpe-
tuum & necessarium signum: at quando Causum sitis sequatur, &
quando non his verbis explicat Galenus, „ *Nempè in vna corporis
parte quauis illa sit, interdum Causus gignitur, interdum & toto in corpo-
re. Verum cum in toto sit corpore, sitim omninò parit; cum verò in vna
parte, non de necessitate, nisi pars ipsa sitim pariat. Omnium autem primū
& maxime id facit os vetriculi, deinde ventriculus, atque ab eo stomachus,
post pulmo, & subinde ieiunum intestinum.* Quintum ergo locum in pa-
riendo sitim habet intestinum ieiunum: at languentis dolor si in in-
testinis erat inferioribus, & propriè crassis, vt ipse testatur, & Gal-
lianus in principio suę historię enarrat, & vbi est dolor, ibi est in-
flammatio: nam continuum inflammatio soluit, & ad continui solu-
tionem sequitur dolor, Quid ergo est mirum, quòd nullam patiens
habuerit sitim, immò & humidam linguam, si inflammatio in parti-
bus erat, non parientibus sitim.

Adde consequenter quòd si lingua cōmunem habet cum vetriculo
tunicā ex Gal. 3. progn. 30. hinc & ab eodē humore, à quo vetriculus
alte-

alteratur, & illa, immò & ob immoderatam ventriculi caliditatem lingua nigrescit, vt his, quibus cutis sole vsta sit, ex 4. de rat. vict. com. 4. Non ergo pariter est mirandum, si patientis lingua, nullam fuerit passa tincturam, ex eo quòd inflammatio, vel causus, vel Erysipelas, vt ad mentem Galeni 4. de rat. vict. com. 1. strictius loquar, in alia parte, quàm in ventriculo erat, in inferioribus vt potè intestinis.

At Dices, Si interna inflammatio, vel Causus, vel Erysipelas in inferioribus erat intestinis, & si Causi duo sunt signa, vehemens scilicet caliditas, & incompefcibilis sitis, cur exurens saltem non adfuit, caliditas, & concessio, assignatas ob rationes, quòd sitis esse non potuit?

Respondetur autèm facile si cum Gal. in 4. de rat. vict. varios Causi perpendamus modos: docet enim in com. 16. quòd Causus duplex est, exquisitus vnus, & spurias alter, ac vterque benignus, est, vel malignus: in exquisito itaque, & spurio Causo, quando vterque est benignus, ignea & velemens in toto corpore caliditas adest: at quando vterque est malignus, non exurens inest caliditas, immò refrigeratur extrema, patientis ergo. Patientis ergo in intestinis, Causus cum esset malignus, exurens non idcirco in corpore, caliditas fuit.

Dices iterum, quòd in Causo maligno, Extremorum adest refrigeratio: at in languentis proposito Casu, illa non nisi in vltima die, fuit obseruata.

Respondetur etiam facile, notando, quòd extremorum summa refrigeratio, non requiritur necessariò in omni inflammatione interna, sed tantùm perniciosissima, de qua Hip. & Gal. in 4. aph. 48. scripserunt: immò in 2. progn. com. 4. docet idem Gal. quòd tantò maior est interna inflammatio, quantò maior extremorum adest refrigeratio: ità vt ex his textibus colligatur clarissimè quòd in febrim ardentium genere, metrum & mensura caloris quarumlibet ardentium, est exurens caliditas exquisita febris ardentis, à qua exurenti caliditate quantò magis febris ardens recedit, tantò magis ad Causum malignum seu internam inflammationem accedit. Languentis ergo, intestinorum Causus, ad perniciem tendebat, & idcirco in principio & augmento inflammationis internæ, calor visus est naturalis, vel paulò plus mordax (non aliam enim in eorum scriptis tam Gallianus, quàm Roccus de calore faciunt mentionem) in statu autèm, natiuo extincto calore, atque adeò extremorum facta refrigeratione, mortuus est. Extremorum enim summa refrigeratio, virtutem denunciat extinctam, quæ in extremis partibus, calorem producere non amplius potest.

Adde, quòd ob hanc eandem causam, in causo maligno, nec sitis necessariò adest, vt in secunda meæ assertionis parte, ego notavi: immò si Galeno

si Galeno credamus in 1. Epid. sect. 1. com. 29. maximæ malignitatis signum est, in calida & adurente febre, non sitire ventriculi enim sentientem virtutem iam deperditam indicant, & in 3. epid. sect. 1. com. 5. non sitire in febre ardente, ait, *quod alterutrum indicat, aut mentem læsam ægri esse, aut ventris naturalem facultatem, qua subinde cibos appetimus, emori.*

Adde, quod spirandi difficultas, si propter aliquam earum partiū, quæ respirationi obseruiunt, passionem, contigit, vt 4. aph. com. 50. docet Galenus, non idcirco ad arguendam inflammationem internam, spirandi in languente requirebatur difficultas; inflammatio enim in intestinis erat, quæ respirationi non seruiunt: at in ultimo die si illa fuit, vt Gallianus dicit, abs re non est: ex vaporibus enim putridis ab intestinorum Erysipelate ob natiui caloris extinctionem putrefacto, eleuatis, cor suffocabatur, hinc non mirum, respirandi si fuit auctus vsus, corde iam tendente ad interitum.

Adde vltimò, quod internum incendium negat, ex cuius absentia internam inflammationem impugnat; & tamen fateri non erubescit, quod tantum sentiebat æger ardorem, vt frigidos lintheos ventri applicaret, immò & in manuum volis magnam quoque persentiebat caliditatem.

Sed quod magis mihi mouet risum, est quod ab ægro, de tam furienti incendio, Medicus rationem edicit, ait enim, *Totum dicebat velle facere, quia è rebus calidis nimis excalescens erat, vt etiam ad manuum volas extendebatur præ hepatis excalescitione à calidis applicatis.*

Et præterea ita hallucinatur, vt hanc rationem veram esse, Galeni autoritatibus demonstrare conetur; & non videt quod à Medicamentis calidis, caliditas illa si concedatur inducta, sequetur error peior priori, quod nempe inflammationis eius, & mortis, sola causa fuit Medicus, Medicus fuit homicida.

ERRAT xiiij. in tertia parte huius puncti, dùm se de Prognostico excusat, in 16. die salutem prolato, quod tamen in 17. contigit ad mortem: promiserat enim ille, in sequenti die, consorti maritum tribuere, at postea Telluri communi hominum Matri, donauit filiū.

Non ergo se bene defendit, dùm non errantem se asserit, ex hoc quod conditio, si, non ponit in esse de necessario, sed solum de contingenti: hoc enim tanquàm verum ego quidem concedo. At quæro ab hoc Doctore. Quia in Schola Latinorum ne, Arabum, vel Græcorum, præfagiendi hunc edidicit modum? Nonne futurorum, ex præsentibus præfagia sumuntur, vt 4. de præfag. ex puls. cap. 2. docet Galenus? Nonne, vt habetur ibidem, cognitis morbi causis, & cognito morbo, non solum mortem, aut salutem, prædicere tenetur Medicus, sed etiam tempus, & modum salutis, aut mortis?

Pulsus si, adhuc perseverabat iniquus, urinae magis aquae, morbus absque ratione remissus; ex medicamento enim si quis remissum credat, fallitur, nam ex illo oppressa fuit magis virtus, nec minus graues quam antea, ut ipsi dicunt, adfuerunt dolores, ad quid ergo interitum non timere? Nonne morbi vires, cum Naturae viribus comparare, in morbi praesagiendo euentu Galenus & Hip. docent, adeo ut absque ratione, nec remissioni sit, nec morbi augmento, unquam credendum, ut in 2. aph. 27. legitur. *His qui non ex ratione lenius se habent, non oportet fidere, neque multum formidare mala, quae praeter rationem eueniunt. Plurima enim talia stabilia non sunt, neque multum durare, aut permanere consueverunt.* Ad quid ergo de Chrisibus, de Diebus decretorijs, de Prognosticis, de Urinis, & alijs tam accuratè Galenum, & Hippocratem Scribere, si Prognostica, non à principio inspecta morbi idea, more, & motu fieri deberent, sed de die in diem immò de hora in horam, iuxta febris, aut Symptomatum augmentum, vel decrementum? Anne Medici, cum Tonforibus, & famellis, leges habent communes, quae in Accessionis principio, augmento, & statu, praesagiunt mortem, an declinatione salutem? Anne Medicorum Prognostica Aegyptiorum sunt ludi nunc intus Compater est, nunc foris?

Sed miror, in talem quo modo inciderit, iste Doctor, errorem. Poterat enim non illos imitari nostrates Aesculapios, quibus semper praedicentibus salutem, absque quo se disponant ad mortem, ex hac vita abeunt aegri; sed alios imitari Apollines, quibus, mortem in omni morbo praesagientibus, vel salus, vel mors, deinde sequatur, aut praesagiendi, aut curandi, illis semper tribuitur gloria: & sic Artem Arte deludent.

ERRAT 14. dum contra medicos insurgit, excretionem illam non gelu, aut vitream pituitam, sed intestinorum fuisse adipem existimantes, & illos quinque vijs impugnat: ac primò, ex eo quòd excretionis tempore crepitus aderant: 2. tormina. 3. quia calidis cedebat, emedijs. 4. ex hoc quòd dolor, ex eorum exitu reddebatur levis, maximumque fatabatur aeger refrigerium sentire: & 2. quia abdominis extenuatio non erat.

At de tali controuersia, ego quidem non admirari non possum: O enim infelicem, dicent, aegrum, quicumque sua scripta legent, dummodò eius morbus, medicis tradebatur curandus. qui etiam de re, quam proprijs intuebantur oculis, dubij erant.

Sed illorum, quis verum dixerit, si à Visu litis pendet iudicium, iudicare non valeo. Affero ego tamen, quòd huiusmodi rationes non adipem, sed vitream fuisse pituitam probantes, sunt quidem inefficaces, & nullius momenti.

Et quantum ad primam rationem, dici potest quòd status tam gelu,

gelu, quàm adipem, conomitari possunt : duplicem nanquè ex dictis, efficientem causam flatus agnoscunt, debilem scilicet vel fortem calorem, immò & duplicem materialem causam, calidam nempe, & frigidam.

Sic etiam tormina, pituitam in Tenesmo sequuntur, bilim in Dysenteria.

Sic dolores, vel à frigida sint, vel à calida causa, ab extrinsec a concalescentia iuuantur, & præsertim ex milijs, & anodinis, vt 2. ad Glau. cap. 6. docet Galenus.

Sic à flatuum excretionem, dolor si reddebatur leuis, maximumque sentiebat refrigerium æger, hoc quidè à ratione non distat, ex eo quòd illis excretis, partes inflammatae non admodum tendebantur, quemadmodum de renum dolore exemplificauimus supra, in quibus excitatur dolor, cum cibus, hoc est excrementis ægri impleantur, „ Nempè quòd, vt in loco allegato ait Galenus, *Multitudine, pondereque excrementorum premantur, onerenturque, simulatque ista deiecta, expulsaque fuerint, remittitur, atque planè finitur.*

Adde, quòd à calidis applicatis, & à flatuum excretionem, non cedebat dolor, sed leuis tantummodò reddebatur, adeò vt refrigerium æger sentiret : signum euident, doloris causam non esse flatus, sed à flatibus solummodò grauiorem fieri dolorem.

Sic tandem, abdominis si non aderat extenuatio, (hoc autè grati illi concedo, vtpotè quia talem ægrum non obseruauerim, hinc eius dictis credere, sim coactus,) non tamèn suum concludit ipse propositum: dicere enim possum, quòd illa abdominis extenuatio, aderat quidè, sed ob inflammationem in illis partibus existentem, manifesta non erat.

ERRAT 15. in quinto punto dùm quærens „ *Vnde euenerat ille repentinus actus 17. diei suæ infirmitatis?* Et respondet, *quia tunc aluus largè fluxit putridam biliosam materiam.*

At hæc responsio petit principium, & similiter est, ac si quærenti, cur Petrus est mortuus? Responderetur, quia amplius viuere non potuit: idem nanquè est quòd quærit, & quòd respondet: quærit enim vndè euenerat ille actus, scilicet quo aluus largè fluxit biliosam materiã, cum qua animam æger extramisit, non alius etenim actus, præter istum, fuit in illa 17. die, & respondet, „ *quia tunc aluus largè fluxit putridam biliosam materiam.*

Adde, cum hoc fluxu, dicit ipse, quòd cessarunt dolores, & quòd gelu amplius non comparuit: & quærens postea, vbi gelu reconditum erat? Respondet, *circà partes spirituales.*

Sed in obscura hac ratione manifesta est falsitas. Afferit enim primò, quòd in 17. die, comparente bilioso fluxu, non comparuit

Gela: & postea dicit, quòd gelu hoc non comparuit, quia se recòdidit circa partes spirituales, & deindè ait „*à cuius vaporibus ad cor elatis virtus reddebatur suppressa, & ab hac causa proueniebat iniquitas pulsus, & non à naturalitate.* Falsa ergo, & contradictoria, loquitur iste Doctor. Nàm gelu in 17. die se abscondit circa partes spirituales; at Pulsus à principio fuit iniquus. Nisi tamèn dicere velit, quòd, effectus prænenerit Causam.

Adde, quòd de tali pulsu, & detali febre, fuit semper ille dubius, hinc propè morbi finem, tertianarium typum, an seruauerit febris, dubitare videtur, adeo vt in quinta die, à tertianæ principio, contingerit illa Crisis ad mortem.

Sed à difficultatibus tantis, se tandèm liberans, non aliam in suis scriptis meliorem, legi resolutam conclusionem, quàm hanc, his registratam verbis „*Quomodo cumq; fuit, ager cum illa pessima excretionè, vitam cum morte commutauit.*

Nec præterea, nouam primo quæsito propè finem huius puncti responsionem assignant, dum criticasse dicit Naturam, ex eo quòd irritata &c. Hoc enim est quod quæritur, Causa s. s. huius irritamenti quæ fuerit?

Dices, quod istius irritamenti, malignitatem ponit ipse fuisse Causam, ait enim „*Sed quæ bona Crisis expectari in malignis potest?* immo auctoritate Galeni in 6. epid. vigori malignitatis tribuit illius morbi remissionem in 16. die, & fortio rem inuasionem in 17. ac tandèm per sequentes eius doctrinas, malignitatis Causam, concludit fuisse Contagium.

Sed benedictus sit Deus. Concedit itaque iste Doctor febrem illam fuisse malignam, & Contagium habuisse pro Causa notate nunc quæ sequuntur.

ERRAT 16. dùm languëtis morbum, se rectè curasse defendens, asserit: quod ægrum summa cum ratione, bolo, ex dia captoliconè, diaphiniconè, diapruno, & pulueribus hyeræ, confecto, octaua die purgauit: tùm quia intestinalis dolor ab Auicennistis, furiosi obtinet nomen: tùm quia in hoc casu, talia exhibent medicamenta Classici, & Practicantes Doctores.

Sed ecce quod hic Doctor. memoria careat necesse est. Paulo enim antè, huius morbi, Contagium posuit fuisse malignitatis causam, nec non biliosos, & putridos fatetur fluxus, & nunc tenaces, & frigidos reuocans in causa humores, iure optimo se medicamenta etiam scammonèata dedisse, defendere non erubescit.

Adde, quod sicco, nimis pede, difficultatum pertransit Oceanum. Hinc assero primo, quod malè ægrum tam graui medicamento vnica vice purgare fuit ausus. In omni enim dolore, vnica vice

valentibus uti remedijs, crudelis medici officium est, qui vñd simul cùm dolore vitam homini aufert, ut 12. Meth. cap. 1. affirmat Galenus: quam regulam in cap. 7. eiusdem libri obseruauit idem Galenus, vbi quadragenarium colico dolore affectum, purgando per internalla curauit.

Adde, quòd si tutò & iucundè curationem moliri Medicus debet, non verò celeriter; festinatio enim periculosa est, ut contra Asclepiadem sustinet Celsus lib. 3. cap. 3. at non est tutus, dolores sanandi modus, graui medicamento ægrum purgare ex alleg. 12. Meth. cap. 1.

Adde, quòd si humor vitreus iuxta eius sententiam, in intestinis erat, quo modo ergo, dicit ipse, quòd est furiosus, si furiositas fixum non importat habere locum?

Adde, concesso gratis, quòd in Colico affectu, talia Doctores omnes medicamenta commendent; at nunc non sumus in casu. De Colico enim loquuntur illi dolore, cui febris non sit coniuncta, & præsertim continua, quæ vel non est citra prauam qualitatem, vel non citra inflammationem: quo in casu, ut passim ex Galeni sententia habetur, vrgentiori est attendendum, altero non neglecto.

Adde, si pulsus erat iniquus, hoc est paruus & spissus, vel debilem vel oppressam vitalem arguens facultatem, necnon vrinx aqueæ humorum intra venas cruditatem significantes: & *Si qui procedunt morbi à coctionis difficultate, & copia crudorum humorum nullum ab excretionibus consequuntur emolumentum*, ut 1. Epid. sect. 2. com. 37. docet Galenus, ad quid ergo tam forti medicamento ægrum purgare? Qualis ex illo fuit sequuta utilitas? Quale ex tanta euacuatione iuuamen? Virtus forsan suppressa magis, grauiores dolores, Crisis ad mortem, & quod tandèm mortuus est?

ERRAT 17. dùm in Colico dolore Scammoneata exhibet medicamenta. In intestinorum enim affectibus damnat illa Galenus in 12. meth. cap. 7. ut potè, quod ex ijs, maxima intestinis accadat noxa, vel quia scilicet in illis, erosionem Scammoneata pariant, vel quia ex toto corpore, ad illa fluxionem causent: & fortè contigit casus: magna etenim fuit, post medicamentum egerendi, ut ipsi referunt, sortita cupiditas.

Adde, si Purgatio sit Natura expellente, & medicamento attrahente, ut 1. aph. 32. docet Galenus, & calor, sicut ipse supponit, ita debilis erat, ut nequè vrinam efficere posset coloratam, ad quid ergo, medicamentum tribuere Scammoneatum?

Nec benè se defendit ex eo quod posuit diaprui lenitiui maiore portionem: hæc enim confectio, Scammoneatæ confectiois operationem non impedit, quippè quæ illius non est correctiua, sicuti est malum Cydonium ex eodem Galeno.

Et tandem, multos Doctores, si pro se ipse affert, quos ad legendum nos excitat & impellit, Respondeo, quod illos, sæpe sæpius legi, & usque modo non aliud obseruavi, quàm quod illorum ipse, male applicat sententias.

ERRAT 18. dum se, ob derelictam sanguinis missionem, non crasse conatur ostendere. Non enim à brachio, asserit ipse, quod sanguinem mittere potuit, ne forte si sanguinis missio à circumferentia trahit ad centrum „ *Magis materia vitalibus internaretur partibus.*

Sed ò quam vanus fuit iste timor. Materia enim, si in eius sententia vitrea est frigida, & grauis, in intestinorum tunicis inclusa dolorem causans, quo modo ergo, & per quas vias, ad vitales poterat ascendere partes?

Adde, si in sanguinis missione, maior esset tractio à circumferentia ad Centrum, quàm à Centro ad circumferentiam, male quidem Galenus ex brachio in internis inflammationibus sanguinem mitteret.

Adde, quòd in Pleuritide, quæ Pleuræ interna est inflammatio, male etiam à directo laborantis lateris, secaretur vena, si inanitionis vice ab affecta parte, humor magistraheretur ad illam.

Asserit præterea, quòd neque ex pede sanguinem mittere potuit: & assignat rationem dicens „ *Et si urina ita aquea erat, ut à calidis remedijs deforis applicatis uquam potuit colorari: igitur in his partibus summa erat frigiditas, ut quid ergo mittere sanguinem, an ut cruditatem cruditati adderemus cum Auicenna?*

Sed duos in hac ratione iste Doctor committit errores. vnde

ERRAT 19. à calidis remedijs deforis applicatis aqueam dum credit, colorari posse urinam.

At hoc falsum esse, in philosophicis & si parùm quis versatus scientijs, clarissime videt. Non enim à nudis qualitatibus, in mixtis sunt colores, & patet ex hoc, quod idem color, in mixtis contraria temperie præditis, reperitur, ut albedo in niue, & calce, quamobrem ex mixtione diaphani cum opaco, colores fieri dicendum est: hinc si in mixto, diaphanum corpus excedit, ut ignis, aut aer, albus erit eius color: Si verò excedit corpus opacum, ut terra, & aqua, eius color erit niger: hac tamen habita differentia, ut quia ignis est Corpus magis diaphanum, quam aer, & terra magis corpus opacum quàm aqua, sit idcirco, ut vbi plus sit de terra, corpus illud sit magis nigrum, & vbi plus sit de igne, corpus illud sit magis album.

Hinc collige, quòd si elementis correspondent humores, igni nempe correspondet bilis, aeri sanguis, aquæ pituita, & terræ melanco-

Iancolia, sequitur idcirco, ex vario vrinarum colore, varios existimandum esse excedere humores: vnde si flaua erit vrina, signum est quòd dominatur bilis, si rubra, sanguis: si alba, pituita: si nigra, melancolia: Non ergo, ex remediorum deforis applicatorum calore, aqueam colorari posse vrinam, ex iam dictis, concludere oportet.

Sed ex meis principijs, suam forsàn colliget iste Doctor conclusionem. Nàm si intra venas, pituitam dominari, vrina alba est signum, iure ergo non misit sanguinem, ne forte, cum pituita sit humor frigidus, sanguine idcirco extracto, ac maiori in corporis habitu refrigeratione sequuta, cruditas cruditati adderetur: At verè colligit male, & est secundus error in sua ratione notatus, & sic

ERRAT 2o. Vrinam aqueam in hoc languente succos crudeos intra venas dominari, signum esse existimans.

At falsò hoc credit. cum non solum pituitæ dominium, vrinæ albæ sit causa, sed etiam alicuius visceris, interna inflammatio.

Pro huius autem intelligentia, advertere mihi liceat, quòd vrina cum sit aqua, vel aque naturam referens. idcirco de se, vel nulum habet colorem, vel est alba: quia tamen secundæ coctionis, illa est excrementum, ne fortè ad vrinam expellendam non irritata Natura, vrinam retineret, bilis propterea, bene se habente corpore, postquam genita est in hepate, tum facibus, tum vrinæ miscetur, adhuc nempe, vt ex bilis acredine ad talia expellendum excrementa, illorum expulsionì, qui sunt destinati, titillarentur muscoli: corpus autem cum ægrotat, alij cum vrina admiscantur humores, & sic illa eorum, quæ sunt in venis, est certissimum signum.

Vrinæ ergo albæ, non alia immediata est causa, quàm quòd bilis, illi non admiscetur: cur autem hoc fiat, assero quòd quatuor fieri potest ob causas. Vel primo, quia vrina non retinetur eò vsque gignatur bilis, ex gr. cum multum bibimus, aut cum potus est acer & tenuis, aut cum virtus retentrix languet. Vel 2. quia bilis non gignitur, estò vrina retineatur, & hæc, verum est, quod magnam caloris natini arguit miseriam, sum. namque cruditatem humorum. Vel 3. cum bilis est adeo crassa, vt quauis misceatur vrinæ, non potest tamen illa per angustos permanere meatus, & sic alba remanet vrina, quæ modo in ijs, qui vel renum, vel vesicæ calculo laborant, obseruari solet. Vel 4. est alba vrina, cum bilis estò multa generetur alio tamen mittitur: hinc ad intestina si illa mittatur, vel inflammationem in illis, vel dysenteriam causabit, si ad os ventriculi, vomitum; si ad cerebrum, phrenitidem &c. quam ob causam in 4. aph.

aph. 72. dixit Hipp. „ *Quibus vrina alba, & perspicua mala, praesertim si in phreniticis appareant.*

His ergo notatis, aqueam urinam in hoc languente non crudos arguere succos colligere licet; sed in intestinis, vt probauimus, si inflammatio erat, merito ex hoc, quod tota bilis ad intestina accurrebat, aquea remanebat vrina, consimili modo ac in dysenteria, & phrenitide. Quod si quis clarius desideret exemplum, in 3. epid. sect. 2. ægroto 9. Hippocratem legat, vbi in intestini Ileos inflammatione, urinam refert, fuisse crudam.

Malè itaque, si res ita se habet, non misit sanguinem iste Doctor. In hoc etenim casu, sanguinis missionem non prohibet vrina cruda, vt in phrenitide, & dysenteria experientia docet; immo & in ipso Voluulo, intestini s. s. Ileos inflammatione, quamuis vrina esset cruda, in iam allegato ægroto, sanguinem misisse Hippocratem, estò eius non meminerit, aduertit in commento Galenus.

Sed concedamus gratis, in intestinis inferioribus inflammationem non fuisse, nonne tamèn, ratione febris continuæ, immò febris malignæ, sanguinem mittere ipse debebat?

Vel concesso pariter gratis, febrem non fuisse malignam, sed simpliciter Symptomaticam (malignam enim fuisse, post mortem solunimodò, ille cognouit) nonne ratione periculi in putridam s. s. ne fortè illa transiret, venam secare oportebat?

Vel concesso etiam gratis, nullatenus fuisse febrem, sed Colicum tantummodò affectum, nonne sanguinem mittere, conueniens erat, ad hoc saltem, vt corpus redderetur auarum, & ad partem dolentem ne sanguis flueret, hinc in illa, inflammationem causaret, cum dolor tractionis humorum sit sufficiens causa; & praesertim quia languentis temperies calida erat, & humida, vt ille in quinto punto affirmat, quæ sanguinis cum sit ferax, ad sanguinis missionem, Medicum reddebat audacem,

Nec obstat 1. quod dolor iste colicus, à causa erat frigida; vnde inflammationem non poterat producere in parte.

Respondetur etenim facile, notando ex Gal. 13. Meth. cap. 3. quod facultas expultrix, tunc expellendi suo fungitur munere, cum triste aliquid sentit; & deinde ait „ *Vnum verò quiddam est ex ijs quæ eam contristant, ipsa quæ dolorem excitat causa, quæcunque ea sit.* Hanc igitur elicere dum properat, phlegmonem interdum in particula concitat. Cum enim primis suis conatibus nihil profecit, vehementius aggressa quod infestat expellere, sanguinis aliquid, & spiritus ex superpositis partibus in afflicta simul exprimit. Atque hinc fit, quòd ex dolore, particula, pro portione confluentis in eam humoris, in tumorem attollitur. Ex quibus ergo Galeni verbis, clarissimè patet, quod doloris quamuis causa sit frigida,

gida, phlegmonem tamen dolor in parte dolente, potest causare.

Nec obstat 2. quod humorum cruditas, ut ex urinis clarum erat, anguinis missionem impediabat.

Respondetur enim, notando pariter, quod cruditas triplex est, cibalis una, & hæc sanguinis missionem non impedit, sed retardat, eo usque ad intestina cibi descenderint, sic docente Galeno in 9. meth. cap. 5. Alia est morbifica, mediante qua morborum principia nos docet Hippocrates; & hæc non impedit, nec retardat, sed missionis sanguinis tempus opportunum ostendit, ut 2. aph. 29. dixit Hip. „ *In principio morborum si quid mouendum tibi videtur moue.* Et alia tandem cruditas dicitur humoralis, quando s. s. citra sanguinem, frigidi & crassi in corpore abundant humores, & hæc, sanguinis missionem non impedit, si mittendi sanguinis adsint scopi, ut in lib. de rat. cur. per sang. miss. cap. 13. docet Galenus, quando ait „ *Quibus ambobus scopis presentibus (morbi s. s. magnitudine, & virium robore) constat ut ante diximus, nullam esse crudorum humorum tantam, talemque plenitudinem, quæ hoc inhibere auxilium possit.*

Ne tamen in Auicennæ incidamus periculum, docet in eodem libro de rat. cur. per sang. miss. cap. 12. Gal. in hoc casu non multum euacuari debere, sed partiri vices, sic enim ait „ *Vbi ergo multa euacuatione est opus, verum vires sunt imbecilliores, in his euacuationem parari expedit, uti nimirum & me fecisse vidistis, in ijs, quibus crudorum inerat humorum copia.*

Concludit tandem iste Doctor „ *Sileant ergo &c. & vere bene concludit: pura enim possemus dicere, & silemus.*

COLLIGE ergo ex dictis non Colicum dolorem, ex vitrea pituita genitum, patientis fuisse affectum, sed ex contagio, & bilioso humore, cum crassorum inflammatione intestinorum, palliuiolam, & malignam exortam febrem.

Quod autem Contagium, in patiente, ad putrescendum si dispositi fuerint humores, malignæ sit causa febris in 2. de diff. febr. cap. 2. satis clare dixit Galenus.

Nec obstat, quod non statim à Contagio, fuerit febris sequuta, sed post 4. dies, in illam inciderit.

Respondetur enim, quod ex Contagio infecti humores, cum ad morbos producendos, non adhuc tunc temporis sufficientes essent, pedetentim audi fuere, usque quo & morbum attulerint, & mortem. Consimili modo, quo mortis usu venit à rabidis canibus, ut 3. Epid. sect. 3. ægroto 4. his verbis docet Galenus „ *Longo enim tempore, Causa que rabiem efficit, augetur, quæ ubi eò tandem peruenit, mortem affert repentinam.*

Adde, quod maligna febris, proditoris hominis instat, qui aliud in ore,

24 *Duellum inter Salernitanos;*

ore, aliud in Corde tenet, remissa quando illa videtur, tunc in decretoria die, crudelior inuadit, vt 3. epid. sect. 1. com. 8. dicit Galenus, hinc malignam, ex ijs, quæ obseruata legimus in languente, fuisse febrem, sole clarius quis non videt?

Adde, quòd non nisi malignam febrem, signa quæ aderant, ostendebant, Et 1. Calor naturalis calori similis, vel paulò plus naturalem excedens, à me ex supra dictis, malignæ febris est signum. Pulsus itè paruus, & spissus, naturalis pulsus speciem referens, vt in 3. de præfag. ex puls. cap. 3. docet Galenus, maligne febris est argumentum. Sic deniquè vrinas aqueas, & aliquandò cum succo crudo, malignas concomitari febres, in 3. epid sect. 1. tex. 26. affirmat Hippocrates.

In intestinis præterea inflammationem fuisse, febris, & dolor, clarissima fuerunt indicia.

At Dices. Tensio non fuit, quæ inflammationem consequitur, sed illa à flatuum multitudine, aliquando obseruata.

Quæ difficultas ex superioribus remanet iam soluta, & nunc ad Confirmationem Cornelij Celsi lib. 4. cap. 13. doctrinam afferò, vbi docere videtur, quòd aliquando in intestinorum inflammatione, nullus tumor apparet, hinc medico vt illum cognoscat, his verbis regulam tradit, *Si nihil tumet, duas manus imponere oportet suprà summum ventrem, paulatimque deducere. Inuenitur enim mali locus, qui necesse est renitatur.*

Et tandè ex multra tum vitreæ pituitæ, tum excrementorum, per enegmata, & medicamenta, euacuatione, & tamen dolorem non quiescere, cum quiescere debuisset iuxta Galeni sententiam 12. meth. cap. vlt. immò fortiozem postea redire, nonne intestinorum inflammationis certum erat indicium?

Prognosticum in hoc casu, sanus esto æger videretur, secundum tamen Galeni doctrinas, non poterat non fieri ad mortem. De Hermocrate enim in 3. ep. sect. 1. tex. 10. loquès Hip. dicit hæc verba, *iterum vigesimo die est iudicatus, & à febre liberatus, non sudauit.* In quo textu ex duobus, Hermocratem moriturum denunciat Galenus: primo quia vrinæ tenues permanebant, & ex hoc inquit, *Sed quia exitialia Symptomata manebant, vt postea dicit, Hermocratem clarum erat obituum.* Et in tex. 9. Medicum adiùrtit, quod vrina existente cruda, hominem fore incolumen dicere nequeat. Secundo quia, Remissio sine signis aduenit, & ex hoc, his verbis nos admonet, *Nam quod permanferint symptomata, exstinguit ægritaturam, ex his perspicias.* Et in com. 12. idem confirmat, dum ait, *Vigesimo visus est commodius habere, cum re vera non ita haberet, sed falsa specie illuso vulgo, quod calor insitus exstingueretur, a febre relinquebatur.*

Adde, quòd in intestinorum inflammationibus, vrinæ cruddæ por-
tendunt mortem, vt in 3. epid. sect. 2. com. 6. de Voluulo loquens his
verbis dicit Galenus, „ *Parua igitur ex vrinīs, vt sint bonæ, salutis sic*
habentium est spes: sed non paruum ad exitium momentum, si prauæ sint.

CVRATIO tandè contraria illi, quæ à Medicis facta est, esse
debebat, febris enim fuerat maligna, & interna, in crassis intestinis
inflammatio aderat, refrigerare vtique oportebat, non calefacere.
A calidis enim medicamentis inflammatio magis augetur, magisque
prauī redduntur humores: at, *Subtrahere ligna foco, si vis extinguere*
flamam.

Viſus itaque primò, qui refrigeraret vna simul, necnon ad intesti-
na transfluentes humores, ad vrinæ vias reuocaret, conueniebat:
hanc enim regulam in 4. aph. vltimo Galenus nos docere videtur.

Enegmata vt 12. meth. cap. 8. habetur, quæ omni morſu carerent,
laudabantur, cuius generis ptiffanæ cremor est, vt ibidem dicitur, &
loco iam allegato oleum, & mel superaddit Celsus, & veluti additio-
nem timens, ſubdit deinde, „ *Sic vt præter ea, nihil adiiciatur.*

Sanguinem præterea euacuare necesse erat, tùm ob rationes ſuprà
aſſignatas, tùm etiam quia in intestinis, ſi inflammatio aderat, „ *Mo-*
mentum omne curationis vt 13. meth. cap. 9. dicit Galenus, Laborantis
pblegmone partis, in redundantis in ipsa sanguinis vacatione consistit.

Adde Cornelij Celsi in loco ſuprà allegato doctrinam, vbi de inte-
stinorum inflammatione loquens, sanguinis miſſionem his verbis
commendat, „ *Remedium est sanguinem mittere, vel cucurbitulas pluribus*
locis admonere, nõ ubique; cute incisa; id enim duobus aut tribus locis satis est.

Non alias tamen, tùm ratione febris malignæ, tùm ratione in-
flammationis intestinorum, niſi inferiores ego ſeciſſem venas.

Quòd autem ratione febris malignæ, sanguinem mittere in pede,
aut alijs infernis venis erat conueniens, patet clariffimè ex hoc,
quod maligna febris, ſi circa partes vitales ſuum habet putredinis
focum, reuellit hæc sanguinis miſſio putridū sanguinem, vel putridos
in ſanguine conſiſtentes humores, à nobilibus partibus, ad ignobiles.

Adde quod ſi in ſæculento ſanguine nitroſitatis (quæ vt in Hippo-
cratis ſententia ego fateor, malignitatis eſt cauſa) maior pars repe-
ritur: & ſi in venis infernis ſæculentus continetur ſanguis, ab illis
idecirco, ſanguinem extrahere opus erat.

Ratione etiam inflammationis intestinorum ſanguinem in venis
infernis extrahere conſonum erat, ex eo quòd quemadmodum ſu-
periores partes in cubito ſecta vena iuuantur, vt in lib. de rat. cur.
per ſang. miſſ. c. 18. docet Galenus, ſic & partes inferiores, venarum,
quæ per poplites & malleolos decurrunt, ſectiōe curantur.

Sanguinis euacuari quæ poterat, quātitatē non præſcribo. Euacua-

tionis etenim mensura viribus correspondere debet ex 9. meth. 5. & in hoc iudicium, vel ignorantia Medici elucet, ut 3. meth. cap. 7. dicit Gal. hinc si ægrum non obseruavi, illam idcirco definire non valeo.

Medicamentum denique tùm ratione malignæ febris, tùm ratione inflammationis intestinorum, ego non tribuissem.

Non primò ratione inflammationis intestinorum, „ *Quicumque etenim ea, ut in 1. de Cris. cap. 9. ait Galenus, quæ inflammantur, statim in principio morborum solvere medicamento tentant, ab eo quidem, quod intentum est atque inflammatum, nihil adimunt, neque enim cedit cruda adhuc passio: quæ verò morbo resistunt, & sana sunt colliquefcere faciunt: ductoque ad imbecillitatem corpore, morbus superior euadit, qui ubi c orpus vicerit, remedium non habet.*

Non 2. ratione febris malignæ: in qua vrinis existentibus aqueis, quæ affectum denotant crudum, purgare, ut Hippocratis utar verbis, hominem occidere est. In coctione enim & turgentia, Medicamentum solummodò conuenire, in Hippocratis, & Galeni doctrina, ego defendo.

Sed quis in hac sententia, Medicorum vocibus, non doctrinis, aut argumentis (hæc enim anilia sunt & vana) resistere potest? In principio enim morbi, cruda existente materia, minoratium medicamentum conuenire declamant: immò si malignus est morbus, ac nulla est spes salutis, Vulgo, remedium aliquod, ne videantur illi præterisse, ægrum etiam purgant, ut inquiunt, tanquam cadauer.

Sed ô barbaras, & in antiquis sæculis non auditas doctrinas. malunt enim Medici isti, non veritati, sed proprie consulentes famæ, medicamentis ægros occidere, vel saltem mortem illis accelerare, quàm omnia secundùm rationem facientes, vulgi applausum non curare.

Verùm de hac sententia, quia Vulgus illorum fauet opinioni, triumphum contra me, Salernitani isti ne canant, absque tamen victoria: illorum namque argumenta in controuersijs omnibus, ac in publicis disceptationibus nullam mihi difficultatem fecisse, non est qui non vidit: at scribendo, quia forsan me illi conuincant, mecum quæso, literarium scribendo, conueniant, in duellum: gratissimum quidem illorum, mihi erit hoc opus, & statim respondentem me audient: adeò ut nostrum aliquis, æternitatis remaneat in ludibrium: literariæ namquæ pugnæ, exitus est incertus: in bellis enim dare vulnera, & recipere si fortunæ est officium, sic in disputationibus, de altero alterum triumphare acutioris ingenij labor est, & sudor. At bella non adeat, ne fortè vulneretur qui timet.

Vt autem maiorem illis, quàm de his, quæ scripsi, me impugnandi, ego tribuam campum, ecce nunc ex centum Medicis impressis

Conclusionibus, quas, me assistente, discipulus meus defendit, de Purgatione Conclusiones quasdam in memoriam reuoco tali dispositas ordine, liberam reiiciendi alias, aduersarijs derelinques arenā.

86 In principio morbi cruda existente materia purgationem non conuenire, in Hippocratis, & Galeni sententia acerrimè nos defendimus: sed cocta, vel cum turgeat materia, in eorundem doctrina, non impugnamus.

87 Purgationem ita timent Hippocrates, & Galenus, vt quamuis cocta materia sit, & quamuis turgeat, adhuc tamen sanguinis missionem tanquam tutius remedium ipsi commendant: commendamus & nos cum illis.

88 Hinc Medicos tam libere purgantes, vel Hippocrate, & Galeno doctiores esse, credendum dicimus, vel quod Hippocratem, & Galenum, non benè legerint, existimamus.

89 Non solum eradicantia medicamenta, sed etiam quæ benedicta, & lenientia vocant, in principio morbi nos cum Galeno reiicimus, sed tantummodo sanguinis missiones clysteres, & quæ per vias mouent, cum eodem concedimus.

90 Hippocratis & Galeni tempore, benedicta non fuisse medicamenta, licet non hæc, quæ in nostris habentur temporibus, sed his similia, nos deridemus: tunc enim nec sterilis erat Natura, nec tantorum virorum sterilia erant ingenia.

91 In morbi augmento, in quo obscura humorum reperitur coctio, medicamentum pariter confutamus: in statu vero, & declinatione, si materiam digestam educere Natura non valeat, purgationem cum Galeno admittimus.

92 Putridos humores sola purgatione vacuari posse, non credimus, sed per sanguinis missionem, illos etiam educi, nos cum Galeno decernimus.

93 Turgentia, reciprocus quidam est, & inordinatus humorum hinc inde motus, in qua, non cum illa imminet, sed cum actu est præsens, purgationem conuenire, cum Galeno fatemur.

94 Purgationis præter hos duos scopos, materię nempe coctionem, vel turgentiam, tres alios ab aliquibus assignatos cum Galeno negamus. Materię scilicet multitudinem, aut venenositatem, aut vrgentiam, nisi tamen vrgentia ab *inimico* dicatur; vt sic enim in Hippocratis, & Galeni doctrina, eadem cum turgentia est.

95 Hinc medicamento assumpto, si quis moritur æger, Medicorum ignorantia illum mori, certum esse, in Galeni Sententia nos putamus: non enim nisi prospere purgatio succedere debeat, medicamentum dari posse, cum eodem concedimus.

96 Æger, cū letali, & maligno affligitur morbo, sine medicamento

28 *Duellum inter Salernitanos,*

vitam illum derelinquere oportere, secundum Galeni mentem iudicamus: & si medicamentum illi tribuatur, vel eius mortis sola causa erit Medicus, vel saltem mortem illi accelerabit.

97 Nec te fallat, quod non omnes, in cruda materia, ab assumpto pharmaco pereant; mortem enim infallibiliter sequi, nos non dicimus, sed facta collatione inter morbi, & Naturæ vires, nunc mortem, nunc symptomatum exacerbationem, nunc longitudinem, nunc recidivam, cum Hippocrate, & Galeno excogitamus.

98 At si dato medicamento, conferentia sequatur statim, & tolerantia, immò & perfecta salus, tunc coctam fuisse materiam necesse est, & illud tempus non morbi esse principium: in materia enim cruda, & in morbi principio, ex istis, alterutrum sequi, cum Galeno impossibile iudicamus.

99 A Cadaverum turmis exterriti, & à magistri mei, tam de sanguinis missione in pede, quam de Purgatione opinionibus in Galeni & Hippocratis doctrina firmiter defensis, ridiculam medendi pandectam, exulem nunc videmus, quod nempè, post duas sanguinis missiones, & quatuor syrapia, medicamentum propinabant, deindè hyrudines venis sedis applicari iubebant, quas ante medicamentum posse applicari (ò magnam ignorantiam) negabant.

100 Medendo per tot annos, nullum fecisse remedium, magistrum meum assistentem, quod ad Hippocratis & Galeni mentem non fuerit, autumamus: vnde eius medendi modum, si qui Medici blasphemarent, vel irriserunt, illos, quicumque sint, ad illorum dicta sustinendum, literariam conuocamus in arenam: quod si non acceperint, vocati, vel non vocati, de calumnijs quas dixerunt, retractati intelligantur, & tanquam indocti, habentes scripta hæc pro regula æterna, sileant in æternum.

Sed ò vtinam Salernitani, medicam qui facultatem exercent, meam hanc de Purgatione sententiam, eo modo reciperent, ac illam in putridis febribus de sanguinis missione in pede, receperunt. Coaxabant etenim antea veluti Ranz, remedium hoc vituperantes? ex eo quod viros non esse feminas, asseriebant: attamen temporis lapsu, quos nò ratio conuincere potuit, non aliorum Doctorum authoritas, aut praxis, longa experientia conuicit, ac in meam, ipsi inuitis, ceciderunt sententiam: vnde enacuationem istam, temerariam ab illis iam publicè declaratam, nescio nunc quo vultu, in dies adeò pretiosam declarent, vt indiscriminatim, & inconsideratè iubeant illam. Qua de causa in prædictis Conclusionibus, hanc registraui Conclusionem, quæ 77. erat in ordine.

77 Salernitanam in Ciuitatem sanguinis missionem in pede Magister meus, in febribus, primus induxit: tunc temporis deriserunt illum

illum Medici, viros non esse scēminās coaxantes: deridet nunc ipse & illos, non à ratione sed ab experientia edoctos, remedium hoc tantū pretiosum ministrantes.

FALSVM ergo Neapolitanorum fuisse Iudicium, colligat vnusquisque; non solum ex hoc, quod parte non audita, fuit illud prolatum, sed etiam quia secundum allegata, non sic iudicare debebant. Et ne falsa me loquentem quis credat, eorum percurramus sententiam, & quā longē illam videbimus à veritate distare.

Asserunt itaque primò, quod reprehendi Medicos est antiquissimum: hinc in Prognosi, quod errauerit Roccus, & à quibusdam Salernitanis Medicis, quod fuerit reprehensus, mirum nō esse, affirmāt.

Sed in hoc (illorum pace sit dictum) illi aberrant. Non enim vulgari reprehensione, à Salernitanis reprehenditur Roccus, vulgarique infamia, quam ex arte comparat Medicus, incusatur. Dispar nanquē est ratio. Morbum enim, quia malē curauit, à Vulgo reprehenditur Medicus: Morbum, quia non cognouit, à Salernitanis reprehenditur Roccus. Non esset mortuus æger, si eius iam cognitus morbus, hoc remedio, & non illo fuisset curatus, mortuo ægro à Vulgo increpatur Medicus: nullum remedium ritē administrasse, quia morbum non cognouit, à Salernitanis redarguitur Roccus. In Curatione si quis errat, se defendere potest; ob diuersos enim Authores diuersus est curandi modus; at in morbi cognitione, si quis fallit, defensionem non habet, cum cuiuslibet morbi essentia, apud omnes Doctores sit vna; febrem enim ex.gr. aliquis non est, qui frigidam dicat esse intemperiem. „ *Ægros omnes, Medicus vt sanos faciat, fieri non potest: at Medicum vti prouidentia optimum est.* Nunquā moritur æger sine Medici infamia: *At morituros, euasurosque prænoscens ac prænunciāns, culpa vacabit.* Medicum Prognostica declarant illustrēm: errare in præfagiendo illum reddit obicurum. Sunt verē quidam morbi incurabiles, sed non sunt incognoscibiles. Illos non curare, si curari non possunt, peccatum non est: at non cognoscere, turpis est ignorantia. Ac tandem non in curando morbum; Natura enim morborum est medicatrix, sed in cognoscendo, & præuidendo, Medici elucescit ingēnium: immo tantum in curatione ipse fallit, quantum à cognitione aberrat.

Asserunt 2. quod in Prognosi Roccus non errauit: & rationem his verbis assignant „ *Euasisset enim procul dubio æger, ni noua affectio superuenisset, alui nimirum inmodica fluxio.*

Sed tam celebres Doctores, quod fluxum illum inmodicum, qui Symptomaticus erat, affectionem appellent nouam in quo se fundent, speculati non possum. Naturæ etenim Crises, non

non usque aded in Hippocratis, & Galeni doctrina, superuenientes ego inueni appellari affectus. Malignos præterea morbos, qui per mortales terminantur Crises, de se non occidere, existimandum esset, nisi morbus superueniat nouus.

At quod magis admirationem mihi peperit, illorum fuit exemplum his registratum verbis, *Quam ob rem ut iniuste quiuisset Medicum reprehenderet, quod ager, quem euasurum à febre prædixerat, periit, paulò post ab hoste interemptus, haud aliter iniuste te errasse contendunt, quia periit ob nouum affectum.*

Non enim video vel saltem veritatis colorem, quo modo exemplum hoc possit habere. Quæro namque ab his Doctoribus. Nouus iste morbus, quem superuenisse dicunt, vel superuenit, priori adhuc remanente morbo: vel in illum nouum morbum, prior morbus fuit transmutatus? Non alias enim in morbis mutationes præter has duas in 7.aph. 11. docet Galenus, Superuenientiam s. s. ut quando ex gr. morbo laterali, Pulmonis inflammatio superuenit: vel transmutationem, ut quando furor, in 7.aph. com. 5. sicut exemplificat Galenus, in intestinorum transmutatur difficultatem, & ipse soluitur.

Non ergo potest dici secundum, quod nempe languentis prior morbus cessauerit, & in alui fluxum sit transmutatus. Nam febris usque ad finem permanfit. Et si dolor cessare fuit visus, non aliam cessauit ille ob causam; nisi quia in parte inflammata, iam extinctus aderat calor.

Si dicatur primum, quod s. s. languentis priori adhuc remanente morbo, nouus morbus, immodicus nempe fluxus, superuenit, & tunc in Prognostico dicendum est quod Roccus errauit. Ratio est, quia prior morbus sine ratione, erat remissus: aqueæ enim perdurabant etiam vrinæ: hinc si morbi mutatio, ut 3. epid. sect. 1. com. 8. in historia Hermocratis dicit Galenus, in dies incidit decretorios, tunc reciduiam vel mortem in diebus decretorijs oportebat arguere, de Hermocrate enim sic in textu scripsit Hippocrates „ *Quartodecimo die à febre erat liber, non sudauit, dormiuit, omnino mente constabat, vrina eadem.* Dicit in Commento Galenus „ *Sub diem undecimum omnia illi visa sunt, esse remissa: qui cum dicere potuisset simpliciter, Omnia sunt remissa, adiecit, visa sunt, quo illorum adinoneret, quæ alibi scripsit: Ix, quæ non secundum rationem releuant, non est habenda fides. Ita etiam hic non dubitauit cum alium addere, non sudauit: ut ob oculos proponeret, quàm sit infida remissio morbi. Nam si quæ postulabat res, quartodecimo die enecissent conseruarent hominem. Itaque quia non apparuerunt, hinc malignitatem nobis morbi subiecit. Quos quidem affectus ignorat vulgus Medicorum, & gaudet si quæ videatur alleuatio, tamet si hæc ex exitiosis signis & symptomatibus prioribus proficiatur.*

Adde quod Hermocrates alui fluxu etiam periit, & tamen illum non esse nouum affectum dicit Galenus, in commento enim 12. Sic ille habet „ Ita vigesimoquarto cum febricitare ex residuorum humorum capisset putredine, & aluo inde deieciſſet multa tenuia, & virulenta, vigesimoſextimo periit.

Adde, quod alui fluxus immodicus maligno morbo superueniens, causa mortis non est, immo neque si decretoria die supprimatur, „ Vt probabile est deiectionibus suppressis vigesimoſextima Hermocratem mortuum, in text. 13. scribit Hippocrates, sed mortis causa est prior malignus morbus, vt in commento his verbis docet Galenus „ Nam Hermocratem quidem neque per astrictam contigit aluum, neque per solutam perire. Verum hæc symptomata ipsi affectui superapparuerunt. Et deinde subdit „ At periisse potissimum hic, Iecinoris videtur vitio &c. Non ergo collige ex his, ob nouum affectum periit æger, nec illorum exemplum ad propositum cadit.

Afferunt 3. quod in Prognosi non commisit Roccus errorem, ex eo quod conditionate fuit loquutus, hypotetica autem propositio nihil ponit in esse.

At hæc Assertio ex dictis impugnata iam patet. Ac præterea præfagiendi modum istum in Hippocratis vsque adhuc, & Galeni doctrina cum non repererim, vel falsum me illum credere oportet, vel nouum.

Adde, quod Medicus Gubernatori Nauis, à Gal. in 1. progn. 3. assimilatur: at ridicula illius Nautæ sapientia est, qui de statu Maris præfagiens, in sequenti die si Cælum erit serenum, aquarum tranquillitatem denunciat, si turbatum, tempestatem.

Afferunt 4. quod dato in morbi præuidendo euentu, Roccum fuisse allucinatum, ac turpiter deceptum, non propterea tanquam malus Medicus esse ille dammandus.

Sed hac Assertionem, meum concedunt Doctores isti propositum. Non aliud enim intendo, quam quod Roccus in hoc casu errauit: de reliquo bonus Medicus quod ille sit, immo optimus, ego non nego: bene etenim stare possunt, Optimus Medicus, & aliquando errare: ex eo, quod „ nunquam hallucinari vt 1. progn. 41. dixit Gal. supra caput hominis est. Nec meis scriptis illius patefecissem errores, si contradicentes errare, ille non promulgasset, ac in eius cadere sententiam, doctos Medicos non vidissem.

Afferunt quinto, quod non ex hoc, quia morbi euentum non præuiderit Roccus, mortis ideoque, fuit ille author: & rationem assignant, quia nec remedia omisit, nec curando errorem commisit.

Sed non bene, hoc quidem asserunt. Nam si morbi euentus præcognitio, à morbi cognitione dependet, Consequentia valebit, Morbum

bum non præcognouit: ergo morbum non cognouit. Et si morbum non cognouit, infesto ego, ergo morbum, non rite curauit, & consequenter fuit mortis author: quæ Illatio patet passim ex Galeno docente, quod incogniti morbi nulla est curatio.

Rationibus præterea, propositam conclusionem defendunt. Et primo quod remedia non omisit, ex eo quod venam non secauit, cum nulla inflammationis internæ suspicio esset: hanc enim magna febris, sitis, linguæ ariditas, & nigredo, concontitari solent.

Sed quæ supra dixi, in memoriam Doctores isti si reuocent, nullius esse momenti rationem hanc, ipsimet fatebuntur.

Dicunt pariter, quod erratum in Scammoneata medicamenta exhibendo, leui flatu reijcitur, nam, „*Si venenum* (inquiunt ipsi) *in exigua dosi assumptum non offendit, vel scammoneum in exigua dosi datum leue euadet pharvacum, non eradicans.*

At hic status neque frondem mouet. Ardente namque ignem, si quis extinguere vellet, anne paucum sulphuris, in illum immittere, bonum esset remedium? Argentum viuum si quis assumpserit ex argento viuo in pauca dosi tributo, anne iuuamen sperare quis posset?

Adde, quod Galenus in affectibus intestinorum, scammoneum non damnat, ex hoc quia forte medicamentum est, sed quoniam à propria facultate intestina offendit. Nullo itaque modo iuuare potuit, ac detrimentum nonnisi attulisse, procul dubio est affirmandum.

Afferunt ultimo, quod Salernitani Roccum non feriunt, sed furiant. At ad mentis hallucinationem, quæ vera non discernat, nec falsa, si furor sequitur, ex nobis, in huius morbi cognitione, quis fuerit hallucinatus, quis feriat, quis furiat, non alij, quam ipsimet, ludices adsint.

Sed hoc in Iudicio, quia forsan cōtradicientes Salernitanos illi non cognouerūt, modestia idcirco ego vtens, Neapolitanos furentes non dicam, immo potius Rocco indulgentes, humanius credens alias, illos fore nobiscum alloquuturos, humaniora, & grata magis, à Salernitanis, illi si velint audire responsa.

Neque Roccum si impugnaui, furentem me illum credere, sit qui credat, immo celebrem, & eximium esse Doctorem colligat vnusquisque. Indocti enim non impugnantur, sed deridentur: Platonem Aristoteles impugnauit, Aristotelem Iesius, sanctum Thomam Scotus, Scotum vniuersæ Scholæ.

Nec tandem ex Medicorum Controuersijs, timeant Salernitani, proprijs se concedere Medicis. Ad sanitatem enim recuperandam, quamuis bonus Medicus conferat, vt duorum exemplo, à Cane rabido, qui morfi cum essent fuit alter Medici diligentia sanitati restitutus, & alter Medici ignorantia mortuus, vt libro de Sectis ad

eos qui introducuntur, testatur Galenus: attamen Galeni doctrina; quæ Angelica quidem est, si GALENVS, puro anagrammate sonat ANGELVS, Diuini tamen Hippocratis Diuinæ Sapientiz vt cedat, necesse est, qui in 1. progn. 4. Medicum admonet, vt si quid in morbis diuinum habetur, consideret; quasi quod diuina lege mortalibus accidunt morbi, & consequenter Diuina lege salutis & mortis. Hinc erret Medicus, quantum velit, detrimentum non afferet, viuendi limites à prima causa si sunt constituti, qui præteriti non poterunt: ac in Tragedia Ædipi, vt Seneca.

Fatis agimur, cedite fatis.

Non sollicita possunt curæ.

Mutare rati Stamina fusi.

Quidquid patimur mortale genus,

Quidquid facimus, venit ex alto.

Omnia certo tramite vadunt,

Primusque dies dedit extremum.

Et Aufonius, memorabilem refert, hoc Epigrammate, Casum.

Toxica Zelotipo dedit Vxor Macha Marito:

Nec satis ad mortem credidit esse datum.

Miscuit argenti letalia pondera viui:

Cogeret vt celerem vis geminata necem.

Diuidat hæc si quis, faciunt discreta venenum:

Antidotum sumet, qui sociata bibet.

Quàm pia cura Deum, prodest crudelior vxor,

Et quum fata volunt, bina venena iuuant.

Relatione del caso dell'infermità, e morte di
Paulo Capograsso Patritio di Salerno vna
con l'Apologia fatta dal Dottore Michele
Rocca di d. Città aduerso l'opposizione.



L quond. Sig. Paolo Capograsso di età consistente di temperamento vniuersale, è particolare di fe-
gato caldo, quattro mesi prima incirca, per la
gran sete, che lentiua per le occupationi continue
del governo della Città, disordinò al bere freddo,
e molto più mentre circa due mesi prima della sua
infermità, stando carcerato nella Regia Andien-
za, dopò la libertà, continuò all'istesso bere spesso, e freddo, li ven-
nero alcuni dolori intestinali nella parte inferiore, e proprio nell'i

intestini crassi, e perche detti dolori erano sopportabili, e non continui, fù il venerdì 5. del presente mese, l'andò sopportando per spatio di tre giorni, al quarto si pose al letto forzatamente, e quell'istessa matina si fè fare vn cristiero casalino con decottione di ruta, parietaria, hiette d'agli, mercolella, malua, oglio, e vino cotto, giudicando esser grandissima freddezza, già che dall'approssimatione di panni caldi sentiua gran giouamento, & hauendo fatto vna gran escretione di gelo, si sentì meglio assai, & per quella matina non li fù ordinato, se non vn poco di sciroppo di scorza di cedro, & la regola del vitto, e per quella giornata lo dolore non lo molestò, se non poco, ò niente; La notte seguente l'aggrauò il dolore molto più, e perche haueua sentito giouamento assai del primo seruitiale, se ne fè fare più in quella notte, & con herbe calde a modo di sacchetto; La matina del quinto trauagliato dalla notte predecessa si sentì meglio del dolore, mà non libero, e con vna bocca limosa, e di mal sapore, al che per non trauagliarlo più con seruitiale, se l'ordinò vn poco di sciroppo di scorza, & di agro di cedro, vntioni d'oglio d'amendole dolce, butiro alla parte offesa, & li fù corroborato il stomaco con nascenzo, e menta, e fù cibato con brodi concie, pullo; Si passò quella giornata mediocrementemente; La notte seguente aggrauò il dolore maggiormente, e non obstante si fussero fatti seruitiali, vntioni, sacchetti, e panni caldi, pure perseueraua; E fù di necessario la mattina seguente farsi vn seruitiale medicinale con oglio d'amendole dolci, camomellino anetino, con poca quantità di diacattolicon, e diafenicon, e hiera, e la decottione ordinaria, quale non lo potè retinere, e per euacuarli subito, poco, ò nullo giouamēto fè, si reiterò a farsi cō poca quantità di robba, anzi con vn crestiero di figlioli, lo ritenne, & oprò escrementi ligati pochi, & vna grandissima quantità di gelo a modo proprio di gelatina, per lo che fù alleuiato sensibilmente dal dolore, prese vn poco di giulebbe d'anasi, sciroppo di scorza di cedro, & vn poco di sementella, corroborato il stomaco, & fattosi l'vntioni, con aggiungerci vn poco di oglio di camomilla, fù cibato, riposò, e passò meglio assai: l'vrine furno sempre osserate crude, & alle volte con suceo crudo; La notte seguente del sesto aggrauò il dolore, e con approssimarseli le matasse di filato, e ponesi li sacchetti di miglio, brenna, e sale, e li quattro anodini, rimetteua il dolore, e cacciaua gran ventosità, le quale quando vsceuano libere alleuiava, quando ritrouauano impedimento di gelo non vsceuano, se prima non li faceuano il cristiero, il quale cacciando il gelo, cacciaua ancora il fiato, e l'infermo passaua meglio, & alcune volte non allegeriua, se non con le matasse; Fù di necessario farle vn giorno dopo due hore dal cibo, e così alleuò dal dolore: e perche detto male non

ceddua

cedeuà in tutto, anzi se li offeruò vn poco di spessezza di pulzo, si fù di parere darli vn boccone costante di diacatol. & diaphen. an. 3y ÷ & di diapr. lenit. altre 3 1 1 1. poluere di hiera 3 j. con poluere d'anasi sinocchi, & di liquir. per li gran flatì, che si sentitino, qual preso tardò l'operatione, ma poi fù mediocre, ma d'humor puzzolentissimo colerico, si ben ancho con flegma assai, dell'istesso modo, che euacuò neleffer uscìto dalle carcere: Si passò questa ottaua giornata mediocrementè trauagliata, anzi la notte sequente benchè ritornasse il dolore per interuallo, approssimandosele matasse bollite nel predetto oglio con l'anodini, subito cedeua il dolore: la spessezza del polzo non seguìto all'altra terza giornata, conforme si dubitaua hauesse voluto corrispondere, ma se li offeruò la virtù più soppressa, & vna volontà grande d'andare del corpo à modo de premiti, con vn ruggito di ventre, qualche volta risoluendosi in ventosità, che si sentiuano anco fuor di camera, & non obstante si fossero fatti seruituali, non n'hauca quella sodisfattione, che desideraua; per il che alla decima giornata, due hore prima di cibarsi, se li diede due oncie di manna in brodo di pullo bollito prima cò prune damascene, e poche semiente d'anasi, e sinocchi; dal che il giorno, & la sera stessa si hebbe giouamento assai, per essersi euacuato vn humore veramente pituitoso vitreo, & in quantità con escrementi ligati, & misti, & non con quel puzore de prima, con miglioramento dell'ammalato dal dolore, che non lo sentiuà, se non per passaggio, e poco, che diceua non darli fastidio; La matina del vndecimo si hebbe mira al sospitione di malignità, e perciò se li diedero antitodi per resistere alla prauà qualità di che per causa di detto polzo si steua in qualche dubio, e poi fù cibato con cibi di giusta quantità, e miglior qualità, e si stiede all'osservanza, e mentre anco si dubitaua della notturna accessione, che già si offeruò, e con l'osservanza si vidde anco in detta notte aggrauamento di dolore, onde la virtù si opprimeua più, ma poi con applicarnosi li rimedij eterni, tra quali vi fù anco approssimato l'acchippo di caltrato scalfato con l'acqua d'anodini, si solleuaua per quello la virtù, ma in tempo però quando cacciua il gelo, ò il flato; La mattina fossequente fù similmente con antitodi soccorso, & il dolore da quando in quando aggrauando, faceua come di sopra l'oppressione della virtù, & similmente fù osservato non solo dalli Medici, ma dall'astauti, che quando rimetteua il dolore, si sentiuà auanzo anco uel polzo, ancorche non perdesse la sua solita contrattione, si che l'auanzamento di quello non era in magnitudinem, sed in mediocritatem; la onde possèua chiamarsi la virtù solamente poco più solleuata, e con minor frequenza; Venendo la sera del decimoterzo che fù il mercoledì, se li offeruò mutatione al polzo, e fù giudicata

acceffione, la quale non portò seco fintome alcuno in ordine alla bile, che caufaua la terzana, poiche non vi fù dolor di tefta, nè di reni, nè rigore d'acceffione, ne fete, nè bocca amara, nè meno colore più mordace, nè meno difficoltà di refpirare, ò agitatione di corpo, ò cardilagia, mà folamente vn colore poco più del ordinario, e l'inequalità al polzo, il moto del corpo, però non era, fe non quando fentirua dolori, ò rugiti nel ventre: durò quella inequalità di polzo per fpacio hi hore sette, e poi ritornò al ftato ordinario, anzi come fi uide, fù vn poco più folleuato di virtù refpectiue di prima; non lafciaudo di dire, che tanti erano li ftati trattenuti, & aduniti, che li pareua farno vna inflattione nella regione della milza, ò alfeгато, e li diffundea infino alli reni, ma poi mancaua, che non fi fentiua altro in detti lochi, quando cacciua fuori le ventofità: fù in quella fera cibato folo d'vn brodo cōfumato, elettuarij, & qualche poco di milappio fciruppato con quattro oncie d'acqua cotta; La mattina del decimoquarto, che fù il giouedì, clifterizzato con feruitiale domeltico, & oglio d'amendole dolce fù cibato, e non s'offeruò altro di nuouo; Si pafsò con antidoti la mattina fequente del decimoquinto, fù cibato anticipatamēte, & la fera s'offeruò vn'altro poco d'acceffione, come di fopra, & l'ifteffa fera li aggrauò il dolore ma per poche hore, & fe li fè vn'altro feruitiale domeltico, il quale lo ritenne, e prefo il conſumato pigliò ſonno, e poi alle 12. hore del ſabbato cacciò vna gran copia di ſecce ſenza puzore, meze ligate, naturali, e con vna grandiffima quantità chiaramente dipituita vitrea, perloche la virtù ſi ſolleuò più, la ſpiſſezza mancò, il dolore non ſi ſentì più, ſi cibò con guſto, dormì quietiſſimamente, e fù quaſi à fatto ſano, mentre lui medefimo ſi ſentìua il meglioramento con vniuerſale allegrezza, ma la notte ſequente la pafsò di nuouo con dolore, non hauendo preſo per cibo altro, che il conſumato, con pochi elettuarij, e circa quattr'once d'acqua cotta; La mattina ſequente del decimoſettimo gioruo li ſopragionſe vn fluſſo d'humor biliſo crudo, e puzolentiſſimo con deliquo d'animo, virtù proſtrata à terra; e ſin come andaua à poco, à poco euacuando humore, così la virtù andaua mancando, pigliati antidoti, fù cibato pargamente, e riposò circa mezz'hora; Circa le venti hore fù offeruato ſenza polzo, ſopragionſe la difficoltà di reſpirare, e poi apparſe il ſudor diaforetico, & la notte ſeguēte del decimoſettimo pafsò à meglior vita. Queſto è il Progreſſo puro dell'infermità di detto Signore, il quale all'oblatione ſempre ſi è portato bene, del reſto come di ſopra.

Queſta Relatione è ſtata confirmata dalli SS. della Caſa della bona M. moria del Signor Paulo Capograſſo.

Marteo Galiano Medico Ordinario di caſa del predetto Patritio.

Apolo-

Apologia Michaelis Rocci Medici Salernitani
super casum factum in ægritudine cuiusdam
Patritij Salernitani aduersus oppositores.



Salernitanus Patritius noster in casu prenarrato non minus dignitate sui Natalis, quam morum elucebat præstantia, cum præ occupatione publici Regiminis, dum Ciuitatem suam (quo ad suas vires) reddere intendebat immunè (sic fama fuit) factum est tunc temporis, vt destineretur in carceribus Regiæ Audientiæ Præuincie nostræ Principatus Citrà, & vt fors permisit tempore, quo locus ille quasi infectus erat Endemice, & Pandemice, simul præ captiuorum ægrotantium copia, & mortuorum non minus, ita grauis fuit infectio, vt non solum illis, sed etiam ibi præstantibus & communis fuit; ideoque Medico, Parrocho, Confessoribus, Carcerum ianitoribus communicabatur, de quibus, alij in longam ægritudinem, alij in mortem inciderunt; & tandem alij breuem, & non sine periculo contraxerunt febrè. Nobili illi præscripto nil tunc euenit mali, sed ab animi multis passionibus oppressus, bilis copiâ coadunuit, & iam paquit ad sensum; nam dum domum possed libere pergeret quidam alui fluxus semel accidit illi biliosus, & nimis fetidus; & quamuis bene se haberet circa cuncta. De siti multa tamen præter consuetudinem conqueri batur, ideoque sapissimè ad bibendum præceptus erat, & frigidum potum maximè oblectabatur. Post dies 40. in cuius cruciatus fuit doloribus illis, vt ex relatione retrospectis innotuit, ad cuius visitationem quinta die vocatus, & acceffitus fidelem inueni de omnibus narrationem, vnum tamen signum infidele fuit, pulsus nempe, namque dum præteritis ab illius obseruantia fuisset inueni illum paruum, quasi contractum, & satis spissum, certioratus fui à languente de paruitate, & à Doctore Medico Ordinatorio de tali spissitudine ambas illi connaturales fuisse, credidi etiam potuisse dolerem vehementissimum talem contractum edere pulsus, vt obseruantia fecerat Franc. Vallesius super Epidemia Hip. in 2. epid. sect. 2. à quo Doctore, specificè habui talem pulsus contractionem sed nescio si eger præ nimia inuidia, quâ vexabatur, dum quotiescunque in tangendo talem pulsû, admirans cogitabundus erâ statim intuebatur in me timide quærens, quid cogitarem? ipsique respondens dicebâ circa pulsus qualitatem, at ipse ne timeas dicebat; quæ propter à multis alijs monitus, nò illum terrore officerè, semper tamen à domesticis interrogatus, quid de ægrotante sentire, respondi, vt ipsi fateri possunt, febris continua est, & pulsus iniquus,
fin.

38 *Duellum inter Salernitanos,*

si naturalitas recensita non obijceretur, sed vereor falsam fuisse narrationem, exitus acta probauit; & ut à calumnijs vindicaretur Medici, & medicina, dum non defecerunt scrutantes scrutationes suas, & consilia mala, hæc mihi occurrit narrare non minus, ut palam fierent inuidi, & iniqui calumniatores, quam ut parentes, & amici præfati olim Domini languentis satisfiant, nè mens vacillari possit ob casum factum, quasi repentinum, ob non canonicam curationem, & morbi cognitionem, idcirco ad Præceptores dico ad coriphæos medicina Neapolitanos meus (reuerenter tamen) conuertatur discursus.

Quinque consideranda conspicio; Primò, vnde hæc materia tam gelida orta fuit, & cur potius naturales partes obsiderit; Secundò, vnde tanta statuum copia, & si valuerunt præfatum morbum permutare; Tertiò, cur tanti dolores, & si potuerunt vrinam ita incrudare, pulsum minorare, & morbum malignare; Quartò, febris ipsa quæ fuit, & si alter morbus poterat ex præfatis signis connotari; Quintò, repentinus ille actus in 17. die sue agritudinis, vnde euencit, & si ab antecedentis diei quiete poterat indicari, ita ut mala fuissent quedam verba à me prolata in illa die, in qua fuit expers doloris per multas horas tranquillitas pulsus, præcedentia boni somni de nocte, & de die, etiam post cibum, & illum suauiter sumpserat, ita ut bene se habuit ad ea, quæ sibi oblata fuere. Verba autem, cum visitassem illum circa 21. horam diei Sabbati 16. sue infirmitatis, & inuenissem hæc cuncta bona fuerunt verba formalia: Se dimani à questo tempo starai colsi, io te consiglarò alla Signora Moglie Sig. Geronimo, ch'era suo nipote assistente continuo alla sua infermità, & al Sig. Matteo, quest'era il Medico ordinario.

Circa primum homo, qui paruus mundus à Philosophis existimatur quidquid in magno obseruatur in hoc paruo conspici, & figurari videtur, sic Philosophus hominem considerans vnum, & omnia vocauit, & si in magno mundo niues, & glacies, aliaque similia fiunt à nimia excedenti frigiditate, ut in Meteorologicis habetur hæc eadem in corpore posse inueniri Galenus specialiter in semetipso obseruauit, eiecit enim cristallum fusum tangentibus frigidum, quem pituitam vocauerat; passus enim tunc fuerat colica, & putabat esse nephritidem, & si causæ vitæ antè actæ narratæ in frigidis potationibus, sepe possint medio hoc anni tempore hiemali talem producere, humorem textum non quero, nisi Galenum 1. de natura humana, & in 3. aph. passim qui hieme frigidam gigni pituitam determinauit, immò explicans, 1. de nat. hum. num. 36. quasi siluam ciborum producentium pituitam, etiam noua vina adducit, & si illam generat vinum, quanto magis potus aquæ; frigida enim potatio, & tempus anni concurrunt ad generandam illam pituitam, quam vitream nominamus; hæc quidem in agro illo per inferiores partes comparuit, sed cur ibi, & non in superiori corporis regione? Dicam intestina nostra libenter recipere excrementum illum pituitosum inuen-

ventriculo generatum, cum plus iusto illo repletur, tūm propter gravitatē
 illius infimum corporis locum, & sentinam naturā aliter petens, & tantō ma-
 gis quia si coiti (quia dum uxoratus erat) valide complexionis, & calidæ,
 tunc si forzan (quod non credo) coitui deditus fuisset, qui a partes infimi
 ventris magis debilitantur ibiq; materia potens cruda descendere, facili ter
 flatibus poterant impleri, ut contingit Damagora cum ventris inflatione, &
 Archetilo cum strepitu, referente Hipp. in 6. epid. sect. 3. text. 12. sed quia
 etiam a tali materia ventos produci, colligimus ab Hipp. 2. de diet. nu. 2.
 dum dixit, omnes ventos spirare à niue, glacie, gelu, &c. & subdit sic
 esse quemadmodum animalibus spiritus est, horum autem genera duo posuit
 Gal. 3. de caus. sympt. c. 2. nempe ut qui à borealibus ortum ducat, hic
 autem morbos non parit, nam & sursum ascendens eructationes facit, &
 descendens parit spiritus cum sono; alter qui crassus nebulosus, vaporosus,
 turbidus, & viscosus est, in austrinis observatur constitutionibus; hic autem
 inflationes parit unde etiam generantur morbi, & hunc flatum crederem
 esse illum positum ab Hipp. lib. de flat. nu. 13. dum dixerat omnium mor-
 borum causam esse, ut quid non poterat intestinales portare dolores? ut spe-
 cificū num. 14. notavit, hi flatūs ab hac pessima constitutione producti in hoc
 languente accreuerunt, & si constitutio austrina febres pravas inducere
 potest maleficio tot humiditatum, cur flatūs his temporibus aduniti non po-
 terunt, etiam malam qualitatem contrahere; virtus autem talis tributa fla-
 tui notata est ab Hip. lib. de veteri medicina num. 40. dum dixit quinque
 posse flatūs producere, scilicet strepitum, & sonum, transmutationem, &
 motum, & tandem commutationem; ergo, si commutare, & transmutare
 valent, quorum non poterint febrem unius modi in alteram vertere ideam.
 Scimus enim ex Philosopho hanc differentiam poni inter motum, commuta-
 tionem, & transmutationem, quia motus mobile, commotio agens, & trans-
 mutatio, vel formam vel materiam supponunt, ideoque dum forma, vel ma-
 teria per flatum transmutantur, poterit idea permutari, & sic absoluitur
 meo quidem rudi iudicio digressio; secunda scilicet an flatūs multus, qui in
 corpore illo fuit, valuit dictum, morbum permutare?

Circa tertium, unde et anti dolores? dicere potuero cum Gal. quod poterant
 à duplici causa proficisci, vel à materia, vel à loco, de materia extat doctrina
 Gal. 2. de loc. affic. 5. quod pituita crassa viscosa lenta, & glutinosa, vehe-
 mentissimos causas dolores, hanc autem Praxagoras vitream appellavit:
 ratione loci, aut quia est nimis angustus hinc videmus, cum in tali parte oc-
 cludantur, aut vapor, aut flatūs, vel minera cum euentari non valeant, ma-
 ximos cruciatus inducunt, aut quia est nimis sensibilis magnam dum pati-
 tur sensationem acutus sentitur dolor, dicant hanc veritatem Cardilgici,
 qui in ventriculo recondentes humorem summam ibi sentiunt passionem, di-
 cant quoque, & isti, qui intestinales habent dolores, quem clamorem non
 emittunt, quam viam non tentant, ut ab hoc cruciatu liberentur, ideoque
 denomi-

denominari solunt à Ioanne in sua Præfodia, Domine miserere; crede-
rem, aut quia intestina sunt membranosa, aut quia nervosa, propterea a sic
gravissimè affligi. Concurrerant omnes causæ prædictæ in hoc olim languen-
te, materix iam fuit notificata, locus in aliquibus partibus erat angustus,
& pars affecta membranis, & nervis contexta, sed si dolor, ut mos est, dicit
Gal. lib. de motibus obscuris, & manifestis noctu inualefcit; in hoc lan-
guente per hunc dolorem somnus plurimum nocturnum evanuit, quorsum non
poterat calor ad coctiones destinatus debilitari? inde mala chylificatio, peior
sanguificatio oboriri quorsum urina cruda, & aquea esse non potuere?
quorsum, & pulsus diminutiones pati non poterat? & si colluvies crudita-
tum sine morbo possunt producere morbum, illumque malignum, ut habetur
lib. de cibis boni, & mali succi, cap. 17. quorsum illæ non valebant in
morbo maiorem malignitatem generare, hæc autem censeretur maior non potest,
quam latitans virus, quare satisfit per hanc doctrinam tertia digressioni,
an valerent tanti dolores urinam incrudare, pulsum minorare, & morbum
malignare.

Circa quartum meum propositum dicere, si per multos dies febris unifar-
miter procedebat, ergo continua erat, igitur de illa vereri potueram, si non
ratione alicuius inflammationis, ut falsò quidam putabant, unde linguam
affrenare non poterant, saltem ratione malæ qualitatis ut Gal. placuit hanc
distinctionem ponere 4. aph. 43. & tanto magis propter illum pulsum verè
iniquum, qui illi coniunctus erat, & sub spe connaturalis figurabatur: Pro-
fectò si talem signum non adesset de febre symptomatica boni moris, potius
quam mali moris iudicium fieri potuisset, cum experti sapissimè fuimus nos
Medici, & astantes, quod inualefciente dolore febris augebatur, & pulsus
opprimebatur, cum autem dolor cessaret febris mitior reddebatur, & pulsus
ad quandam mediocritatem reducebatur, immò si pulsus quantitas, & qua-
litas mihi fideliter narratæ fuissent præsagium certiori modo, & non sub nu-
bilo ad malum potuissimè explorare; pulsus enim est certissimum facultatis
vitalis inditum, Gal. lib. de caus. puls. dixit: Quæ ergo inflammatio
poterat in tali continuitate febris suspicari? externa, vel interna, si
prima creditur alicuius visceris esse, & cuius? Mesenterij forsan, an
Ventriculi, Iecoris, vel Splenis? non ne debuissent signa talium visce-
rum dari, primum signum universale omnium istarum inflammationum est
dolor, at in nullis aderat, & nunquam adsuit, quia nunquam conquestus fuit,
& etiam interrogatus negavit; Secundum est aliqua tensio, & hæc nec ade-
rat tantum in liene, & hepate interuallatis temporibus dicebat inflationem,
non inflammationem sentire, & cum aut ascellaret, aut crepitus emitteret,
removebatur, & pœnitens sentiebatur, sed aliquando tendebat ad renes, &
ibi per applicationem sacculi anodinorum leuabatur, aut evanescebat; Ter-
tium, ubi sitis? ubi lingue ariditas? ubi tinctura? communicari enim debe-
bat lingue salivæ alium viscerum inflammatio, ut habetur ex Gal. 4. acut.

com.4. nec inflammatio interna dici potuerat, dum non solum lingua bñ-
mida, sed expers sitis erat, nullum internum incendium erat, nulla partium
externarum frigiditas, nisi in ultimo die, quæ 17. fuit, ergo, ut quid ita inui-
dè, ita dirè nos obtreffare; ob Medici compatriotæ & de omnibus illis signis
extant doctrinæ, tum ex eodem Gal.2. prælag.com.4. tum 4.aph. 48. tum
cram 7. aph. 1.

Deceptio forsàn esse poterat, quia volebat linteos frigidos aliquando ad
ventrem applicare totum dicebat velle facere, quia à rebus calidis nimis
excalcassus erat, ut et iam ad manuum volas extendebatur præ epatis ex-
calcassione à calidis aplicatis, & si ex substantia rei calidæ adhesu potest
febris generari, lib. de caus. morb. cap.2.1. de feb.c.3. cur non poterat
hepar alterari, & manuum volis communicari ex manui enim magnitudi-
ne, vel calore hepatis magnitudo, vel calor potest auspicari, Aulic. nos docuit.

Circa illa verba, dicta fateor, me benè legisse Aristotelem in topicis.
quod conditio si, non ponitur in esse de necessario, sed de contingenti, unde liij,
si, tantum valet, ac si diceretur, supposito, quod die crastina sic erit,
tunc consignabitur, &c. ergo non erat certitudo, dum ponebatur suppositio,
alias dictum fuisset crastina liberè consignabitur, &c. & quomodo
poterat liberè pronunciari, si expers febris non erat, si suspicio erat de scri-
ptura, an non exercui medicam facultatem per spatium quasi 30. annorum?
an non alios docui vera Hippocratica, & Gelenica documenta in publicis
& privatis lucubrationibus? Audēbant etiam dicere non fuisse verè gelu
aut pituitam vitream, quæ eggredebatur, sed potius adipem intestinorum, oh
fascinatio nostrorum concinium, pace banorum, & forsàn alienius extra-
nei, si erat adeps intestinorum unde crepitus tunc temporis? quare tormina
& si hæc, quare cedebat calidis remedijs, & si potuerat cedere, cur ex eorum
exitu alleviabatur? unde sentire maximum refrigerium ferebatur, & si hæc
quoque esse poterant, ubi abdominis extenuatio? ob cæcitas iniqua?

Circa quintum propositum unde euenerat ille repentinus actus 17. diei
sua infirmitatis? satisfieri dubio, potest quia tunc alius largè fluxit putri-
dam biliosam materiam, & fatidam educendo eiusdem tamen tenoris, ut
fuit, quando illo tunc à carceribus domum suam liberè pergit, ut sui fami-
liares dixerunt, cum hoc fluxu cessarunt dolores intestinorum; amplius enim
gelu non comparuit, sed ubi materia recondita erat hæc? liberè dicam, circa
partes spirituales, à cuius vaporibus ad cor elatis virtus reddebatur sup-
pressa, & ab hac causa proveniebat iniquitas pulsus, & non à naturalitate:
nec obstat dicere dum partes spirituales sunt læsæ, igitur respiratio etiam
læsa esse debuerat, & tamen talis difficultas respirandi non adfuit ante 17.
diem, dicere possem non fuisse reconditam materiam circa partes propè in-
strumenta respirationis, sed potius propè illa, quæ deseruiunt pulsatili facul-
tati; sæpè enim observamus pulsum illesum, & respirationem offensam, ut
in hystericiis mulierum passionibus observatur, & è contra, ut in palpitatio-
nibus

nibus cordis videmus in illa 17. die, cum critica esset natura ad mortem impetuose agens, quia irritata fuit, talem excretionem fecit, sed quia decretoria non decernentia mala, scribit Hipp. 2. epidemiorum, merito mala iudicatio fuit, sed quæ bona crisi expectari in malignis potest? dicit Gal. in suis de crisibus libris, & si à die inceptæ evidenti tertianæ voluerimus computare illa quinta erat symptomatice euacuationis (quandocumque fuit) eger cum illa pessima excretionem vitam cum morte commutauit, & si in antecedenti die, ita bene secesserat circa cunctas actiones, ut parentes, & familiares suæ domus testes esse potuerunt, vigori malignitatis tribuere videntur, scimus, & nos dari quamdam malignitatem à nulla speciali parte desumptam, cuius specifice tria sunt signa, scilicet corruptio, ut primò de compositione per genera habetur, secundum est à remedijs bene adhibitis exacerbatio, nam ut 6. epidem. legitur, malitia omnia superat, tertium est reuersio ad malum post quietem; præ malignitate enim contingere poterit, dicit Gal. 1. de decretorijs diebus cap. 1. sic creditur fuisse illam antecedentem diem, cui omnia fuerant remissa, propterea si sub conditione loquutus fuit à culpa vindicatus esse potuero, ut supra hæc digressio dilucidata fuit. Sed si verum est malignitatem in causa mortis fuisse, an huic possumus annexere causam contagij primo loco mentionatam ex mora in carceribus facta? Huic dicere hæc pauca intendam, si ad contagium concurrat potentia agentis, quæ nam maior potentia est ista, in qua vidimus, & mortuos, & agros quamplures, ex loco occluso exire, factorem magnum sentire, hic pateriens noster, & vidit, & tolleravit; corpus autem suum laxum erat si non à natura saltem ab arte ob tot, & tot aeris humilitates, quas hac præfenti constitutione omnes quasi manu illas contractauimus, temperatura sui corporis calida, & humida erat, uti humiditati aduersa altera ambientis aeris, laxitas progenita fuit apta ad recipiendum contagium, mora non defuit, quia per plures dies illius carceratio perduravit: posse autem ex contagio febres palliuiolas fieri, testis sit Hyeronimus Fracastoreus in suo de contagione libello l. c. 10. dicens lenta, & glutinosa materia lenes facit producere febres in contagio; profunda enim est putrefactio, quæ lentorem inducit, & sic acrimonia hebetatur, sed talis materia in hoc casu fuit oculis, patefacta igitur poterat lenem consutere febrem, immò, & alij de contagio Scribentes dicunt quod valet causa prædicta diu conservare contagium, absque quo medico innotescat, ut Gal. 3. epid. sect. 3. agrote quarto notauit.

Sed quid respondebo instantijs factis circa curationem? Tres insurrexere inspectores. Dicebant primo, cur purgasti? cur medicamentum scammoncatum dediisti? cur penam non secasti? & talia fuerunt maiora dubia (ut ad aures peruenit) Primò, satisfecit vehementiam doloris intestinalis furiositatis nomen habere, sic vocatur ab Anticennis furiositas magnæ accidentalitatis, huic pleraque pars Doctorum tam Classicorum, quam non Classicorum purgantia medicamenta præbent in hoc casu, & communiter omnes præst-

cantes

cantes unanimis cōcordant in purgando eū bolo confectio ex illis, iuxta tan-
 qualitatem materie, aut secundum vehementiam doloris, & secundum resistentiam
 remedijs infernis, sed hæc omnia concurrebant tunc temporis in dicto lan-
 guore, igitur conferens erat; Secundæ instantiæ satisfiit tunc medicamenta scā-
 moneata esse dāda, quādo ex remedijs infernis nil egeratur, & quicquid ege-
 retur tenax fuerit, & frigidum, aut humor tantum, & non pars fecalis cum
 humore, sic contigebat illi (sed sit ad Dei honorem) cum hæc preparabantur
 pro causa frigide materie, ut supra tunc accedens addere dispoſui maiorem
 portionem frigide complexionis dico Diapruni lenitini, quæ confectio solet
 in febribus ardentibus preparari, & non cassiam pro occasione tanta copie
 stium, quæ sentiebantur, quod diaprunum castigare poterat calida, &
 scamoneata vigore suæ frigide compositionis; Sed quid ultra progredior?
 legant quasdō Barbati, & Imberbes, Valerium Cordum optimum com-
 positorem, & Autodarium Bononiense, Henechridion Astuarij, & tandem
 non minus Doctū, quāvis expertum Medicum, & ponderent illos sunt, nec tales
 confectioes etiā in febribus probata dīco diacapol. & diaphen. & hoc præ-
 sertim valet in Colicis doloribus, & dūcitur ne bilem, & pituitam? Circa tertium
 cur non nisi sanguinem, at peto ab istis unde? i brachio forsan, ut materia
 magis vitalibus interneretur partibus, si trahit à circumferentia ad centrum;
 An ex pede forsan? & si urina ita aquea erat, ut à calidis remedijs de foris
 applicatis, unquam potuit colorari, igitur in his partibus summa erat frigi-
 ditas, ut quid forsan refrigerare magis partes affectas, dum vensellio ex
 Gal. lib. de venel. aduersus Erasistratum refrigerat totius corporis ha-
 bitum, & ex pede facta illam partem potissime valet in frigidare, an forsan,
 ut cruditati cruditatem adderemus cum Auicenna. Sileant ergo, quia Præ-
 ceptores habemus vera indicantes in Deum. Nos rogemus in solidam, ut in
 hac diffensione palam faciant veritatem, & si optimos elexi Iudices, spero
 iudicium rectiſſimum audire, quibus (ut doctrinæ) me subscribo, sic Nesto-
 reos annos eisdem à calicis deprecabor: Vivant felices. Salerni 25. Ianua-
 rij 1646.

Michael Roccus Medicus Salernitanus.

MICHAELI ROCCO MEDICO EXIMIO

Paulus Aemilius Ferrillus huius Regni Regius, & Generalis Archiater &
 in gymnasio Neapolitano Primus Practicæ medicinæ Professor. Anto-
 nius Santorellus Primus olim Philosophia, & nunc in eodem gymnasio
 Theoricæ medicinæ Professor, Franciscus de Aponte, Aloysius de Gra-
 tia, & Franciscus de Curtis A. & M.D.D.S.

Reprehendi Medicos quoties æger moritur, antiquissimum est,
 nam vel Hippocrates ipse antiquissimus medicinæ parens,
 f. 2 toties

toties fuit vexatus calumnijs, vt dixerit, maiorem infamiam, quam laudem ex arte comparasse. Non est itaque mireris, Doctissime Rocce, quod quidam Medici te faciant Auctorem necis Pauli Capograzzi Salernitani Patricij, & vita longiori dignissimi; Hæc enim lege laurea Doctoratus Medici insigniuntur, vt malos euentus semper illis referat vulgus, prosperos dijs, aut robustæ naturæ languentis tribuat. In arte medica dicebat Hippocrates ad Democrium scribēs: *Quæ rellē sunt plerūque quidam hominum vulgus non admodum laudat: sæpē verò Dijs attribuit. At si in aliquo repugnans natura, cum qui curat, interemerit numen prætermittens, medicos incusat, & ego sanè plus reprehensionis, quam honoris ex arte consequutus videor.* Quare si nos audias, ridebis hunc vulgarium risum, & cum graui illo Philosopho dices: *Populus me ridet, at ego non rideor;* Quid enim tam calumniæ proximum quam te reprehendere, quod fueris deceptus in prædicendo euentu huius affectionis, & in eiusdem cura allucinatus? in prognosi quidem, quia sequenti die periit, quem die præterrita euasurum promiseras, tum tamen errasse in Prognostico verum, sit, nec in curatione peccasse. Non in prognosi; euassisset enim proculdubio æger, ni nona affectio superuenisset illi, alui nimium immodica fluxio: Quamobrem vt iniuste quibus medicum reprehendet, quod æger, quem euasurum a febre prædixerat, periit, paulo post ab hoste interemptus, haud aliter iniuste te errasse contendunt, non solum quia periit ob nouum affectum, sed quia euasurum dixisti, si eodem modo postridie se haberet hipotetica, autem propositio nihil ponit in esse, vt logici dicunt. Demus tamen in præuidendo euentum morbi hallucinatum fuisse, & deceptum turpiter, an propterea tamquam malus medicus damnandus? At qui errauit Hippocrates, & a futura se deceptum fuisse fatetur, *more magnorum virorum, & de se magnam fiduciam habentium,* vt dixit latinus Hippocrates frequenter errare hoc stultum: quandoque humanum, nunquam Dei Galen. de Archigene docto alioquin medico: *homo inquit fuit errare igitur potuit.* Faciunt ne iuste te auctorem necis, quod non rectè præuideris, vt ipsi dicunt; nihil verò minus. Occidunt ægros medici, cum præingnauia omittunt, quæ egro magno poterant esse præsidio, aut illa illi admovent remedia, quæ omnia in peius conuertunt. At nihil omissum, aut commissum; nam quod dicunt omissem esse venæ sectionem, cum suspicio esset inflammationis internæ. Fuisse erratum in quantitate medicamenti purgantis, nam cum letitia commendet Gal. in effectibus stomachi, & intestinorum, scammonium assumpsit, leui flatu reijcitur, nam cum vel venenum in exigua dosi assumptum, non offendit, vel scammonium in exigua dosidatum, leue euadet pharmacum, non eradicans, suspicio inflammationis internæ, gratis fingitur, nullo nititur

fundamento, cum hanc febris magna soleat comitari, sitis cum lingua ariditate, & nigredine, quæ cum nullatenus fuerint observata in ægro, ante, fingunt isti, ut feriant, sed certè feriunt non te feriunt, & quidem ignorare non debent iidem, vulgatum illud proverbum, filij Deorum inuulnerabiles, Vale, & nos ama.

Neapoli die ultimo Ianuarij 1646.

Paulus Aemilius Ferrillus Archiater.

Antonius Santorellus.

Franciscus de Aponte.

Aloysius de Gratia.

Franciscus de Curtis.



DE HEPATIS INFLAMMATIONE
LITERARIVM DVELLVM.

DECIO CAPHARO

CAVENSI MEDICO.

VINCENTIVS DE PETRONE S.



R VENTIS, horridisque in armis, iam totus (ò Caphare) exagitur Orbis. Asianis, Æuropeis, Americis, & Africanis in Oris, splendescere nonnisi arma videntur. Ad aera explicata Vexilla, nutula voce dicunt ad arma. Clamant Tympana ad arma. Excitant Flautus ad arma, & Tubæ terribili sonitu, vociferantur ad arma. Arma capiunt Milites, & armis, Æternitatis in Annalibus suas illi, sanguineis caracteribus, delineant glorias. In cadauerum turnis, suos quisque effingit triumphos. Ferro ad apertis venis, sui pectoris quilibet virtutem ostendit. Ad sanguinis effusionis augmentum, Expirantis augentur trophæa. Ad tympanorum, & ad tubarum sonitum, non horrida, & deformis, sed pulchra, & vaga, morientibus videtur Mors. Bellantium animos mille, & mille non deterrent cadauera, immò ex glaciatis illis corporibus, gloriæ ardentissimi exoriuntur æflus. Pugnando transosso pectore, moribundus si cadit miles, hostili tamen fortis animus non cedit ferro, hinc illius tremebundi, formidabiles, & feroces, vltimi motus sunt, vltimæ voces. Ac tandem generoso corde, tam Vulnerantibus, quàm Vulneratis, ex lancearum truncis, ex infraactis ferris, ex mutilatis membris, Mors, & Mars sanguineis depictam stillis, vel cruentis potius ornatam stillis, Æternitatis in Campo, æternam intexunt Coronam.

At Literis, si Arma cedunt, en in Castris triumphorum Martis, & Mortis, erimus spectatores, & Apollini in Lyceis, Literarijs Duellis, Mausolea nos non erigemus? En horrido Mortis Silentio, dulcis ceder Musarum Cautus? En Martis armorum in strepitu, Apollinis non audietur Lyra? En Laurum, Temporis fulmina nunc pertimescere futura intelliget Ætas, Quercum autem illa spernere, & deridere? En Bellantium ferra, hostili inebriari sanguine, intuebuntur omnes,

& He-

& Heliconis, & Aganippis aquas, nos non hauriemus? En Terra sanguineis rigata torrentibus, Militum fortitudinis perpetuum erit testimonium; & in eodem tuniulo nostra corpora contegentur, & Nomina? Ah non. Bella in generosa pectora si influunt Cœli, eandem nos sequamur fortunam: Literis, & Armis idem sit, comune fatum. Calamos ergo euaginemus, & singulari disputantes certamine, claram nigris caracterebus suo nomini quisque comparet famam. Literarij occasio Duelli inter nos de Iulij Pepoli morbo, Controuersia fuit. In illum purgando te erasse, immò & illum, medicamento occidisse, ad sustinendum meus calamus est paratus. Ad descendendum temetipsum accinge. Literariam querenti arenam, terga voluere Sapientis non est. Disputationis absque erubescencia, non potest quis effugere campum. Habet sua onera honor. Gladio non ad Hominis ornamentum cingitur latus, sed alios, vel vt illo offendat, vel se vt defendat. In pace non cognoscitur miles, sed dimicantibus armis, quando militum vita perit, sed mortis, non moritur gloria. Dulces, & tranquillas, qui arauit vndas, Nautæ nomen non meretur, sed spumantes Oceani qui pertransijt aquas. Eia ergo, tuum audaci pectore in me conuertere calamus. Mca hæc Scripta, tuis glorijs sint fundamenta: Super illa tibi erige immortalia trophæa. Si lentij tenebris, tuum ne perdas nomen. Inter indoctos locū si respis, literaria arripe arma. Sapientis viri, a Sapientibus, alicui non conceditur fama, sui ingenij aciem inter sapientes, si quis non offendit. Sapientiam non secum affert senectus, & rudis mineræ in iuuentute qui fuit, rudioris est iam factus senex. Argentæ barbæ credulus credit Vulgus, quæque Senum pueriles contegit, & defendit errores, sed barbari Sapientes derident, & illorum in Calamo omnis ratio ponitur. Si sapis vel non sapis, tua Scripta dicent, nec te adiuuabunt, aut Barba, aut Ætas. Duelli itaque, iam quæso adeamus conflictum, & Ægreditinis narrare historiam, ad pugnam, nostri sint apparatus.

Iulius Pepolus Salernitanæ Ecclesiæ generalis Vicarius, sexagesimum tertium agens annum, temperie vniuersim calida, sano & robusto Corporis habitu, Solis non longè ante Canem, sub æstiuis ardoribus per quindecim ferè dies, in continuis cumj fuisset itineribus, generoso non parcens vino, immò & suillis caruibus, die Martis, qui fuit 26. Iunij, Vespere in febrem incidit: Renum & capitis aderat dolor, Nox inquieta. 2. die, sub meridiem ignis eum corripuit. Per totam Accessionem in manibus, & in maxillis tremores: difficultas spirandi: totius corporis color mutari incæpit: lingua rubra, & arida. Sitis, Vrinæ turbidæ. Tertio die, ex pede fuit illi missus sanguis: cibi fastidium: vomitus: perseverabant eadem: virtus videbatur oppressa: Ictericus factus est. Quarto die, in circuitus principio

per

per duas horas fuit corporis color: virtus magis prostrata: spirandi difficultas maior: æstuatio: vehementior sitis, & supradicta alia fortiora. Medicorum Consilium fuit conuocatum. Dixit Ioannes Papa, nec medicamentum, nec sanguinis missionem conuenire, vrinis exillentibus turbidis. Hyrudines venis sedis, sequenti die applicari, mea fuit sententia. Medicamentum ex Manna, Reubarbaro, & alijs ingredientibus, tribui ægro debere, Caphari fuit opinio, quam Michael Roccus, Sabatus Robertellus, & Doctor Chiaritius sequuti fuere. Die quinto, supradicto pharmaco purgatus est: scetidi, & biliosi humoris copiosa fuit excretio, adeo vt ad sexaginta vsquè, se extenderet vices. Triumphantes præsertim Capharus, & Doctor Chiaritius per Ciuitatem ibant, & percontantibus, quid de ægro esset? Respondebant, ex medicamenti exhibitu tam perfecta euacuatione, melius æger se habet: immò in Galeni doctrina iactabundus, de Vicarij morbo particularem textum, se inuenisse affirmabat Doctor Chiaritius, quo Vicarium purgans, Vicario comparauit salutem. Vespere ad ægrum D. Thomas de Cossidente accessit, & ex tactu subfrigido, difficultate spirandi, languidisque viribus, adauctam ex Medicamento Hepatis iam esse inflammationem, quam ego prædixeram, iudicauit; & ad interitum languentem tendere prælagiuit. Quod prælagium Chiaritius, & Capharus irriserunt: sed euentus in omnem æternitatem illos delusit. Sexto die meliora esse omnia publicè affirmabant: Hepatis regio intumuit: non mingebat. Tumorem Chiaritius obstructionem credens, oleo Absinthij & Capparis, Hepatis regionem inunxit, & pubem oleo amigdalorum dulcium, vt æger mingeret, madefecit. Septimo die, hirudines venis sedis applicarunt: non mingebat, nisi vel paucas stillas: sitiebat: lingua arida. Octauo die, mora ad satietatem Chiaritius ad comedendum dedit: omnia clamabant esse meliora: vrinæ non turbidæ, cæperunt fluere, sed crudæ: dormiuit. Nono die, Mora etiam idem Doctor ad satietatem dedit, & sanum Medici omnes viua voce acclamarunt: Vrinx etiam crudæ. easdem insequabatur Chiaritius applicare vnctiones: debilis in toto corpore aduenit pruritus. Decimo die, corporis color magis vitiari capit: pruritus maior: virtus prostrata: lingua adusta: symptomata omnia fortiora: nox insomnis. Vndecimo die, pruritus maximus: auriginosus ictericus factus est: facies tornatilis. In brachio venam illi secarunt, Ioanne de Galdo Salernitani Collegij Priore contradicente: tum quia accessio quæ nocte inuaserat, in augmento erat: tum quia cibus in principio accessionis à Chiaritio datus, ex eo quòd accessionem cognoscere nesciuit, non erat adhuc digestus: ac tandem quia virtus propè interitum erat, nec poterat sanguinis missio, nisi mortem illi accelerare. Medicos de tali prognolico

gnostico deridebat Vulgus: at illi absque vultus erubescenti a, Recidivam esse dicebant. Duodecimo die, in collapsum ibant omnia. Decimotertio die, apud Medicos magna fuit spes salutis, hinc sequenti die decimoquarto medicamentum ex Reubarbaro & manna iterum propinandum esse consuluerunt, sed tertia noctis vigilia, obdormiuit æger in Domino.

Hoc ergo stante apparatu, eia stringamus ferra, & disputando imperterritum ut me credas, ecce nunc literarijs ictibus, meum primò, ego offero pectus: hinc si *Scire est rem per causas cognoscere*, dicendorum ne vlla quidem vel confusio, vel ulterius sciendi exoriatur sitis, ab universalibus, & remotis principijs particulares ego Conclusiones deducam.

Verùm quia ex humoribus à naturali recedentibus statu, tantæ corpori contingunt ruinæ; & oppositorum præterea cum non possit perfectè vnum cognosci, nisi cognoscatur & alterum, corporis idcirco quis sit naturalis status, examinare oportet, corpori hoc est, ad quid inferuiant humores, & nutriendi corpus eundem cum sanguine, vsum, an habeant omnes, vel sanguinis sint excrementa: his etenim cognitis, ut clarissimè ex dicendis patebit, morborum difficile non erit percipere causas. Sed à principio ut rem exordiar, sic mea exordiat *Oratio*.

Q V I A Calor est quo Anima agit, seu Animæ est Instrumentum ex Aristotele in secundo de Anima, præexcellentem idcirco, in Viventium mixtionis principio, Calorem habuisse gradum, fuit necesse: vnde *Qui crescunt plurimum habent calidi innati* in 1. Aphor. Hippocrates dixit. Verùm quia Caloris, inter alias corruptionis causas, suffocatio est & extinctio, per occlusionem, quæ causatur vna, per pabuli defectum, alia: provida idcirco Natura Viventis, ne igne sceret, ac suffocaretur Calor, corporis cutem veluti Nassulam piscatoriam fabricavit, ad hoc nempe, ut dissetur ille, & ventiletur. Sic præterea ne extinguatur, materialia generationis principia, semen videlicet, & sanguinem menstruum, pro Caloris succendiculo Natura ipsa constituit: immò ne fortè caloris actione, statim illa consumerentur, & Vita periret, alimentis Animal indigere decrevit, ut nempe ex illis, arterialis gigneretur, & venalis sanguis, quorum, arterialis, spermaticarum partium ex semine genitarum, venalis verò, illarum, quæ ex sanguine menstruo fuerunt genitæ, ut 2. Colliget cap. 3. docet Auerroes, defectum restaurarent.

Sed aliorum humorum ut cognoscamus vsum, an illi nutrant, videamus primò: vel si sanguinis sunt excrementa, ad quid corpori, illi inferuiant, examinemus. Ad dicendorum autem claritatem maiorem, per breves articulos, & breves responsiones, ne tractatum

cum tractatu confundam, examinandam materiam ego percurram
vnde sit primò.

ARTICVLVS PRIMVS.

An præter sanguinem, alij humores nutrian t
& corpori quem illi præbeant vsum.

QVANTVM ad primum. Medicorum sustinet Schola, alijs etiam humoribus, non solo sanguine, nutriri partes. Pituita enim, secundum aliquos, nutritur ventriculus, secundum alios Cerebrum; Bile; Vesica fellea; & Melancolia Lien. Solus namque sanguis, tot diuersis corporis partibus familiare non potest esse alimentum: vt illi fatentur.

Oppositum, Philosophorum Schola defendit, sanguinisque excrementa, tales asserit, esse humores: & Medicorum ratio facile soluitur. Si cum Philosophis nos dicamus, quod sanguis, etherogeneum est corpus; hinc secundum eius diuersas partes, illo diuersæ corporis partes possunt nutriri.

Nec est verum, quod Pituita, aut Cerebrum, aut Ventriculus nutriuntur; Bile Vesica fellea, & Melancolia Lien: nisi per nutritionem, oblectationem intelligas: hisce namque humoribus, diu hæc viscera oblectata, ad proprios obeundos vsus, illos deponunt: mēbra etenim ista, cum sint partes spermaticæ, arteriali sanguine nutriri, cum Auerroe supra diximus.

Dices cum Medicis, quod Humor, ex Auicenna, est substantia apta nata nutrire, vel sola vt sanguis, vel alteri admixta, vt cum sanguine vtraque bilis, & pituita: ergo sanguini admixtis, poterunt saltem ex istis humoribus, membra nutriri.

Sed Medicorum pace, Assero ego cum Philosophis, quod humores isti, sanguinis sunt excrementa: per coctionem etenim cum sanguis gignatur, in eius coctione resultare excrementa necesse fuit: hinc non tantum de se soli, sed etiam sanguini admixti, non suat apti nutrire.

Non primò, sanguini admixti. Nam bilis e.g. mixta sanguini eandem retinet naturam, ac sola: ergo si sola nutrire non potest, neque sanguini admixta. Nisi dicere velis, puluerem lapidis pani admixtum, nutrire vt panis.

Non secundò, de se soli nutrire sunt apti. ratio est. quia nutriens humor, viuentis in partem vt conuertatur, debet concrefcere: sed

ex humoribus, præter sanguinem, nullus alius humor est aptus con-
crescere: ergo ex humoribus præter sanguinem, nullus alius humor
est aptus nutrire.

Maior huius Argumenti quod nempe nutriens humor concre-
re debeat, difficultatem non patitur, si nos cum Auicenna notemus,
quod sanguis antequam fiat pars animata, quatuor habet mutatio-
nes. Prima est, cum subtiliatur in minimis venis: Secunda, cum subti-
liatus transcolat, & per partem Roris instar dispergitur. tertia cum
dispersus, parti assimilatur, & ab illius calore concoquitur, & incre-
scitur, unde nouam acquirit temperiem: quarta, cum assimilatus no-
uam partis contrahit formam, & animatur ut pars. Ex quo, quatuor
secundas esse humiditates, Auicenna docet: prima, illa est subtilia-
tio, in paruis habita venis: Secunda dicitur Ros: tertia Cambium;
& quarta Gluten. ecce ergo quod sanguis, in viuientis partem, ante-
quam conuertatur, concrefcere debet.

Quod præterea ex humoribus solus sanguis concrefcere, clarissimè
etiam patet ex hoc, quod solus sanguis est fibrosus. Non enim con-
crefcit sanguis, quia terræ, & aquæ est naturæ, frigidus nempe &
humidus, ut non solum Aristoteles credidit, sed Hippocrates etiam
in libello de corde existimauit, ubi sanguinem sua natura non esse
calidum dixit, sed fieri calidum, veluti ebullientem aquam, quæ de se
frigida est, per accidens verò calida. sic sanguis, sui natura est frigi-
dus, restauratque carnem, quæ naturali temperie est etiam frigida,
ambo autem sunt per accidens calida, ratione scilicet spirituum. Nō
ergo in quantum frigidus & humidus, concrefcit sanguis, ut sic enim
potiori iure Pituita, & Melancolia deberent concrefcere, sed concre-
fcit in quantum quod habet fibras, quas in Ventriculo contrahere
sanguinem, in lib. de Humor. cap. 7. Fernelius asserit: Ventriculus
enim cum sit nervosus, substantiam quandam pituitosam, & terream
impertit chilo, quam postea in sanguine cernimus: quæque sangui-
nis concretionis est causa: hinc fibris istis destituti cum sint humo-
res alij, illos concrefcere non posse, est affirmandum, ut in vomiti-
bus, alijsque talium humorum excretionibus quotidiana docet ex-
perientia.

Quantum ad secundum; quem scilicet corpori, alij humores præ-
beant usum, Affero ego, quod prouida Natura, nutriendis membris,
purum ut alimentum reddat, sanguinem ab excrementis expurgat,
quæ in eius cōctione tria resultant, Pituita nempe, Bilis, & Melanco-
lia, hinc genito sanguine humores istos ob varia munera, ad varios
Natura deponit meatus; & sic Pituitam, per Hepatis expultricem
virtutem, Ventriculi etiam coadiuuante attractrice, aut Cerebri
secundum alios, ad Ventriculum, vel ad Cerebrum transmittit, ut

postea indigentiz tempore, ob naturalem sympathiam ab Hepate illa trahatur, & fiat sanguis. Bilem præterea, ad Cystum felleam demandat, tanquam ad bilis proprium receptaculum, ut ex inde ad intestina, & ad Vesicam deponatur illa, ob sæcum, & vrinæ depositionem. Ac tandem Melancoliam, non ad Lienem transfundit, ut cum Galeno existimant medici omnes, Lienem enim humoris melancolici receptaculum non esse, iam mox dicemus, sed demittitur ad Ventriculum, cibi coctionem, & retentionem adhuc ut adiuuet, necnon & famem excitet consopitam. Quæ in re, summam Dei providentiam Avicenna admiratur, cum melancolia gravis ad Ventriculum ascendat, bilis verò levis ad intestina, & ad Vesicam descendat.

In sanitate ergo, cum Corpus consistit, sic illud regitur à Natura. At quoniam in Hepate generantur omnes, humores, Hepar idcirco si vitiat, morborum omnium illud dicimus esse causam: nec solum ab intemperato Hepate, morbos credimus exoriri, sed potissimum à vitiatò Liene. at quo modo accidunt, nunc videamus: unde sit.

ARTICVLVS SECVNDVS.

Quo modo Hepar & Lien morborum sint Causæ. & an à Liene, grauiora mala contingant.

Respondemus ad primum, quod Membrorum, quia Hepar est Pater familias; cum principium Hepar sit, non quidem facultatis nutritiæ, (hoc enim in Aristotelis sententia est Cor,) sed principium nutrimenti: cumque suas exerceat operationes per quatuor facultates cuilibet viuenti parti communes Attractricem videlicet, Retentricem, Expultricem, & Concoctricem, quæ vltima Virtus in Hepate Sanguificatrix dicitur: & cum præterea facultates istæ Organo sint affixæ; unde & earum operationes à proprii organi temperie dependeant, ut in Sensu Visus in libris de Anima exemplificatur, ubi dicitur quod senex si haberet Oculum iu uenis, videret ut iuuenis; & à forte sensibili corrumpitur sensus ibidem habetur, aliam non ob causam, nisi quia ab illo corrumpitur organi temperies. Sequitur idcirco ex Philosophicis istis Principijs, Galeni in 5. de locis affect. cap. 7. Conclusio Medica, quòd nempe, in quacumque incidat, vel simplicem, vel compositam intemperiem Hepar, ipsius viribus accedit noxa, secundum quam,

variz corpori contingunt ruinæ: nam tunc vel Hepar suam obiectum non attrahit, chylum nempe, aut pituitam indigentiz temporis vel plusquam oportet, attrahit: vel non retinet; vel non concoquit, vel excrementa denique non expellit.

Quantum ad secundum Quæsitum duobus Conclusionibus nos respondemus: quarum est prima, quod non solum intemperatum Hepar, sed etiam malè affectus Lien morborum est causa. Secunda est, quod grauiora ex vitiato Liene, quam ex intemperato Hepate, mala contingunt. Sed clarius in 4. articulo huius secundæ Conclusionis veritas elucescet.

Pro fundamento autem primæ Conclusionis cum Aristotele est notandum quod humoris melancolici non est Lien receptaculum, sed ex chilo superfluitates remanfas, vel Chili crassorem & fæculentam partem, quam Chymum Philosophi appellant, Lien attrahit, conuertitque in sanguinem.

Qua stante doctrina, corpori ex Liene hoc modo mala contingunt: Vel etenim est debilis Lien, suum chymum attrahere ut non valeat, vel viæ sunt obstruæ, tunc Chilo pertransit ad Hepar permixtus Chymus, vnde perturbata Hepatis sanguificatione, impurus sanguis, multisque scatens excrementis, ut gignatur, oportet. Adde præterea, quod in partibus impuri sanguinis multa coaceruata excrementa necatus opplent, quo minus ad illas bonus possit affluere sanguis: hinc est quod duo mala contingunt ut 9. de Usu part. cap. 1. docet Galenus: primum est, ut partes ob ingentiam sibi appetentiam aliquid ex ipsismet prauis succis cogantur attrahere, ut Animalia famelica, quæ dum esuriunt, lutum comedunt, vel aliud eiusdem generis. Secundum est, quod in partibus collecta excrementa, tandem putrescunt, vnde acriora, & calidiora reddita Inflammationes, ut ibidem dicit Galenus, *Erysipelata*, *Herpetas*, *Carbunculos*, *Febres*, innumerabilemque aliorum morborum turbam excusitant.

At quoniam in duobus Philosophicis principijs Conclusio hæc, est fundata, quorum primum est, quod humoris melancolici non est Lien receptaculum: & alterum, quod fæculentas superfluitates ex chilo remanfas, conuertit Lien in sanguinem; an idcirco hæc principia sint vera, nunc declaremus. quare sit.



ARTICVLVS TERTIVS.

An Lien humoris melancolici sit receptaculum.

LIENEM, humoris melancolici receptaculum esse, per medicorum ora, est iam vulgatum: attamen exactè si res consideretur, veram Aristotelis, vnusquisque existimabit sententiam.

Galenus etenim opinio non paucis est inuoluta difficultatibus, & primo quia, in homine sano quod melancolicus generetur humor, satis euidenter à multis reijcitur. Et pro se Hippocratem afferunt, qui in 4-de morbis, quatuor humorum fontes enumerat, & Cor, sanguinis fontem esse decernit, felleam Vesicam, Bilis; Cerebrum pituitæ; & Lienem, aquæ: non tamen Melancoliæ meminit naturalis, quia forte cum Philosophis ille credidit, in homine sano formaliter Melancoliam non gigni, sed in sanguinis parte crassa, virtualiter illam, solummodo contineri.

Sed litigium hoc derelinquamus; & concesso gratis, quod ille gignatur; canalis tamen, per quem ab Hepate ad Lienem, humor hic transmittatur, clare demonstrat rari ab Anatomicis vsque adhuc non potuit.

Nec est quod monstres venâ splenicam. Excrementa enim per eodem duci canales, per quos alimentum, sanguis nempe, desertur, à Naturæ prouidentia, videtur valde remotum.

Adde præterea, quod Lieni satis euidenter deficiunt conditiones ad receptaculi rationem prærequisitæ. Cavitatem namque.

Debet primo receptaculum habere, vt in intestinis, Vesica fellea, Vesica urinaria, & Ventriculis cerebri manifeste apparet: at Lien, vt illum videre est, cavitatem non habet: non ergo melancolici humoris, Lien est receptaculum.

Nec dicas, cauum ab Hippocrate dictum fuisse Lienem. Respondetur enim facile, si dicatur, quod receptaculi Cautas debet esse in proprio sinu: at Lien cauus quidem est, sed in sui parenchymatis structura, cum sit veluti spongia, hinc ab eodem Hippocrate rarus, & spongiformis, fuit ipse appellatus, quippe qui è Ventriculo sugat aquam, quæ si immodica est, illa impletur, & turget: consimilemque etiam, fuit naturam Hepar structuram, hinc consimili affligitur morbo: aquam enim si quis nimium bibit, ex intestinis exugit Hepar, & generatur Ascites.

Est secundo, Receptaculum, suæ, proximum Officine: sic Ventriculo intestina coherent Hepati fel, & in Cerebri substantia eius

Ventri-

Ventriculi videntur exculpti: & si parum ab officina receptaculum distet, satis tamen conspicui, ab officina ad receptaculum apparent canales. At Lien, quàm longissimè, & è diametro Hepati opponitur, nec tale deferens excrementum, clarus ab Anatomicis demonstrari potest canalis.

Ac tandem circumferentiæ corporis proxima sunt receptacula, ut collecta ibi excrementa possint extra expelli: vel saltem a receptaculis ad corporis circumferentiam manifestæ sunt viæ, ut de bilioso patet humore, qui in felle collectus, per patentés canales ad intestina, & ad vesicam detruditur, & vna simul cum excrementis, & vrina eijcitur. At Lien, nec corporis circumferentiæ est proximus; nec ad corporis circumferentiam, villos habet canales.

Sic ergo Aristotelis probata sententia, ad secundi principij veritatem iam transeamus. vnde sic

ARTICVLVS QVARTVS.

An ex Chylo superfluitates remansas in sanguinem conuertat Lien, & ab Aristotelis sententia an Hippocrates discrepet.

Sanguificandi virtutem, soli Hepati conuenire, Medicorum Schola omnis, affirmat.

At cum Medicis non conueniunt Philosophi, & cum eorum Principe Aristotele acriter defendunt, ex Ventriculo superfluitates attrahere Lienem, & concoquere illas posse, ut qui sanguineus sit.

Quam sententiam ex naturæ principijs, secretorum naturæ oculatissimus inuestigator Aristoteles, sic in 3. de partibus Animalium cap. 7. quam perbelle expiscatur.

Corporis dispositio in dextrum, & sinistrum bipartita cum sit, omnia idcirco viscera bipartita etiam esse, in causa est: vtrumque etenim latus simile sibi viscus exposcit, quamuis tamen geminata viscera eodem contineantur nexu. Sic bipartitum est cerebrum, immò & in eo vnumquodque sensorium: Cor ventriculis distinguitur: Pulmo in Ouiparis adeo dirimitur, ut ea binos habere videantur Pulmones. Renes sunt bipartiti: sed de Iecore, & Liene, non ita est manifestum.

In Liene tamen geminari Iecur Aristoteles asserit: & huius causam assignat: nam in Animalibus, quæ Lienem habere necesse est,

Lien ipse quasi Iecur adulteratum esse videtur: in ijs autem, quæ Lienem habere non est necesse, vel satis paruum, & notæ gratia, Hepar ad dextram partem, & ad sinistram bipartitum apparet: immò & locis quibusdam Lepores bina Iecinora habere videntur, quemadmodum in genere Piscium, tum in quibusdam alijs, tum in Cartilagineis, Hepar duplicatum apparet.

Confirmat hoc præterea Aristoteles. Nam istorum Viscerum Lienis, & Iecoris eadem est natura, & eadem corpori afferunt iuuamenta. Sunt etenim ambo veluti Anchoræ aut Clavi, quibus Venæ Corporis firmantur, quemadmodum tunc, quibus Nauis Anchoris alligatur, aut Clavis extra aquam. Sic etiam, & ambo sanguinea cum sint, hinc calidam tum habeant naturam, iuuant ambo ad cibi concoctionem: hac tamen differentia habita: nam chylificati cibi puram ex Ventriculo Iecur attrahit partem, sæculentam attrahit Lien, concoquit, & crassum sanguinem, ex illa generat. Lien enim, ut ibi Aristoteles dicit, *Vapores vacantes diuertit, & attrahit ex Ventriculo, & concoquere eos potest, ut qui sanguineus sit.*

Quòd autem sæculentas superfluitates concoquat Lien, non alio ad probandum Aristoteles vititur argumento, quam eiusdem naturæ opere, & prouidentia. Ab hac etenim, satis exiguus, Animalibus illis conceditur Lien, in quibus per laxiorem carnem in pennas, & squamas, hoc excrementum transit, ut in piscibus, & auis est manifestum. Sic etiam Animalibus illis, exiguus à natura conceditur Lien, quæ Ventriculum adeo feruentem habent, ut in chylum ille omnem cibum conuertat, sæculentam non derelinquens partem, cuiusmodi sunt Milui, Accipitres, & Columbi.

Hinc Lienem per accidens conditum, Aristoteles dixit: nam vel feruidus sit Ventriculus, vel in pennas, & squamas excrementum illud conuertatur, Lien non est per se necessarius, cum eius officium sit, sæculentas superfluitates in chylo remansas concoquere, & crassum conuertere in sanguinem.

Quæ Aristotelis sententia à Philosophis commentata, in hunc exprimitur modum; quòd nempe est Lien secundæ coctioni destinatum Viscus, ex Chyli sæculenta parte, crassum generans sanguinem. ex Ventriculo præterea hæc Chyli pars sæculenta, quæ Chymus dicitur, per Venas lacteas, ut Aesculius fatetur, à Liene attrahitur, & attracta, proprio Parenchymatis calore concoquitur, & sanguis generatur crassus, qui postea per Venam portæ diffunditur, ob nutritionem partium, quæ coctioni sunt destinata, cuiusmodi sunt omnia viscera, quæ vena portæ nutriuntur, ut Ventriculus, Omentum, Pancreas, Intestina, & Hepatis pars caua.

SED ab Aristotelis sententia, an Hippocratis distet Oraculum, maxima

maxima est difficultas. Ego autem, Hippocratis speculatus doctrinas, quantum poterunt mei ingenij vires, cum Aristotele Hippocratem conciliari conabor. vnde sic speculatio incipiat.

Asserit primo de Liene Hippocrates, Fontem Aquę illum esse : vnde in primo de morbis muliebribus de Potu loquens sic dixit, *Quod in Vescicam penetrat, per urinam eijcitur : reliquam vero Splen capit, abstrahens à Ventre ad se ipsum, ut qui rarus est, & spongiosus, & secundum ventrem situs.*

Asserit præterea Secundo in 4. de morbis ad Lienem non Aquam tantummodo adire, quemadmodum ad felleam vesicam, ob paruitatem venarum eius, sola penetrat bilis : è contra est autem, in alijs humorum fontibus, Hippocrates dicit, Cerebro nempe, Corde, & Splene; vnde sic ibi concludit; *Trahunt autem & de alio humore venę in seipsas amplę & instar pampini retortę existentes, ita ut vbi trahant, alius humor alium sequatur.*

Quibus stantibus doctrinis Hippocratem ad Philosophicam ut traham sententiam, ego sic Argumentor.

Lien ex Ventriculo trahit Aquam, nec solam Aquam, sed cum illa alium trahit humorem, ut Hippocrates dicit : At in Ventriculo, chylificationi cum ipse sit destinatus, non alius humor, quam Chylus reperitur, & Chymus : & per naturalem Sympathiam attrahitur Chylus ab Hepate : ergo Chymus remanet tantummodo attrahendus à Liene : qui postea attractus, & concoquatur, & in sanguinem necessesse, est ut vertatur : ne forte frustratoriam, & vanam esse, Naturę hanc actionem Chymum nempe à Liene attrahi, tu dicere velis.

Confirmatur præterea, quod à Liene præter Aquam in Hippocratis sententia, materia hæc sæculenta ex Chylo in Ventriculo remansa, etiã attrahitur. Nam in tex. alleg. primi libri de morbis muliebribus, de Aqua inter Cutē loquens, hæc verba habet Hippocrates, „ *Et si his sic habentibus, non exudarit, neq; alius laxetur, ab hoc splen attollitur* : quasi dicere velit diuinus Hippocrates, quod splen attollitur, quando nimius potus per sudorem non habet, & materia sæculenta per aluum; non enim congrue per aluum expellitur aqua, sed sæculenta solum materia, quæ debili existente Liene per aluum eijcitur, quemadmodum debili pariter Hepatis attractrice facultate existente, aut etiam Concoctrice, alui fluxus contingit.

At Quæres. Crassiori generando sanguini, à Natura destinatus, dum fuit Lien, cur illum (si Hippocrati credimus) Aquę Fontem eadem construxit Natura?

Dicerem ego, amicos scientiarum Principes istos ut cōseruarem, quod duplicem ob usum, fontem Aquę, Lienem natura constituit : primus est, ut feruentem Lienis calorem, Aqua attemperaret : Secun-

aus verò, crassum in Liene genitum sanguinem, vt fluidum redderet.

Cuius duplicis vsus, ex naturalibus principijs, sic ratio poterit expiscari.

Lien, quia sæculentam Chyli partem conuertere debebat in sanguinem, feruenti idcirco indigebat calore: & sic a corde, quod est fons caloris, per arterias spirituosum continentes sanguinem, caloris feracem, partibus si comunicatur calor, feruentissimum Lieni, vt concederet natura calorem, serè quintuplo maiores, quàm reliquis corporis partibus Lieni arterias, natura ipsa concessit.

Præterea quia generandus in Liene sanguis ad nutrimentum partium cõctioni destinatarum, destinatus erat, calidior idcirco esse debebat, quam ille in Hepate genitus: & ratio est, nam cõctio fit per vim caloris, vnde partes, quæ coquunt calidæ esse debent, calidoque nutrimento nutrirî: hinc oportuit consequenter, non aliam huius sanguinis esse posse materiam, quam Chyli sæculentam partem; nam hæc, maioribus cum scateat fibris, quàm ipse Chylus, calidior ex illa in Liene generatur sanguis, quàm in Hepate ex Chylo. & huius ratio est, nam sanguis ex Aristotele sui natura est frigidus, per accidens verò calidus, hoc est per participationem à spiritibus, qui sunt in illo: at eorum, quæ per participationem sunt calida, eò illa sunt calidiora, quò magis sicciora sunt, & crassiora: sed fibræ, terræ cum sint naturæ, cumque Elementorum omnium, siccissimum & crassissimum Elementum sit Terra, & cum sanguis lienaris hepatico sit magis fibrosus, sequitur ex consequenti, quòd sanguis lienaris hepatico sit magis calidus, vtpotè quia est magis crassus, & siccus.

Collige ergo ex his, Aquæ in Liene duplicem vsum. Et primus est, vt tanti caloris in Liene, Aqua attemperaret feruorem, ne forsan, vt in longo ieiunio contingere potest, si hæc materia sæculenta deficiat, Lien ex maximo calore exardesceret; hinc vel propriam carnem, vel vicinas partes combureret. Ad quem consimilem vsum, Aquam in Pericardio natura posuit, Cor præ nimio calore, ne fortè ignesceret.

Et sic alium præterea, Aquæ in Liene colligas vsum. Nam in Liene genitus sanguis quam maximè crassus cum esset & siccus, ad nutriendas partes vt fluere, quam maxima indigebat aqua, eius ad hoc vt esset vehiculum. Ad quem pariter consimilem vsum, serosa humiditas cum hepatico permeat sanguine, quæ deinde ad renes transcolat, & per vesicam eijcitur.

HIS ERGO de naturali corporis statu, secundum Philosophica principia sic constitutis, duabus illis Conclusionibus ob quas difficultates istæ motæ fuerunt, iam facilis elucescit Responso.

Hepar & Lienem, morborum omnium esse causas, in prima diximus Conclusionem: at verè secundum antedicta si nos philosophemur, Conclusio-

clufionis huius euidenter, veritatem inueniemus.

Ex rebus enim nonnaturalibus, (morborum, vnico verbo, antecede-
 dentes omnes, vt comprehendam causas) Hepatis, aut Lienis pri-
 marum qualitatatum tollitur Symetria: hinc fit, vt talium viscerum
 facultatibus læsis, mille malorum exoriantur torrentes. Vel enim
 particulari intemperie intemperatum est Hepar, particularis ferax
 humoris, & sic particulares generat morbos: vel debiles ei us sunt
 facultates, & tunc suo munere illud fungi non potest: vel obstructæ
 sunt Lienis viz, & sic Chylo, fæculenta pars admiscetur, & vitiosus
 gignitur sanguis ad putredinem aptus: vel eiusdem Hepatis ob in-
 flammationem, aut obstructionem, aut aliam causam, occlusæ sunt
 viz, adeò vt excrementa ad proprios meatus non possit expellere,
 & sic sanguini admixta, vt illa perirent est necesse; quæ deinde
 membris cum non possint assimilari à Natura, fit idcirco, ad illa ex-
 pellenda, meatus si non habeat Natura opportunos, vt propter fora-
 minum obstructionem pristina perspiratione retenta, & grauata
 iam succumbente Natura, tum sanguinis excrementa, tum sanguis
 ipse putrescat, *Calida namque & humida corpora calido loco congrega-
 ta, putrescunt faciliè, si non euacuentur, neque refrigerentur*, vt in lib.
 de tumoribus præter naturam docet Galenus: & generaliter quæ
 non dissantem putrescunt, vt de Vestibus patet, fructibus, & semini-
 bus ex eodem Gal. 2. de different. febr. cap. 9.

Ex Liene præterea, corpori grauiora mala contingere, Secunda
 fuit Conclusio: quam clarissimè nos probabimus, Hippocratis de
 malignitate si notemus sententiam.

Asserit in 4. de ratione vict. in morb. acut. tex. 31. Hippocrates, in
 humorum nitrositate malignitatem consistere nam ex nitrosa ex-
 coctione tum acri, tum calida à capite ad iugulares defluxa venas, mor-
 talem exoriri Anginam ibi fatetur.

Qua stante doctrina, propositum concluditur faciliè, nam aliqua,
 si quantò magis sunt fæculenta, & crassa, tantò magis rancescunt,
 & sunt nitrosa, ex eo quòd Nitrum de fæcibus nascitur; non imme-
 ritò itaque sequitur, Lienaris sanguis hepatico si crassior est, & fæ-
 culentior, quòd dum ille corrumpitur, magis rancidus fiat, magisque
 nitrosus, hinc inuitabiles, vel magis mortales ex eius putredine,
 generentur affectus.

Adde præterea, quòd ex Lienari sanguine maior Atræbilis copia
 gignitur, quàm ex Hepatico: & ratio est euidens, nam sanguis he-
 paticus, ex Galeno, dum corrumpitur, eius pars tenuis transit in
 bilem, pars crassa in atram bilem: at lienaris sanguis cum totus sit
 crassus, totus in atram bilem conuertitur: ergo si ex atra bile inui-
 tabiles, & mortales generantur morbi, vt communis Medicorum

Schola affirmat, ex Liene affecto, corpori grauiora contingere mala, est concludendum.

Sed Philosophicos iam, derelinquamus rigores, & Medicina si Philosophiz subalternatur „ *Bonum etenim Medicum optimum oportet esse Philosophum*, vt fatetur ipse Galenus, vniuersalia idcirco principia ex Naturali scientia desumpsisse sufficiat: nunc autem in posterum, nec in particulari morborum generationis assignanda Methodo, nec in illis curando, ne tantillum quidem ab Hippocrate, & Galeno recedam: nam Philosophus vbi desinit, ibi incipit Medicus.

Verum de Hepatis inflammatione clarior nostra, vt eluceat Oratio, morborum omnium generationis particulares modos nunc ostendamus, vnde sit

ARTICVLVS QVINTVS.

Quo modo generentur omnes affectus.

EX Galeni principijs, hac de re, varijs registratis in locis, huic quaesito, talis efformetur Responsio.

Sanguinis excrementa, vel dicam humores: (vt Medicus enim si loquor, Medicorum vtar vocabulis,) Humores, inquam, in parte aliqua, cum sunt coaceruati, vel ad partem transfusi, vel in eadem geniti parte; tunc vel quia non diffantur, vel quia a natura non domantur, vt putrescant necesse est. At quoniam a calido extraneo fit putredo, calidiores idcirco putrescentes fiunt humores: hinc per partem post partem, in putrescentibus humoribus accensa illa caliditas cordi comunicatur, & sic accenditur febris.

Non tamen vnus modi accensam febrem semper esse, tu credas: nam prima sui diuisione, si materiam in qua accenditur, spectes; cum in viuente corpore, hæc materia sit triplex, spiritus nempe, humores, & partes solidæ, in tria genera febris diuiditur: Diaria, est primum genus, in spiritibus quæ accenditur: Putrida, Secundum, quæ in humoribus: & Hæctica, Tertium, quæ in partibus accenditur solidis.

At quoniam humores sunt quatuor, nec semper in eodem putrescunt loco, in varias idcirco species febris Putrida subdiuiditur.

Ratione loci, primam recipit febris putrida diuisionem. Nam vel e xtrâ venas putrescunt humores, & sic Intermittentes generantur

tur febres, quæ triplicis sunt differentię, iuxta triplicem putrescentem humorem, qui extra venas potest putrescere: à Pituita enim quotidiana exoritur, à flava bile Tertianā, & à bile nigra Quartana. non datur quarta à sanguine; nam grumescit sanguis non putrescit, quando est extra venas.

Vel intra venas putrescunt: & tunc vel putrescentes humores in tanta sunt copia, ut suis non contenti limitibus, foras etiam exudent, & spatia, quæ inter vasa sunt occupando, partem in tumorem attollant: vel proprijs continentur in locis: & sic cum intra venas putrescant, febres generantur continuæ.

Verum quia ex antedictis quatuor sunt humores, in quatuor idecirco species, continua febris dirimitur.

Velenim primò effruescit, aut putrescit sanguinaria massa & tunc febris continens, seu synocus excitatur; quæ circuitu caret, cum nulla corporis pars sit præcipuè offensa, sed in omnibus venis, & arterijs præsertim maximis, aut feruidus est, aut putridus sanguis ut 2. de differ. febr. cap. 11. faretur Galenus. Quæque febris triplicis est differentię: vel quæ à principio usque ad finem in statu perseverat eodem, & Homotona dicitur: vel quæ paulatim augeatur, & Epacnastica vocatur: vel quæ paulatim decrescit, & hæc Paracnastica nominatur.

Vel secundò intra venas putrescit bilis, & ex hac, continua febris quæ oritur, Tritæphies à Galeno appellatur, hoc est tertianarum naturam referens.

Vel terciò intra venas pituita putrescit, & Quotidiana continua gignitur. Sic denique intra venas si putrescit melancholia, Quartana continua generatur.

At quia ex simplicibus humoribus putrescentibus, simplices febrium oriuntur species, ex illis pariter complicatis, complicatas febres nos dicimus generari: quæque in tot diuiduntur differentias, quot modis vel ad intra, vel ad extra venas, vel coniunctim in eodem die, vel diuissim in alia, putrescentes complicari possunt humores: & sic vel Tertianæ continuæ, & Quotidiana continuæ complicabuntur: vel Tertianæ continuæ, & Quartanæ intermittens: vel alijs modis, ut per illos discurrenti patet: ex quibus autem complicationibus, nulla febrium complicatio particulare habet nomen, Hemitriteo excepto, qui composita febris est ex Tertianæ intermittente, & Quotidiana continuæ, hinc à Galeno semitertiana etiam dicitur, nam ex semitertianæ & semiquotidianæ constat, quemadmodum semideus, ex semihomine dicitur, & semideo.

Ex putrescentibus deniquè humoribus, qui extra vasa erumpentes, partem in tumorem attollunt, febres etiam generantur continuæ

continuz, quæ ex Gal. 10. Meth. cap. 6. in comuni putredinis genere comprehensæ intelliguntur, & putrescentium humorum insequuntur naturam.

Sic præterea quatuor cum sint confluentes humores, quatuor pariter Tumorum exoriuntur species. Ex solo enim fluente sanguine inflammatio nascitur, quæ varias ob corporis partes, quibus potest contingere, varia sortitur nomina: attamen supra modum si efferuescat sanguis, & assetur, ita ut eius pars crassa, in confinio sit atræ bilis, carbunculi ex illo generantur, ut secundo de differ. febr. cap. 9. affirmat Galenus. Ex bile præterea Erysipelas producitur, quod solius cutis. cum sit passio, & tunc vel bilis est crassa, & sic exulcerat cutem usque ad eam suppositam, & Herpes exedens ab Hippocrate dicitur: vel bilis est tenuis, & sic per summam cutem, pustulæ milijs similes excitantur, & Herpes dicitur miliaris, ut 2. ad Glau. cap. 1. docet Galenus. Ex Pituita tenui œdema gignitur: ex crassa verò, & glutinosa, Scyrrus efficitur species una, nam altera à sanguinis fæce producitur, quæ nigra bilis etiam dicitur, non autem ab atra, nam hæc efficit Cancro, ut in Libro de Tumor. cap. 9. ex Galeno habetur.

Non tamen credas, ad quemcumque tumorem necessario insequi febrem: nam vel in parte ignobili, & à corde longinqua, humor putrescat, nec possit usque ad cor eius calor pertingere: vel adeo putrescentis in parte humoris, exigua est portio, ut cordi non valeat communicare calorem: vel humor de sui natura est frigidus, qui cum putrescit, vel paucò est contentus calore, quomodocunque ergo ex his modis dicatur, ad quemcumque tumorem, non necessario sequitur febris.

Sed Orationis, iam restringamus filum, & de Hepatis inflammatione agentes, alijs derelictis affectibus, ad inflammationem in communi, & ad eius causas, nostrum dirigamus sermonem; his enim cognitis, tam Hepatis inflammationem, quam eius causas, facile cognoscemus. unde sit

ARTICVLVS SEXTVS.

De inflammatione in communi, & eius causis.

QUANTVM ad primum. Est inflammatio, seu Phlogosis, aut Phlegmones (dicas illam ut velis) Tumor præter naturam, cum calore, rubore, pulsu, & dolore.

Cuius diffinitionis rationem assignare difficile non est. Ad partem enim si affluit humor, iure optimo, in tumorem illam attollit. Coar-

ceruati in parte succi, putrescere incipiunt, & sic præter naturam accidit calor ex partis deinde immoderato calore rubor exoritur, vt 3. de fracturis cap. 8. dicit Galenus: ac tandem ex oppletionē pulsus nascitur, & ex pulsu dolor causatur: percutit enim arteria cum dilatatur, quæ circum corpora sunt, & sic propter inflammationem, percussione dolemus.

Quantum ad secundum, triplicem dicimus, Causam, cuiuslibet etiam morbo exfluxione communem, quod inflammatio agnoscit: vel scilicet partis robur, & vigorem: vel partis imbecillitatem: vel utrumque. Hoc enim triplici modo extraneum coaceruatur in parte. hinc

Prima inflammationis Causa est Partis robur & vigor: valida namque, & robusta pars superfluitates in se genitas, vel ad se ab alia parte transmissas, à se ad partes imbecilliores expellit, vt Cerebrum e.g. cum grauatur, vel ad oculos, vel ad aures, vel ad gingiuas, aut ad alias vicinas partes se exonerat; quæ si imbecillæ non sunt, ad thoracem, vel ad pulmonem, vel ad fauces, vel ad stomachum fluxio delabitur vt 2. de differ. febr. cap. 11. testatur Galenus.

Secunda Causa Partis est imbecillitas, à qua superfluitates trahuntur.

Huius autem Attractionis, duplex ponitur Causa, Partis nempe Caliditas, vel Partis Dolor.

Quo autem Calor attrahat, Exemplo, Galenus probat, de membro posito iuxta ignem, vel fortiter fricato, aut aliter medicamentis calidis, quod statim in tumore attollitur: quoniam vt in textu allegato 2. de differ. febr. dicit Galenus, *Caliditas sua natura apta est fluxiones attrahere, aut easdem recipere.*

Dolor præterea, quod superfluitates trahat, exemplo etiam probat Galenus, de illo, cui, Acus extremam digiti partem pupugerit, quæ paulo post in tumorem, eleuata conspicitur.

Tertia denique Causa, vnus Partis est Vigor, & alterius imbecillitas. Quod enim à forti parte expellitur, statim ab imbecilla recipitur.

Quo etiam modo (sit obiter hoc explicatum) in febribus Accessionum fiunt Circuitus. Ad imbecillam etenim partem, membrum forte superfluitates expellit, vel quia illæ vitiosæ sunt, aut multæ: vel quia ad illas concoquendas, impotens est eius facultas. In parte postea imbecilla, quæ Putredinis focus est, putrescunt humores, & accenditur febris. Resoluta denique illa minera, vel paucis remansis reliquijs, si non amplius à forti membro ad imbecillam partem transmittuntur superfluitates, iam febris finitur: è contra autem de nouo si illæ transmittantur, de nouo accenditur febris.

Nec tamen repetere Accessiones credas, ex solo membro, ad Putredinis focum, superfluitates mittente: nam possunt Accessiones redire, esto ad partem imbecillam membrum forte, superfluos, non transfundat humores, sed ratione solummodo ipsiusmet imbecillæ partis: & hoc duplicem ob causam: Vel enim putrefacti adhuc humoris pars imbecilla reliquias continet, ad quas etiam sanguis, pro partis alimento accedens, corrumpitur: Quod tangitur enim à putrido, efficitur putridum. Vel denique adeo partis potentia est debilitata, ut alimentum sibi adueniens, alterare non possit: quod deinde malteratum remanens, meatus opplet præ multitudinem; hinc prohibita perspiratione, putrescit: & sic ob utramque causam Accessio redit.

Collige tandem ex dictis (ad nostrum reuertentes propositum) quæ sit Hepatis inflammatio, & quod ex ipsdem tribus causis, cuilibet inflammationi, communibus, potest illud inflammari.

At in prædicto languente, inflammationis Hepatis quænam fuerit causa, si quæras; illam proculdubio dicerem ego, non aliam fuisse quam Hepatis caliditatem adauctam, tum ex generoso vino, tum ex suillis carnibus, tum ex laboribus, ac tandem sub æstiuo, ardore tum ex continuo per multos dies, itinere. Has autem procatharticas Causas, immoderatam in Hepar posse inducere caliditatem, superfluum demonstrare existimo, cum hæc, sexcentis in locis in Galeni libris, legantur. quamobrem ad Hepatis inflammati signa me transiero.

Verum, in apparentibus partibus, quâdo est Inflammatio, ex eiusdem patientis membri tumore, calore, rubore, pulsu, & dolore, signa ad sensum si sunt manifesta: è contra autem in occultis Visceribus, quando phlegmones adest, æque facilis non est cognitio, sed mente indiget perspicaci, cum languentis membri naturam ex 2. ad Glau. cap. 1. cognoscere oporteat. Hepatis propterea inflammati speculantes nos signa, Hepatis primo cognoscamus naturam: unde sit

ARTICVLVS SEPTIMVS.

Hepatis quam breuissima explicatur Anathomes.

EST Hepar, ut 4. de Vsu part. à cap. 12. infra docet Galenus, veluti crassus coagulatus sanguis: ex eo quod sanguificationis debebat esse Principium. Paruus neruus in gibba parte, fere subtus cutè, illi inseritur, sensus omnino expers, ne esset. Ex Ventrículo ad eius simas partes, Chylum deferentes, multæ in vnum vnitiæ, adueniunt venæ;

venæ; quæ Hepatis substantiam ingressæ, in quamplurimas, illasque tenues disseminantur: vnus nanque, & magnus venæ si fuisset sinus, Iecoris nec minimam carnis partem, attigisset vtiq; Chylus, hinc perfectè in sanguinem conuerti non potuisset: moram ergo hæc chylosa materia, in Hepate vt faceret, per tot tantasque exiguas venas, difficilem illi transitum, comparauit natura.

Codicio præterea si sit à calore, vna simul in hac sima Iecoris parte cum venulis, arteriolas natura eadem collocauit; quippe quæ per spiritus, à corde communicarent illi, calorem.

Post deindè venulas istas, & arteriolas, meatus sequuntur, bilem excipientes; ab excrementis nempe, vt purgaretur sanguis: qui tandem expurgatus, à solis venis in gibba Hepatis parte existentibus, transimitur, quæ in vnâ magnâ coeunt venam, quæ Caua dicitur: & hæc ab Hepatis gibbo exorta insignes quosdam ramos ad septum transversum disseminat, paruas autem ad inferiorem thoracis partem. Eleuatur præterea Vena ista ad Cor, à corde ad collum, & ibi in duas scinditur insignes Venas, quas Iugulares vocant, à quibus tandem, & alijs ramis, superiorum partium fit nutritio.

Per hanc denique Venam Cauam, Diaphragmati coniungitur Hepar, Ventriculo, & Intestinis: nec tantummodo per illam, sed Ventriculo, & intestinis, per tunicam colligatur, quæ ipsi pro tegmine est, à Peritonæo exortam. Diaphragmati verò per vinculum ligatur, quod tam a tunica, quæ infernè succingit Phrenas, quàm ab illa quæ circumambit Hepar, exoritur; quas ambas ex Peritonæo ortum ducere, nos cum Galeno affirmamus. sed, plura de Hepatis Anathome, scire si cupis, Anatomicos quære.

Hepatis ergo cognita natura, inflammationis eius tum signa, tum signorum causas, facile nunc inueniemus. quare sit.

ARTICVLVS OCTAVVS.

De signis Hepatis inflammati.

Primum signum, quòd à Galeno ponitur in 5. de locis affectis c. 7. est in dextro Hypochondrio grauitas, cuius signi est euidentis causa. In dextro nanque Hypochondrio residet Hepar, hinc coaceruatæ in illo superfluitates, grauitatem vt inferant, est necesse.

Secundum signum est dolor, totum Hypochondrium retrahens, quique ad Iugulum vsq; se nonnunquã extendit; nonnunquam verò ad costas vsq; nothas. Quorum omniũ ratio, ex antedictis colligitur facile. Ex sanguinis etenim multitudine Hepatis distenduntur partes, hinc continuum soluitur, & dolor causatur, qui totum Hypo-

condrium retrahit. Extenditur præterea ad iugulum vsque nonnunquam dolor; vel quia per venas, nimius in caliditate intemperatus transfunditur sanguis, quæ caliditas in illis partibus, dolorem parturiat: vel quia distentis multum Hepatis partibus, retrahuntur etiam iugulares, & sic ad iugulum vsque extenditur dolor. Consimili pariter modo, ad costas vsque nothas nonnunquam dolor expanditur, cum per membranas costis nothis sit Hepar coniunctum. Quòd si dicas, nō in omnibus Hominibus per membranas costis nothis coniungi Hepar, vt non in omnibus Simijs, alijsque Animalibus, est hoc expertus Galenus. Sed Responsio est facilis: nam vt sic, vel non in omnibus Hominibus signum hoc est perpetuum, vt dicit idem Galenus: vel si dicas, perpetuum: ad Venæ ramum recurrimus, qui à Vena Caua propagatur; & quo, nothæ costæ nutriuntur: ac eodem modo, vt in dolore expando ad iugulum, rationem nos assignamus.

Tertium signum est exigua tussis. Diaphragma namque, quod respirationis est instrumentum, Hepate patiente, compatitur, cum per Venam Cauam, Diaphragmati sit Hepar coniunctum.

Quartum signum est difficultas spirandi. In secundo enim de locis affectis cap. 9. Galenus asserit, quod Hepate inflammato, septum transuersum ob viciniam opprimitur: hinc quia illud respirationi inseruit, difficultas respirandi contingit.

Quintum signum est linguæ color, in principio ruber, deinde niger. Cuius non alia est ratio, quàm quòd venæ disseminatæ in lingua, vt ex Galeno in lib. de dissectione venarum, & arteriarum cap. 7. habetur. Iugularis venæ sunt rami; quæ Iugularis vena, Venæ Cauæ est propago: hinc meritò in Hepatis inflammatione, linguæ color est primò ruber, cum in inflammationis principio, ad has venas ferendus tantum demandetur sanguis: at inflammatione adaucta, adustus, & niger sanguis, cum transfundatur ad illas, niger deuenit linguæ color.

Sextum signum est ingens nausea, & cibi fastidium. Et huius signi, in Hermocratis historia 3. epid. sect. 1. com. 13. his verbis rationem assignat Galenus, „ Est Iecur principium Vegetatricis, & Naturalis Animæ, cuius ostensum est quatuor esse virtutes, attrahtricem, retentricem, alteratricem, & expultricem, quæ suppeditant corporibus, & nutrimentum, & augmentum: & hac affecta mirum in modum appetitus perit, vt mori citius, quàm gustare quicquam sustineant agri.

Septimum signum sitis est inexausta. hæc nanque ardentium februm est proprium signum: & ad Hepatis inflammationes, febres consequuntur ardentes.

Octauum signum est bilis vomitus, quæ primo sincera euomitur; mox vitellina, deinde æruginosa. inflammato etenim Hepate, ad felleam

felleam vesicam, bilis transitus impeditur, hinc illius pars aliqua, ad os ventriculi regurgitans, sincera primò eijcitur, secundò vitellina, & tertio æruginosa; secundum quòd sanguinis inflammatio augetur, & bilis maiorem, & maiorem adustionem acquirit.

Nonum signum est Aluus adstricta, Ignefactum nanque Hepar, excrementa comburit; vt 3. de morb. vulg. sect. 1. com. 5. ex Galeno habetur; hinc adstringitur aluus: è contra autem si cùm Hepatis inflammatione imbecillitas concomitatur, aluus redditur mollis, vt 5. de locis affect. cap. 7. docet idem Galenus.

Decimum signum est singultus. Per tunicam enim, quæ Hepati pro tegmine est, & per Venam Cauam, Ventriculo cum coniungatur Hepar, vt compatiatur idcirco stomachus, & singultus accidat, Hepate patiente, necesse est: non tamen ad lenem Hepatis passionem, singultum superuenire in 6. aph. com. 16. Galenus asserit, sed solummodo, fortiter cùm patitur Hepar.

Vndecimum signum est partium extremarum frigiditas, & aliquando illarum liuor: quæ signa mortalia sunt vt in 3. epid. sect. 2. ægroto 8. docet Galenus: Calorem etenim adeò exurentem arguunt, vt ad se, ex toto corpore sanguinem trahat, per modum Cucurbitulæ; hinc propter defectum sanguinis, externa frigent, & interna vruntur, ita vt neque tegumenta tolerant, propter incendium, quod in visceribus sentiunt, vt 7. aph. 1. fatetur idem Galenus.

Duodecimum denique signum, est Morbus Regius. Reclusis namque ex inflammatione meatibus, per quos ad felleam vesicam bilis transfunditur, illa idcirco non expurgata, vna simul cùm sanguine per totum corpus, vt deferatur necesse est, hinc morbus Regius generetur.

Dices, quod non inflammationem tantummodo Morbus Regius agnoscit pro causa, sed vel Crisem, vel Scyrrum, vel obstructionem: ergo in prædicto languente morbum regium, Hepatis non necessariò inflammationem arguere, est concludendum.

Sed puerilis, soluitur facilè, hæc difficultas. Non enim in patiente assignato, Crisim potuit primò, morbus regius arguere: nam tertia die æger ille ictericus factus est, & ante septimam vt 4. aph. com. 62. dicit Galenus, *Iudicatoriè bilem effundi est impossibile*. Non secundò illius regij morbi fuit causa Scyrrus: nullus enim in dextro Hypochondrio antiquus conspiciebatur tumor. Non denique obstructio: nam hæc à crassis & viscosis dependet succis, & vel paucam, vel nullam secum affert febrem: at in languente febris erat acuta, virtus prostrata, sitis inexhausta, extremorum subfrigiditas, æstuatio, difficultas spirandi, & alia huiusmodi; quæ signa ex obstructione proue-

nire posse, si quis dixerit, tanquam insanus, & mente vacuus est irridendus.

Dices iterum. Si omnia allegata hæc signa Hepar arguunt inflammatum, in tali ægro, cum non omnia hæc signa ille habuerit, inflammatum fuisse Hepar, non bene concluditur.

Sed facile nos respondemus, prædicta signa, asserentes, non omnia Hepar habere, in quantum quod ipsum est inflammatum, sed in quantum quod cum alijs coniungitur partibus: nec ad compatiendas vicinas partes, levis quæcunque Hepatis requiritur affectio, sed ut illa sit fortis, necesse est; quemadmodum de singultu est supradictum. Sic pariter, Hypochondrij tumor, inflammati Hepatis neque est necessarium signum: nam fieri potest, vel ut abdomen sit crassum, quod postea ex morbo gracile fit, & tumor apparet, sicut 5. de loc. affect. cap. 7. notat Galenus: vel quod inflammatio sit levis: vel tandem quod illa sit in causis Hepatis partibus, quæ paulatim deinde ad partes gibbas extensa, in tumorem, Hypochondrium attollit, ut ex Galeno affirmatur in 3. epid. sect. 1. com. 5. Adde, quod neque Hypochondrij dolor est necessarium signum, in causis Hepatis partibus quando est inflammatio: nam ibi nullus est nervus, sed Hepati prope cutem in gibba parte, parvus nervus inseritur à natura. quomobrem in Epidemiorum loco allegato, linguas solam adustionem, & modum febris, hoc est febrem acutam, Hepatis significare inflammationem, concludit Galenus.

Ad difficultatem ergo, responsionem collige ex his; quod nempe omnia signa quamvis æger non habuerit, necessaria tamen quæ inflammatum arguunt Hepar illi, non defecerunt, linguæ scilicet adustio; (tria etenim ferè verba proferre non poterat, os nisi primum oblueret:) & febris acuta: quam acutam fuisse, tum ex supradictis symptomatibus, tum ex manuum, & oris tremore, qui à principio illum inuasit, & febris acutæ est signum, in Pithionis historia 1. in 3. epid. ut notat Galenus, dubitare non licet: & scrupulus aliquis hæc de re si alieni remanet, acutiei febris, in decimatertia die ægrum perire, fidele, erit mors, testimonium. sed ad inflammati Hepatis prognosticum, nunc transeamus.

ARTICVLVS NONVS.

Hepatis inflammati Prognosticum.

P Artis cuiuscumque inflammata, generale Prognosticum in 6. Epid. sect. 2. com. 14. à Galeno assignatur, ubi diuidens membra

bta in superiora, & inferiora, asserit quòd superiora membra, si sunt inflammata, vt Cerebrum, Guttur, Gula, Pulmo, Pectus, aut Cor, tunc mortifera est ægritudo: at infra Iecur, si Membra inflammantur, pauci percunt, si benè fuerint curati.

Hinc & de ipso Hepate inflammato prælagiens, ipsius conuexum inflammatum, eius concauo longè periculosius esse, affirmat, cum pars conuexa à multis, vt ipse ait, inter superiores reponatur partes, quemadmodum & os ventriculi; concaua autem, inter inferiores.

Verùm in quacumque Hepatis parte sit inflammatio, vrina si est lethalis, mori ægrotantem, in 3. epid. sect. 1. com. 6. docet Galenus: & maximè si vires sunt imbecilles: nam vna salus pleuriticis, peripneumonicis, synanticis, & quibus Iecur, vel Ventriculum phlegmone obsidet, est vitium robur, vt 10. meth. cap. 5. affirmat idem Galenus. At sufficienter de his si diximus, iam conuocat nos curatio.

ARTICVLVS DECIMVS.

De inflammati Hepatis curatione.

CVRATIO, cum per contraria fiat, in vniuersum sic inflammatio curatur.

Ex sanguinis influxu, copiosioris quàm membri natura requirat, Phlegmones cum generetur, vna proinde omnibus inflammationibus, est indicatio communis „ *Vacuatio nempe redundantis in particula Phlegmone obfessa, sanguinis, vt 13. Meth. cap. 2. arbitratur Galenus: & Cap. 9. dixit „ Momentum omne curationis, laborantis Phlegmone partis, in redundantis in ipsa sanguinis vacatione consistit.*

Euacuandus est ergo sanguis. Sed qua mensura, & quo in loco si quæras? Mensuram, nos respondemus, quòd languentis temperies, Anni tempus, Regio, Ætas, & huiusmodi alia, te docebunt. Sectionis verò locum, inflammationis tempora tibi ostendent: nam vt in lib. de rat. cur. per sang. miss. cap. 19. ex Galeno asseritur *Incipientes Phlegmonas reuulsu curare oportet: quæ verò inueterate iam sunt, ex ipsis, si fieri potest affectis partibus, quòd si nequeat, saltem ex vicinis.* nanquè vniuersaliter euacuationis modos Galenus ipse constituit. Reuulsionis est primus, & fit in parte quàm longissimè fluxione tentata, qui ab humore indicatur, inter inflam-

inflammationis initia, cùm siuere incipit, vel adhuc etiam fluit. Deriuationis est secundus, in vicina qui celebratur parte, cùm partem iam humor obsedit. Euacuationis est tertius, ex eodem affecto membro, vel saltem viciniori, qui adhibetur; quando nempe malum est inueteratum.

Sed vtrum in Hepatis inflammatione, vena poplitis possit secari, inter Doctores magna exoritur controuersia. Verùm quia humorum intra venas putredo, illi putredini consimilis est, vt 2. de diff. febr. cap. 6. ex Galeno habetur, quæ in inflammationibus, alijsque adest tumoribus; generaliter idcirco tam grauem examinemus nos difficultatem. vnde sit.

ARTICVLVS VNDECIMVS.

An ex humorum intra Venas putredine, vel ex inflammatione exortis febribus, corporisq̃ue alijs affectibus, Sanguinis missio in infernis venis conueniat.

ARISTOTELIS, de Venarum principio, sanguinisq̃ue origine sententiam, quam fideliter ego sequor, si adducere vellem, Doctorum in hac controuersia, Sanguinis missionem in pede, tùm ex humorum putredine. tùm ex Viscerum inflammatione exortis febribus, proculdubio concluderem. Cor enim, si multitudo Principatus est mala, vnus verò debet esse Princeps, Arteriarum, Neruorum, & Venarum principium esse, Aristoteles asserit.

VENARVM autè esse Cor principium, ex cordis situ Aristoteles probat primò. Nam corporis medium in corpore, est principalior situs, & principi conuenit membro: sed solùm Cor, in corporis medio situatur: ergo solùm Cor in corpore, est membrum princeps.

Dices. ad partem sinistram Cor declinare: ergo non est Cor in corporis medio.

Respondetur, in Homine tantùm, ad sinistram partem, Cor paulò vergere concessisse naturam, vt nempe sinistrae partis refrigerationem moderetur: *omnium enim Animalium* in 3. de part. Anim. cap. 4. vt Aristoteles inquit, *maximè Homo refrigeratà habet partem sinistram.* Ex cordis structura, Venarum principium esse Cor secundò Aristoteles probat. Nam medium cordis corpus, spissum est & cauum: spissum quidè, caloris, vt conseruare possit. principium, cauum verò, sanguinis vt conceptaculum esset: ergo Cor est venarum principium.

Conse-

Consequentiam probat. Nam Venarum principium sanguinem sine venis continere debet, cum ex illo Sanguis deriuetur ad venas. Sed solo in Corde ex Visceribus omnibus, Sanguis est sine venis: alia namque membra & etiam Hepar, sanguinem, intra venas habent inclusum: ergo Cor est Venarum principium.

Ex Venarum substantia, illarum esse Cor principium, probat 3. Aristoteles. Nam Visceris ex quo Venæ egrediuntur, & Venarum, eadem debet esse substantia; & quod per ipsum, Venæ non transeant, sed ab ipso initium trahant: Sed Venarum substantia, non cum Hepate, huius enim carnosa est sed, cum Corde est eadem quæque non per Cor sed bene transeunt per Hepar: ergo ex Corde egrediuntur Venæ, seu Cor est Venarum principium:

Cor præterea, sanguinis etiam principium esse, ex ante dictis colligit & probat primo, nam in Corde, est prima virtus Nutritiua nisi tertiam virtutem dare velis, cuius tertia actio, neque vegetatio sic, neque sensus, & motus: ergo in Corde est, primum Nutrimentum, quod Nutrimentum est sanguis.

Probat, secundo Nam Cor est principium Venarum: ergo Cor est principium sanguinis.

Consequentia probatur. Nam idem membrum, quod est principium Venarum, est principium sanguinis, tum ex eodem viscere, operationes instrumenta oriuntur, in quo est Operationis principium: ergo si Cor est principium venarum, est etiam principium sanguinis.

Probat 3. Nam Membrum, quod est principium sanguinis, sanguinem intra venas inclusum continere non debet: sed præter Cor, nullum Viscus sanguinem continet sine venis: ergo Cor, est principium sanguinis.

Cor denique esse primum viuens, tum vegetatiua, tum sensitiua vita, Aristoteles concludit. Nam Animal sensu definitur, & Virtus sentiendi, illi primo tribuitur membro, quod primo est sanguine præditum: sed tale membrum est Cor: tum quia sanguinis est principium: tum quia in generatione cum primo consistat, primo est sanguinolentum: ergo Cor, sensitiua vita est primum viuens, omniumque sensuum est origo, & principium.

Quod præterea in Animalis corpore primo Cor moueatur, ac sic principium motus, in prima Partuum generatione clarescit, in qua statim Cor, quasi Animal sit, palpitare videtur.

Bene ergo, tum ex antedictis, tum ex his, Aristoteles colligit, Vegetatiua, & Sensitiua vita; Cor esse primum viuens: & ob Nervorum copiam, quæ est in Corde, & Nervos ex Corde, oriri fatetur: & Animalis Virtus, Cordis robore, & ministerio cum indigeat, nutritiæ & Sensitiuæ Virtutis Cor tandem concludit esse Principium.

At Chy-

At Chymericam, Aristotelis sententiam esse, si quis crederet, ego nollem: illam etenim, argumentorum acutie, non solum acerrime defendunt Philosophi, sed sensu visus, quo, nullus alius sensus est certior, euidentissime Anathomici ostendunt.

Opinatur Vesalius, inter Anatomicos ingenio quidem, & fama illustis, de humani corporis, fabrica lib. 3. cap. 6. ex eo quia Venæ Cauæ orificium, ad dextrum cordis, quod pertinet sinum, velimus nos aut nolimus, Venam cauam quacumque metiaris ex parte, eius corporis amplitudinē, multo magis excedere: tum etiam quod Hepar coagulatus est Sanguis Cor idcirco venarū esse principium, & sanguinis Cor esse originem, cum Aristotele ipse defendit: multisque infectam erroribus, Galeni, demonstrat esse sententiam.

Sed quæ de vesalio dicam? Hac in re quid decerneret, si Hippocrates ipse ignorauit: in libro enim, de Ossium Natura sic ille dixit. *Venæ à qua aliæ germinant, vnde oriatur, & ubi, desinat, non scio: circulo enim facto, principium non inuenitur.*

Ex Hepatis itaque gibbo, venam cauam enasci, & similiter ac magnam arteriam, in duos illam bipartiri truncos, Galeni non solum falsam, Vesalius hanc credit esse sententiam, sed dissectionis professori indignissimum esse veram illam existimare: falsitatem enim in Corporum dissectione, sensus visus ostendit.

Quod præterea, ex venæ cauæ truncis, ad superiora, vnus ascendat, ad inferiora dirigatur alter, & quorum superior inferiori multo magis, strictus est, & angustus, hæc Galeni doctrina est etiam falsa. Non enim, (visus in Anathome derelicto sensu), veritati est consonum, descendētis venæ cauæ truncum ascendenti latiore esse, & ampliorem, si truncus ascendens maiorem sanguinis copiam, quam descendens, continere debebat. Ex descendēti etenim trunco, soli renes, vrinaria vesica, testes, crura, & inferior abdominis pars, nutriuntur: nam aliæ, vt cap. 7. Vesalius docet, quæ sub Hepate collocantur partes, cuiusmodi sunt fellea vesica, Ventriculus, Intestina, Omentum, Mesenterium, & Lien, neque ramulum aliquem à vena caua desumunt, sed qui in illis disseminantur partibus, ex vena portæ trahunt originem: è contra autem, ex ascendenti trunco, reliquæ corporis, partes omnes superiores, alimentum recipiunt.

Hepar ergo, ex visus sensu edoctus Vesalius, in sui substantia cum sit sanguis concretus, venularumque in ipso cum infinita sit soboles, nec sanguinis, nec venarum principium esse existimat, sed ex venis potius, & sanguine, ipsum Hepar enasci, pro certo affirmat. ex tot enim, tantisque venis, quarum quælibet sanguinem cum euomat, quique effusus concresecat, ex illarum textura, sic Natura docente, exoritur Hepar.

Venam cauā præterea ex Cordis dextro sinu oriri asserit, quam, non sicut magnam arteriam, in duos truncos bifurcari docet, sed deorsum per Iecoris posteriora ferri, atque inconcaua eius parte innumeras venularum propagines, ex illa oriri; qua sensim versus medium Hepatis crescentes, in vnam magnam coeunt venam, quæ Porta dicitur: Sic etiam in gibba Hepatis parte, ex illa Venæ cauæ sede, innumeras pariter venularum propagines exoriri affirmat; quæ sensim à parte gibba ad medium Hepatis crescentes, vnam denique insignem efformant venam, quæ Caua appellatur, magna, & iecoraria: vtriusq; autem venæ rami, per Hepatis vangantes corpus, ex illis aliquorū oscula, sicut etiam & multis alijs in locis, adeò inter se communicant, vt vnam continuatam venam cauam effingere videantur.

Sed in istas, nostra ingenia difficultates immergere, locus hic non requirit: Aristotelis nunc sufficiat proposuisse sententiam: ex qua iam satis, clare colligi potest, in partium superiorum affectibus, in infernis partibus, mitti sanguinem oportere; Corporis quocumque in loco, putrescentium humorum, focus existat.

Ratio assignatu est facilis. Nam operationis vitiato principio, vitiantur operario, & opus: sed Cor sanguificationis, & sanguinis est principium: ergo corde vitiato, vitiantur sanguificatio, & sanguis: sed corde vitiato, (non dico tamen immodice, nam immoderatas, Cor non patitur intemperantias, quin, ex Aristotele, mors non sequatur) corrupta sanguinis massa, non per partes supernas, debet extrahi sanguis: ergo per partes infernas, ille est educendus.

Minor quæ infertur, sic probatur. Vena caua absque vlla ramificatione, ex dextro cordis sinu, ad Hepatis posteriora descendit, & ibi ex illius anteriori, & posteriori sede, venularum dimanant propagines, ex quibus, & caua & Porta vena oriuntur; & iterum postea, vena caua per septum transversum, ad Cor, vnde descenderat, eleuatur, per omnes partes superiores, suos ramos diffundens: ergo corde vitiato, vitiosus sanguis, non per supernas partes, extrahi debet.

Consequentia probatur. Nam cum vena Caua, à corde descendente, ad Hepar descendit, etiam vitiosus sanguis, ex eo quòd, & sanguinis, & venarum, est Cor principium: ergo si per brachij venas, esset sanguis mittendus, necesse esset, vt putridus sanguis qui à corde descenderat, iterum ad Cor ascenderet, vt per cubiti venas, euacuari posset: sed à principi membro, putridum descendentem sanguinem, iterum ad princeps membrum, illum redire, vel Naturæ impotentiam, vel Artificis ignorantiam arguit: ergo corde vitiato, vitiosus sanguis, non per partes supernas extrahi debet.

Minor illata probatur. Nam à principi membro ad ignobiles partes, vitiosos conatur semper Natura, expellere humores: ergo cum ad partes, vnde illos expulerat humores redeunt, impotentis Naturæ est argumentum.

Artificis, ex hoc præterea, ignorantia arguitur. Nam impotenti Naturæ, nescire Artificem succurrere, significatur.

Confirmatur denique hoc Argumentum, ex admirabili providentia Naturæ, in dispositione venarum. sanguinis etenim purgamenta non in superioribus, sed in inferioribus partibus, Natura constituit. In substantia nanque Hepatis venæ caue, & venę portæ ramos aliquos communicari adinuicem Natura disposuit; vt sanguinem, ex intemperato principio vitiosus qui genitus erat, ad venæ portæ transunderet ramos.

Quod si sanguis, in alijs venæ caue, vitietur partibus, ex interiori propagine venæ caue descendens, sinistri trunci, ad ani cutem multos ramos exortos, disseminauit Natura, vt sæculentus, & putridus, totius venæ caue sanguis, ad illos decumberet ramos, ac per illos expurgaretur, vt lib. 3. de humani corporis fabrica cap. 9. Vesalius existimauit.

Sed Philosophis philosophica derelinquamus principia, & Hippocratis, & Galeni sequentes dogmata. In malignis, nempe, ac pestilentialibus febribus, alijsque tum febribus, tum affectibus, quorum omnium, putredinis focus, vel intra venas, vel extra venas, vel cum Visceris inflammatione, aut sine Visceris inflammatione, in superioribus, aut inferioribus existat partibus, ex infernis venis mitti sanguinem oportere, in Hippocratis & Galeni doctrina, acerrimè hanc sustineo, & defendo sententiam.

Pro huius autem Conclusionis fundamento, est primò adnotandum in Galeni doctrina, controuersiam non esse, immò esse statutum, inferiorum partium in affectibus, venam poplitis esse secandam, aut venam aliam inferiorem: firmiter enim in 6. epid. sect. 1. com. 6. asserens dicit, *membram supra Iecur cubiti venæ sectionem postulare, infra verò crurum*. Et tanti ad eius mentem vera est hæc doctrina, vt in 6. aphor. 36. Hippocratis aphorismum illum commentans, „*Difficultatem vrinæ vena secta iuuat, secare verò interiores*; ex reiectis aphorismis, & Hippocrate indignis istum esse aphorismum, ibi existimet: cum in omnibus suis libris, Hippocrates doceat, in partibus, quæ supra Iecur sunt, è manibus sanguinem mitti, in inferioribus autem, venas, quæ in poplite, vel talo sunt, secari debere.

Notandum est secundum Hepar inter superiores corporis partes, an verò inferiores reponi debeat, dubiam esse Galeni mentem. Septum enim transuersum, ab inferioribus, superiores si diuidit partes,

partes, & Hepar sub septo transuerso, si est collocatum, inter partes inferiores, illud verè connumerari deberet. Verùm quia septo transuerso est adnexum Hepar, sic idcirco hac ratione, vt corporis medium dicatur Hepar, superiores partes, vt 6. epid. sect. 2. com. 14. faceret Galenus, secundùm partem conuexam terminans; inferiores verò, secundùm partem cauam: vnde est quòd Hepatis pars conuexa inter superiores partes, concava verò inter inferiores connumeratur. Attamen in principio commentì, quamuis hoc dicat Galenus, in fine tamen, iterùm dubitare videtur, asserens enim ibi quòd Hepatis conuexum, concavo longè periculosius est, subdit postea, *Et nonnulli, ipsum, inter superiores corporis totius partes, quemadmodum & os ventriculi reponunt.* at firmiter, inter superiores partes, Hepatis connumerari conuexum, si Galenus sentiret, non diceret, *nonnulli reponunt*, sed liberè, ex propria sententia, inter superiores partes, Hepatis conuexam partem adscriberet.

Sed gratis concessò inter corporis superiores partes, Hepatis conuexam partem adscribi, adhuc tamen ex his notandis colligitur, quòd si Hepatis pars conuexa, inter superiores connumeratur partes, vt sic quando illa afficitur, ex brachio, in Galeni sententia, sanguinis missionem exposcit: concava autem, si inter inferiores connumeratur partes, in poplite, cum illa patitur, sanguinis missione iuuatur.

His itaque sic notatis, ad rationes, quibus omnibus in Galeni doctrina fundatis, hanc defendo sententiam, meum nunc, conuerto sermonem.

Prima Ratio, ex sanguinis missionis desumitur, vsu; qui Hepatis est refrigeratio, & consequenter totius corporis habitus. Nam Hepati, per arterias, à corde communicatur calor: ergo illa Hepatis pars, est magis calida, in qua adsunt arteriæ: sed arteriæ non in gibba, sed tantummodo in caua sunt, Hepatis parte, cum in caua concoctio fiat: ergo concava Hepatis pars, est magis calida: ergo a causis calidis cum Hepar intemperatur, pars concava primò ignescit, & fortior in illa, intemperies contrahitur: in habentibus namque symbolum, transitus est facilior: & ab illa deinde intemperata: tum gibbæ Hepatis parti, tum toti corporis habitui, præter naturam comunicatur calor: Ergo si affecti visceris principaliori affectæ parti, est succurrendum, à qua deuenit omne malum, in febribus cum offenditur Hepar, à pede ob Hepatis refrigerium, & inde totius corporis, est sanguis mittendus, cum in concava eius parte arterijs implicata, caloris sit focus: in eodem etenim viscere, impossibile est, vt caloris focus, in illa sit parte, vbi minor est calor: sed Hepatis concava pars, inter inferiores cum numeretur partes, ex pede, sanguinis

inissione iuuatur: ergo ad Hepatis, & corporis refrigerium, in pede est sanguis mittendus.

Secunda Ratio, ex primo infertur euacuationis modo, qui Reuulsio dicitur. Nam Humorū intra venas putredo, illi putredini, quæ in inflammationibus adest, ex Galeno 1. de differ. febr. cap. 6. consimilis est: sed incipientes phlegmonas, ut in lib. de rat. cur. per sang. miss. cap. 19. Galenus idem affirmat, reuulsu curare oportet: ergo intra venas, humorū putredo, reuulsione pariter est curanda: ergo si putredinis focus in parte est superiori, non ex cubito, sed ex pede mittendus est sanguis.

Consequentia hæc patet. Nam Reuulsio ut 13. meth. cap. 11. docet Galenus, fit a parte quā longissimè fluxione tentata: sed à superioribus partibus, non brachia longissimè distant, sed crura, & pedes: ergo à cruribus, aut pedibus à superioribus partibus, reuulsionis gratia, est extrahendus sanguis.

Tertia Ratio ex alia accipitur reuulsionis conditione. Non solum enim, ad partes quā maximè longinquas, fieri debet reuulsio, sed etiam ad partes ignobiles, ne peius fortè succedat: sicut ex retractione fluxionis oculorum ad fauces in 6. epid. sect. 2. tex. 31. Hippocrates docet, & in commento hæc habet Galenus, *Quemadmodum igitur hoc loco consulit, ita & in alijs te animaduertere iubet, ne quod ex membris, ad quæ materiam retrahis, magni nocimenti discrimen adeat.* Qua stante doctrina subdimus nos. sed partes supernæ, infernis partibus sunt quā longè nobiliores: ergo in superioribus partibus, quando est putredinis focus, ad inferiores fieri debet reuulsio: ergo non ex brachijs, cum hæc, superiores sint partes, sed ex cruribus, aut pede, est educendus sanguis.

Quarta Ratio, ex ipso deducitur inflammationis principio. Nam inflammationis principium, sola reuulsione curatur, ex allegata Galeni doctrina: ergo in partibus superioribus cum inflammatio adest, non in brachio, sed in pede, vena debet secari.

Consequentia probatur. Nam in brachio secta vena a superioribus partibus, non solum reuellit, sed etiam euacuat: sed inflammationis principium solo reuulsionis modo curatur: ergo in superioribus partibus, cum inflammatio adest non in brachio, sed in pede vena debet secari: ergo similiter in superioribus partibus; cum putredinis adest focus, vena in cubito secari non debet: Si ex supradictis, iuxta Galen. doctrinam humorum intra venas, & in inflammatione, consimilis est putredo.

Maior patet primò ex Galeno in 2. de rat. vict. in morb. acut. com. 10. ubi sic ait „ *Cum igitur superiorum condolentia signum fecerit, venam in cubito secare eam oportet, quæ sanguinem ab affecta parte,*
& magis

& magis & velocius tum reuellere, tum vacuare possit. Patet etiam ratione. Nam perfecta reuulsio ex Galeni doctrina non solum ad longinquas fit partes, sed ad maximè longinquas: ergo in brachio secta vena, non solum reuellit, sed etiam euacuat.

Consequentia probatur. Nam brachia à superioribus partibus non maximè distant, immò cum sint partes superiores, putredinis foco in superioribus partibus sunt vicina: sed reuulsio fit in parte magis longinqua, euacuatio autem in eadem parte, vel saltem viciniore: ergo in brachio secta vena, non solum reuellit, licet imperfectè reuellat, sed etiam euacuat.

Quinta Ratio ex deriuatione colligitur, quæ secundus est euacuationis modus. Nam deriuatio vt 6. epid. sect. 2. com. 7. ex Hippocratis mente Galenus docet, fit quando succus euacuationis indigeus per conuenientem regionem non vacuatur, & tunc diuertitur ad locum non valde procul a conuenienti, neque ad remotissimum: sed nobilium superiorum partium euacuationis conuenientia loca, sunt partes inferiores ignobiles, a quibus brachia in superioribus eam collocentur, sunt valde procul, crura autem & venæ sedis, nec valde procul sunt, nec remotissimæ: ergo in superioribus partibus, cum succus per conuenientem regionem non vacuatur, non ad brachia, sed ad sedis venas, aut crura deriuare oportet.

Minor ex multis Galeni doctrinis clarissimè patet, in quibus omnibus, asserit ipse superiores nobiles partes, vitiosa humorum sarcina cum premuntur, per inferiores ignobiles se exonerare: at quoniam Galeni hæc loca in sequentibus afferam rationibus, te idcirco ad illa, conseras.

Sexta Ratio ex deriuationis conditione desumitur. Nam deriuatio, vt ex Galeni patet exemplis, fit ad locum, per quem putrescens humor, solet etiam euacuari a Natura: in 6. enim epid. sect. 2. com. 7. opinatur Galenus, quod Vesica, aut Renibus vitiatis, si per vias vrinæ, humores effluant, ad aluum fit deriuatio: & è contra, intestinis vitiatis ad vrinæ vias fit deriuatio: sic pariter in profluuiio vteri, vel ad vias vrinæ, vel ad ventrem deriuatio adhibetur: sed per venas in cubito, non Natura, sed Ars, putrescentes euacuat humores, è contra autem per sedis venas, aut etiam per crura, vt in Varicibus patet, Natura illos expellit: ergo in superioribus partibus putrescentes humores, cum non per rectam regionem euacuantur, non ad brachia, sed ad sedis venas, aut crurum, deriuare illos oportet.

Septima Ratio ex euacuatione accipitur, quæ euacuationis in genere est tertius modus, ipsiusmet generis retinens nomen. Nam venæ
in bra-

78 *Duellum inter Salernitanos,*

in brachio, ex venis in thorace à caua vena ascendente, exoriuntur : sed ex istis venis, in thorace nulla vena est, quæ humores prauos excipere valeat, è contra autem venæ inferiores: ergo non per venas in cubito existentes, sed per venas inferiores, euacuationis gratia, est educendus sanguis.

Minor in 3. de Articulis com. 4. his verbis à Galeno registrata videtur „ Nonnulla, inquit, Mala, quæ infrà thoracem exorta sunt, ad lumbos videlicet, à varicibus, & torminibus soluuntur. cum videlicet humores, quæ ipsa effluiebant, primùm in maximam venam, quæ spinæ adhaeret: deinde in ramos eius in cruribus descendit. Circà thoracem verò nulla huiusmodi vena est, quæ humores prauos excipere valeat. De his postea, sic inquit, rationem assignat „ Quippè cum, qui dura, & cruda gignunt humores, lenti, & crassi sint, ut non facile in angustas, & paruas venas transire valeant. At quæ ad lumbum est vena, cum latissima sit, omnibusque inferioribus sanguinem suppeditet, crassos hos, ac lentos humores vbi excipit, si valida in affectis membris, ad expellenda excrementa vis superest, in alias hinc pertinentes venas eos deponit, ex quibus si crassi admodum sunt statim quæ in inguine est, si mediocres, quæ in poplite dilatatur, ac varicatur.

Octaua Ratio ex principalioribus corporis affectis membris infertur, Hepate scilicet, corde, & cerebro, à quorum facultatibus ita regitur vita, ut illarum vna destructa, reliquarum, ex 9. meth. 10. necesse sit vnâquamque perire: & ab Hepate primò incipiens, sic argumtor. Nam excrementorum Hepatis vbi sunt receptacula, ibi illæ partes, euacuationis illorum, sunt conuenientia loca: sed infrà septum transuersum, excrementorum Hepatis, sunt receptacula: ergo infrà septum transuersum, per partes inferiores vitiata Hepatis excrementa debent euacuari.

Minor patet ad sensum. Nam Hepatis tria sunt excrementa, Bilis nempe, quæ in felle recipitur, Melancolia in liene, & Pituita in ventriculo, nisi ventriculum Pituitæ non statuas solummodò receptaculum, sed eius etiam cum Galeno in 1. de Natura hum. com. 39. generationis locum „ *Natura autem pituitæ*; sic ibi inquit, *ad mores parandos minimè est ex usu: apparet enim quoddam ex prima ciborum immutatione per necessitatem generetur*: Sed tam fel, quàm lien, quàm ventriculus collocantur infrà septum transuersum: ergo infrà septum transuersum excrementorum Hepatis sunt receptacula.

Nona Ratio ex corde affecto deducitur. Nam graues & proprii cordis affectus, vniuersalis temporis morbi, nò pertranseunt principium: ergo in cordis affectibus nullum aliud quàm reuellere erit remedium: ergo in cordis affectibus, non à cubiti vena, hæc enim à corde longinqua non est, sed à poplite, aliisque infernis venis, est vena secunda, cum ad partes quammaximè longinquas, reuulsio fiat.

Antecedens in 5. de loc. affect. cap. 2. his verbis à Galeno est registratum „ *Ceterum proprio quoque affectu Cor laborare solet, vel ob simplicem intemperiem, siue inæqualis, siue æqualis ea fuerit, vel inflammationem, vel erysipelas, idque dum fieri incipit: illicò enim antea quàm augeatur huiusmodi affectus, Animal corrumpitur.*

Decima Ratio ex Hepate colligitur ratione debilis lienis. Nam Hepatis fæculenta, ac vitiosa materia per hæmorrhoides euacuatur: ergo debili existente liene, fæculentam materiam, qui trahere non possit, non per supernas venas, nisi per illas vias bene Naturam euacuare velis, sed per venas hæmorrhoidales, aut alias infernas, est educendus sanguis.

Antecedens in 6. aph. com. 12. ex Galeno habetur, vbi Hæmorrhoidas postquam docuit, quòd fieri impossibile est, absque hoc quòd ad illas, per quarundam venarum ora aperta, melancolicum, & fæculentum sanguinem Hepar transfundat: hinc viæ si occluduntur, ab illius fæcis multitudine, caloris eius suffocatio accidit, vt à multis lignis superingestis suffocatur, & extinguitur ignis: sic tandem ibi concludit „ *Non frustra igitur consulit vnam saltem seruare hæmorrhoidem; vt per hanc euacuetur fæculenta, ac vitiosa materia Hepatis, præsertim in quibus solita est tempore longo per tales venas externi.* Ergo Hepatis fæculenta, ac vitiosa materia, per hæmorrhoides euacuatur.

Vndecima Ratio à Cerebro affecto desumitur. Nam Medicus est Naturæ imitator; morborum enim Naturæ sunt medicatrices: ergo per quam partem, putrescentes in Cerebro, Natura euacuat humores, per eandem partem debet Medicus euacuare: sed per infernas partes, putrescentes in Cerebro Natura euacuat humores: ergo per easdem infernas partes, illos Medicus debet euacuare.

Minor quæ inferitur patet. Nam in 6. aph. 11. Hippocratis aphorismum illum commentans Galenus „ *Melancolicis, & renum vitio laborantibus, hæmorrhoides superuenientes bonum, sic in commento inquit, Non solum ratione euacuationis hæmorrhoides sanant huiusmodi passiones, sed & ipsa qualitate humoris euacuari:* Ergo non reuulsionis, aut deriuationis modo, in Cerebro putrescentes humores ad infernas à Natura euacuantur partes, sed ratione euacuationis.

Confirmatur præterea ex eiusdem Galeni doctrina: in 6. nanque Aph. 34. quando dicit Hippocrates, *Quicumque calui sunt, ijs magna varices non fiunt, quibus verò caluis varices magna superueniunt, si rursus capillati fiunt.* In commento asserit ipse, quòd caluities est insanabilis, vnde aphorismus hic non est verus, nisi de capillorum, a vitiosis genito humoribus, intelligatur defluuiò; atque idèò, ibi inquit, cum ydem humores ad crura decumbunt, possunt varices facere, & capillos restituerè.

fluere. ergo per infernas partes, putrescentes in cerebro Natura euacuat humores.

Duodecima Ratio ab humoris ad cerebrum vergentia, accipitur. Nam ex Galeno 13. meth. cap. 21. de lethargi, & phrenitidis principio loquente sic habetur, „ *Itaque incidenda in talibus affectibus vena est statim ab initio* : & paulò post Oxirodinum iubens, sic ait, *Nam repellendus à capite humor est quisquis is fuerit* : Sed in principio fluxionis reuulsio conuenit, quæ est ad remotissimas partes: ergo in humoris ad cerebrum vergentia, non in cubito, sed in pede, est educendus sanguis.

Confirmatur hæc ratio, illius Doctoris autoritate, qui Galeno Librum ascripsit, cuius titulus est, *Præfagium experientia confirmatum*, ubi Doctor ille, sic dicit, „ *Sin affectio sit, quam propriè phrenitim appellamus, poplitem secare*. In quibus verbis aduertas, quòd poplitis sectionem, non phrenitidis in principio statuit, sed simpliciter, in phrenitide, fuit loquutus. hinc colligas velim, tum ex hoc, tum etiam ex supradicta ratione, non solum reuulsionis gratia, sed euacuationis in affectibus cerebri, sanguinem extrahi, in infernis partibus, conuenire.

Decimatertia Ratio ex instrumentalibus, aut corporis minus principalibus desumitur partibus, & primò ex gutturis, fauciumque musculis, ad quos humores cum confluunt, inflammationem causant, quæ Angina vocatur, Nam in Anginæ curatione, totum corpus non phlethoricum esse, sed humoribus fieri debet auarum: sed in infernis venis, non supernis ex sanguinis missione, humoribus redditur, totum corpus auarum: ergo in Anginæ curatione, ex infernis venis, non ex supernis, est educendus sanguis.

Confirmatur. Nam Angina, faucium, & gutturis musculorum est inflammatio: ergo reuulsionis gratia, de necessitate in eius principio, est mittendus sanguis in pede.

Sed non tantum in Angina, reuulsionis gratia, sanguis missionem in pede, me concedere credas, sed etiam deriuationis, & euacuationis ratione. Probatur hæc assertio. Nam fluxio, ad faucium vel gutturis musculos, aut fluens sit, vel fluxa, ad stomachi venas diuertere potest, & per illas euacuari, ob istarum partium comunicantiam, & viciniam: ergo stomachi, & faucium, tali stante comunicantia, & vicinia, per infernas partes stomachi inanitis venis, à gutturis, & faucium musculis, reucllitur, & euacuatur iam fluxus humor.

Antecedens ex Galeno patet in 4. de rat. viâ. in morb. acut. com. 31. ubi sic ait, „ *Cæterum ita affectus sit interdum, ut ex fluxionis partem recipiant faucibus vicini, atque à tergo siti, ordinatique musculi, ubi & stomachus, qui sæpius & ipse una afficitur.*

Consequentia probatur. Nam in stomacho non aliæ venæ sunt; quàm venæ portæ rami, qui per infernas partes, ex missione sanguinis, euacuantur; cùm infernis tantummodo comunicent venis: ergo per inferiorum venarum sectionem, stomachi inanitis venis, ab affectis musculis ob comunicantiam, & viciniam, reuellit, diuertitur, & euacuatur, iam fluxus humor.

Confirmatur secundò. Nam in cubito, vel in iugulo secta vena, euacuat quidem a parte, sed à vicinis fieri non potest, vt etiam vel ad inflammatam partem, si est in iugulo, vel ad vicinam, si est in cubito, non reuallat: ergo iuuamentum, vel paulò plus detrimento erit, vel detrimento erit multò maius: ergo potius ex infernis venis, est extrahendus sanguis.

Autecedens ex Galeno patet in 2. de rat. vict. in morb. acut. com. 10. vbi venam in cubito sectam reuellere, & euacuare docet, vt suprâ nos, iam diximus.

Consequentia vltima probatur. Nam in pede sanguinis missio, inflammatas partes, ex suprâdictis euacuat, tùm etiam à toto, vel à partibus ad inflammationis locum transmissos, & fluentes humores, ad remotas, & ignobiles retrahit: ergo tùm reuulsionis, tàm euacuationis gratia, in venis infernis ex missione sanguinis nulum potest detrimento causari, sed solummodo iuuamentum: ergo in Angina ex infernis potius venis, quàm ex superuis est semper, tùm reuulsionis, tum euacuationis gratia, educendus sanguis.

Confirmatur 3. Nam Angina terribilis, vt 4. aph. 31. Hippocrates docet, à nitrosa fluxione dependet: ergo non ex supernis sed ex infernis venis in Angina terribili & maligna, est extrahendus sanguis.

Consequentia probatur. Nam in infernis venis, non in supernis, sæculentus est sanguis: ergo in infernis venis sanguis adest nitrosus: ergo in Angina terribili, & maligna, non ex supernis, sed infernis venis, est extrahendus sanguis.

Prima consequentia patet. Nam Nitrum de fœcibus nascitur: sed in infernis venis, sanguis est sæculentus: ergo in infernis venis, sanguis adest nitrosus.

Secunda consequentia est etiam clara. Nam causa remota remouetur affectus: sed ex superuis venis, nitrosus non extrahitur sanguis, qui est causa Anginæ, sed tantùm ex infernis: ergo in Angina terribili, ac maligna, non ex supernis, sed ex infernis venis est euacuandus sanguis.

XIV. Ratio ex alijs circa præcordia inflāmatas, insertur, partibus, vt pulmone, pleura, & cæteris, non solum quidē reuulsionis gratia, vt sic enim in Pulmonis, & Pleuritidis principio, ex pede ob antedictas

rationes sanguinem extrahi, conuenire, certum esse existimo: inflammatio enim est vterque affectus, & inflammationis in principio, reuulsio nis gratia, quam longissime ab inflammata parte, debet sanguis educi, cuiusmodi non sunt brachia, sed pedes: at euacuationis etiam ratione, in affectibus istis, ex infernis debere, mitti sanguinem venis, egq; pariter assero. &

Arguitur sic. Circa præcordia inflammatas partes, per abscessus ad crura, humores fluxos euacuans, Natura sanat: ergo in illarum partium inflammatione, medicus Naturæ æmulus, & imitator, ab infernis venis, euacuationis gratia, debet mittere sanguinem.

Consequentia patet. Nam medicus ex antedictis, æmulus est, & imitator Naturæ: ergo ab istis partibus inflammatis, si Naturæ opera ad crura decumbunt humores, pari etiam modo, non per supernas, sed per infernas venas euacuari debent ab Arte.

Antecedens ex Hippocrate probatur in libro de Coacis prænotionibus, vbi, de Pulmonia loquens sic ait, *Quibuscumque autem ex Peripneumonia abscessus circa aurem, aut ad infernas partes fiunt, & suppurantur, & fistulantur, hi superflui euadunt.* Sed abscessum circa aurem, in quacumque periculosa conuenire peripneumonia, ne fortè quis crederet, generatim de omni, circa præcordia, inflammatione scribens, ita subdit, *fiunt autem ad infernas quidem partes, his, quibus circa præcordia inflammatio fit: ad supernas vero, quibus præcordium molle, & doloris exor fuerit: & concludit tandem, At abscessus ad crura in periculosis inflammationibus pulmonis, omnes quidem commodi sunt:* ergo circa præcordia, inflammatas partes, per abscessum ad crura, humores fluxos euacuans, Natura sanat.

Dices, falso à me, pleuritidis, & pulmonis in principio, reuulsio nis gratia, in pede sanguinis missionem conuenire, vt certum existimari. Nam inflammatio, ex Galeno 4. aph. com. 62. fit de repente: ergo sanguinis missioni, reuulsio nis gratia, non conceditur locus.

Quæ doctrina à celeberrimis quibusdam Doctõribus adeo creditur firma, vt a partu, angina, & pleuritide correptis mulieribus, puerperijs bene ad huc fluentibus; saphena vix semel incisa ex brachio sanguis mittatur, affixis vna simul cruribus, cucurbitulis; & tybijs, ligaturis.

Respondetur, consequentiam negando & negationis ratio est, quia non ita de repente fit inflammatio, vt in tempore imperceptibili totum sit inflammationis principium, sed in prima principij parte, repentinam fieri posse inflammationem, concedimus, non autem

autem in toto inflammationis principio. Adde, quòd Galenus loco allegato, de repente inflammationem fieri, non simpliciter asserit, sed illam fieri posse dicit: Sic etenim ibi ait „ *Inflammatio v. r. d. & obstructio etiam repente fieri possunt.* Vel gratis concessio quòd repente ad inflammatam partem, totus confluat humor: quia tamen in inflammatione calor est, & dolor, qui causæ sunt tractionis humorum; ob has saltem causas, reuulsionis gratia, inflammationis in principio, ex pede mitti sanguinem conuenire, ego assero: de reuulsione enim destrueretur aliter, Galeni doctrina.

Ex qua Responsione, non solum inflammationis in principio, sed in alijs etiam temporibus, quotiescumque euacuationis ratione debet extrahi. sanguis, euacuationem colligimus, reuulsioni, debere esse coniunctam.

Ratio est. Nam quotiescumque ad inflammatam partem humorum adest attractio, illorum ad alias partes, fieri debet retractio: sed in quocumque inflammationis tempore, siue fluat, siue fluxus sit humor, declinatione excepta, in qua pure iam facto, terminata sunt omnia, dolor adest & calor, qui humorum tractionis sunt causæ: ergo in quocumque inflammationis tempore reuulsio conuenit, & euacuatio: euacuatio quidem ratione fluxu humoris, reuulsio autem ratione fluentis.

Minoris prima pars ex Hippocrate in 2. aph. 47. docetur, cum inquit „ *Dum pus conficitur dolores, & febres accidunt magis quam iam confecto.* & asserit in commento Galenus, quòd dolores, & febres, contingunt, vt ibi ait, ex quadam veluti ebullitione, atque exustione sanguinis: qui vbi ex toto exustus fuerit, residuū eius sit pus, quænam admodum in lignorum exustione cinis: atque ideo tempore illo, dolores sedantur, ac febres. Secunda pars minoris, quòd nempe humorum tractionis causæ sint, dolor, & calor, ex ijs, quæ suprâ diximus, iam nunc probatione non indiget.

Ad Doctorum auctoritatem, Respondeo, quòd parcant mihi in hoc celeberrimi isti Doctores: cum illis etenim assentiri ego non possum, dummodò ipsimet casus, quos ipsi referunt, ad interitum, vt legenti patet, terminati fuerint: & nullam mulierem sic affectam, & sic curatam, orei fauces effugere quotidiana docet experia: immò ex brachijs post missum sanguinem, suffocatas puerperas de repente mori, obseruauimus, & indoctos quosdam Medicos, hac de re, sæpè sapius nos redarguimus.

Adde, quod hoc mihi, suadet ratio. Nam plus possunt duo agentia, quàm vnum: sed in puerpera pleuritica aut anginosa, dum ex brachio illi sanguis mittitur, ad retrahendum puerperia sursum, sunt duo agentia, sanguis videlicet missio, & partis inflammate cal-

lor, & dolor; qui ex eorum natura apti sunt attrahere: ad illa verò retrahendum deorsum, sunt cucurbitulæ non scarificatæ in cruribus, & ligaturæ in tybijs, quæ cum conueniant, foras in non euacuando materiam, vnum efformant agens: immò sanguinis missio est istis efficacius agens: ergo dum in brachio, puerperis sic affectis, vena secatur, de necessitate puerperia fursum trahuntur: sed puerperia fursum trahere, mortem est languenti afferre, cum sanguis ille putridus sit, & venenosus: ergo in puerperis sic affectis, nunquam in brachio secanda est vena, sed semper in infernis venis. Nec solum in puerperis, ex cubito sanguinis missionem, cum pleuriticæ sunt, aut anginosæ, non conuenire contendo, sed in illis etiam, quibus aut hæmorrhoides, aut menstruæ purgationes, vel diminutæ; vel suppressæ fuerunt. in idem etenim incidere-mus malum, cum prauæ qualitatis, istarum venarum sit vterque sanguis.

Decimaquinta Ratio ex inferioribus deducitur affectis partibus, vt Vesica fellea, Ventriculo, Intestinis, Omento, Mesenterio, & Liene. Nam inter cubiti, & istarum partium venas, nulla adest comunicantia: nam cubiti venæ, axillaris venæ sunt rami, quæ ascendentes causæ est propago; istarum autem partium, rami sunt venæ portæ: sed venam incidere, quæ cum parte affecta non comunicat, partem sanam est offendere, & ægram non est iuuare: ergo infernis istis partibus affectis, in cubito si vena secetur, superiores offenduntur partes, & inferiores non iuuabuntur: ergo si venæ portæ rami, cum ramis descendentes venæ causæ comunicant, infernis idcirco affectis partibus, inferiores sunt secandæ venæ.

Maior his verbis in 3. de Humani corporis fabrica cap. 7. ex Vesalio patet, „ *Primum enim nequæ bilis Vesicula, nequæ Ventriculus, nequæ Intestina, nequæ Omentum, nequæ Mesenterium, nequæ Lien ramulum aliquem à Cava assumunt, hæcque sub Iecore collocantur.* Quòd præterea, venæ in cubito, axillaris venæ sint rami, in eodem capite, asserit.

Minor ex Galeno in lib. de rig. trem. & palpit. cap. 5. docetur: vbi de muliere historiam refert, cui tremor aduenit, cum non esset purgata à partu: & à sanguine oberrante per corpus, & Naturam grauante, quia tremor ille contingebat, sanguinem in talo misit, ex eo quòd, si Vterus affligebatur, inter Vteri, & tali, aut poplitis venas, maxima adest comunicantia, & subdit deinde „ *Alia enim alij corporis parti venam comunicat, oportetque vacationes semper ex communibus moliri: nam si venas, quæ nihil parti affecta comunicant, incideris, nequæ affecta medeberis, & sanam semper offendes.*

Eodem pariter argumento in Renum, vrinariæ Vesicæ, Testium, Crurum,

Crurum, & Abdominis inferioris partis affectibus, in infernis venis sanguinis missionem cōcludere oportet, cū istarum partium venæ, descendētis venæ caux sint rami, vt his verbis loco allegato Vesalius testatur „ *Verū soli renes, altera vesica, testes, & crura, & inferior abdominis pars, ab ea, quæ descendit caux parte, sanguinem adipiscuntur.* ergo cū descendētis venæ caux rami, in infernis disseminentur partibus, istis idcirco affectis visceribus, infernas necesse est incidere venas.

Confirmatur præterea hæc ratio experimēto Naturæ; quæ in euacuationibus reſtitutionem seruat: & aliam non quidem ob causam, nisi quia in eodem latere, venarum comunicantia est maior.

Dices: Liene turgente, sanguis è sinistra nare si erumpit, lienis turgentia sanatur: euident enim vtilitas celeriter ostenditur, vt lib. de rat. cur. per sang. miss. cap. 15. Galenus docet: ergo inter venas superiores, & inferiores, mutua est comunicantia: ergo inferioribus affectis partibus, superiores venæ possunt etiam secari.

Respondetur quod in corpore comunicantia est duplex: alia enim est vniuersalis, & mediata: & sic adinuicem superne & inferne, dextre & sinistræ, anteriores & posteriores, inter se comunicant partes. alia verò comunicantia est particularis, & immediata: & sic inferiores, cū inferioribus tantū comunicant partibus, superiores cū superioribus. Lien ergo vniuersali comunicantia cū superioribus comunicat venis, non verò particulari: nam lien cū sit infra septum transversum, inter inferiores idcirco connumeratur partes.

Qua stante distinctione, ex eodem allegato Galeni textu, pro argumenti solutione infero ego, inter superiores, & inferiores partes, nullam esse comunicantiam: & ratio est, nam liene turgente è dextra nare erumpens sanguis, vniuersali comunicantia, nullam affert vtilitatem: ergo ita à pari inferiores partes vniuersali comunicantia, non iuuantur à superioribus.

Quod si liene turgente, sanguis è sinistra nare erumpens turgentiam soluat.

Respondemus, hoc per accidens esse, ratione scilicet ebullientis sanguinis, qui caloris causa sursū elatus, ob spirituum copiam, vt infra dicam, narium venas dirumpit, sicut multo effervescente, rumpuntur dolia, & vtres: hinc sanguini, cū melancolicus humor reperiatur admixtus, euacuato idcirco sanguine, euacuatur etiam & ille: & sic per accidens turgentia sanatur.

Hæc præterea, per nares euacuatio, respectu melancolici humoris quod non sit naturalis, hoc est facta per conferentia loca. Patet ex hoc clarissimè: nam melancolicum humorē, per sedis venas natura euacuat: hinc Medicus, qui est Naturæ imitator, in talibus morbis, narium

narium venas non secat, sed venas sedis: quasi quòd per has venas, melancolici humoris euacuatio sit naturalis, & per has venas, Naturæ solùm recta sint opera.

Decima septima Ratio ex iisdem infertur vitiosis humoribus, & primò a sanguinis vitio in multitudine. Nam Vena Portæ ad superiores non ascendit partes, vt Doctores omnes vnanimiter docent: ergo in cubito cùm vena secatur, non ex toto corpore plenitudo exhauritur: ergo ad sanguinis plenitudinem exhauriendam, in pede, & non in cubito, debet vena secari.

Consequentia vltima patet. Nam vena caua ascendens, cùm vena portæ, nullam habet comunicantiam: ex eo quòd vt diximus, ad superiores non permeat partes, sed comunicat cùm illa, tantummodo vena caua descendens; cuius rami secantur in pede: ergo ad sanguinis plenitudinem exhauriendam, in pede, & non in cubito, debet vena secari.

Dices. in pede ex missione sanguinis, corporis plenitudo exhauritur, quia descendens venæ caux secantur rami, qui & cùm caua ascendente, & cùm vena portæ comunicant: ergo pari modo in cubito secta vena, corporis plenitudinem exhauriet, ex eo quòd vena caua ascendens, cùm descendente comunicat, & hac mediante, etiam cùm vena portæ, comunicantiam habet.

Respondetur disparitatem esse: nam ex Galeni in 6. de Decretis Hipp. & Platon. cap. 3. superius allegata doctrina, descendens venæ caux truncus latissimus est, ascendens verò non ita latus, immò cordi, qui inferuntur rami, angusti sunt, & hoc, aliam non ob causam, nisi quia crassum sanguinem, vena caua descendens, continere debebat, ascendens verò subtilem: at sanguis venæ portæ descendens venæ caux sanguine, est crassior: ergo si descendens venæ caux sanguis, quia crassus est, ad cauam ascendentem non potest ascendere, quantò magis non ascendere poterit, venæ portæ, qui est crassior sanguis.

Decima octaua Ratio ex eodem sanguine putrefacto deducitur. Nam sanguis, non segregatis ab eo eius substantijs tenui nempè, & crassa quando est putrefactus, magis crassus, & lentus euadit: sed crassos humores, per inferiores venas Natura euacuat, quia superiores, ex dictis, non possunt illos excipere: ergo putrefactus sanguis, non per supernas, sed per infernas est educendus venas.

Confirmantur istæ duæ rationes ex doctrina Oribasij qui collectorum medicinalium lib. 7. cap. 20. tùm putridi tùm copiosi sanguinis ratione, peste affectos in Asia Cruris, vt latius infra dicam, scarificatione curauit.

Decimanona Ratio ex vitiosa bile accipitur. Nam bilis præter naturam,

naturam, in concava Hepatis generatur parte, & genita vel in felle aggregatur, vel si viæ sunt obstructæ, cum sanguine permeat: ergo nõ per supernas, sed per infernas partes vna simul cum sanguine, putrida bilis debet euacuari.

Antecedens est clarum. nam in vno eodemque viscere, vt 3. collig. cap. 3. Auerroes asserit, naturales, & præter naturam gignuntur humores, quando nempe visceris complexio corrumpitur; intenditur nanque illa, & remittitur: sed bilis naturalis in concava Hepatis parte generatur: ergo bilis præter naturam generatur ibidem. Non nego tamen ego, extra Hepar, in corporis qualibet parte non solum bilem, sed humores alios præter naturam posse etiam gigni: nam præter naturam sunt humores vstione, vel putredine, vel mixtione: at extra Hepar, in qualibet alia parte possunt vri, putrescere, & misceri: ergo in qualibet alia parte, præter naturam gigni possunt humores.

Prima Consequentia probatur. Nam causa remota remouetur affectus: sed bilis præter naturam, Hepatis concava pars intemperata est causa: ergo ne bilem generet Hepar, vel genitam, ad inferiores vt transmittat partes, Hepatis remouendo intemperiem, illius concava pars debet curari: sed non in brachio, vt diximus, sed sanguinis inuisione in pede; Hepatis concava pars affecta, curatur: ergo tum ad Hepatis intemperiem bilis feracem, attemperandam, tum ad infernas partes, humorem illum vt Natura discat transmittere, ex pede, sanguis est extrahendus.

Duodecima Ratio ex bilis furore colligitur. Nam bilis furens suo impetu in superioribus corporis partibus, partes principes ne offendant, periculum minatur: ergo non ex cubito, sed inferiorum partium per ignobiles venas, venæsectione si debet bilis euacuari, euacuari debet.

Consequentia patet. Nam ad nobiles partes vbi confluunt humores, vel ne confluât est periculum, ad ignobiles, & quàm longè à nobilibus, statim retrahi debent: at huiusmodi partes non brachia sunt, vt sæpè diximus, sed crura, & pedes: ergo in bilis furore ex infernis partibus, est educendus sanguis.

Dices primò. Bilis cum est furens, medicamento expellitur, vt 4. aph. 10. Hippocrates dixit, *Medicari in valde acutis, si materia turgent, eadem die: ergo non per venæsectionem euacuatur, nec in brachio, nec in pede.*

Respondetur me non controuertere, an in bilis turgentia venæsectio, vel medicamentum conueniat: in turgentia enim medicame-
ntum conuenire ego concedo; attamen quia in illa, potest etiam mit-
ti sanguis tanquam remedium magis tutum, licet minus proficuum,
vt ego opinor: comparando idcirco venæsectionem brachij & pedis,
illam

illam in pede conuenire assero, ab eodem Hippocrate ducens exemplum, qui bilem illam furentem non per supernas, sed per infernas partes cuiusmodi sunt intestina, euacuat, à nobilibus pariter ad ignobiles, illam retrahens partes.

Dices secundo. Bilis in febre ardente per sanguinis profluium è naribus euacuatur: ergo etiam per superiores partes, cubiti nempe venam, cum illa est furens, euacuari potest.

Respondetur consequentiam non valere: & ratio falsitatis est, quia nares non sunt per se conuenientia loca euacuationis bilis, sed per accidens, quatenus nempe illa reperitur cum sanguine qui in febre ardente, adurit, & sursum calore incitatur, à cuius deinde sanguinis spirituum copia, non possunt, vt 1. epid. sect. 1. com. 9. non inflari, & non rumpi narium venæ, quemadmodum in multo efferuescente vtres, & dolia rumpuntur: bilis ergo cum sanguini reperiatur admixta, ad sanguinis efferuescentis effluxum, per accidens euacuatur & illa.

Confirmatur hæc responsio. Nā delirium, ad febres cum sequatur ardentes, & ad delirium sequatur mors: vt in febre ardente in illa constitutione ab Hippocrate in 1. epidemiorum descripta, cuius proprium erat delirare & mori; malè ergo consuluisset Natura, in febre ardente bilis euacuationi, propè cerebrum destinare locum, nisi per accidens, & ratione seruētis sanguinis, hæc bilis euacuatio fieret: hinc 3. de Cris. c. 3. præter sanguinis profluium è naribus, ardentem febrem sanari etiam docet, post vehementem rigorem, si per totum corpus sudor calidus, & copiosus emanet, vel per vomitum, vel per aluum biliosa excernentem.

Vigesima prima Ratio ex pituita in Ventriculo putrescente desumitur, siue eius receptaculum, siue generationis locum, ventriculum esse, cum Galeno tu credas. Nā in ventriculo, alterius venæ non adsunt rami, quàm venæ portæ: ergo in ventriculo, cum pituita putrescit, non per supernas, sed non nisi per infernas venas, euacuari potest.

Antecedens in libro de venarum, arteriarumque diffinitione cap. 1. à Galeno sic registratur, „ principio igitur septem venarum te commone-re volo, quæ ad ventrem pertinentes, uno ex principio prodeunt, caua nimirum Iecoris parte, quam Portas vocant. Et lib. 3. de humani corp. fabr. c. 7. hoc idem confirmat Vesalius, nullum ramum à vena caua assumere, ventriculum asserens: ergo in ventriculo, alterius venæ quàm portæ, non adsunt rami.

Consequentia primi argumenti, est etiam clara. Nam ad cauam ascendentem, nullum transfundit vena porta ramum: ergo non per cubiti venas, quæ ascendētis cauæ sunt rami, in ventriculo putrescens pitui-

pituita euacuari debet, sed per venas infernas, quæ vt supra diximus, cum portæ ramis communicant.

Confirmatur principale Argumentum, ex Galeni sententia in 6. epid. sect. 2. com. 4. his claris registrata verbis „ *Et ventriculum tenaci pituita repletum, exasperantibus medicamentis, nonnunquam detergemus. eiusdem generis sunt, & pelli per sanguifluas venas purgationes proritantes: at sanguiflua venæ, vt ibidem com. 2. ipse docet, venæ sunt hemorrhoidales, ait enim „ redundantes humores sensibilibus euacuare conuenit, aut vomitionibus, aut clysteribus, aut per ani sanguifluas vocatas venas, aut vterum &c.* ergo in ventriculo pituita putrescens, in Galeni sententia, per venas hæmorrhoidales, euacuatur.

Vigesima secunda Ratio ex Attri bilis inclinatione infertur. Nam cuiuscunque corporis fæces, ad inferiora, inclinant loca; vt in Vino patet, cuius fæx residet in fundo: sed atra bilis est fæculentus humor: ergo ad inferiora inclinat loca: ergo sanguinis missio- ne, cum illa est euacuanda, non per supernas, sed per infernas, est educenda venas.

Vigesima tertia Ratio, ex Naturæ inclinatione deducitur: non enim ex sola humoris inclinatione, conferens euacuationis colligitur locus, sed etiam ex inclinatione Naturæ „ *Oportet nanque vt 1. aph. com. 21. dicit Galenus, Medicum Naturæ inclinationem animaduertere; & siquidem idonea fuerit, subministrare, & adiuuare: sin autem contrarie simul ac noxie fiat, prohibere, transferre, atque diue. cere oportet.* & ex Hippocratis verbis, in illo textu formatur sic Argumentum. Quæ ducere oportet (scilicet quæ neque iudicantur, neque integrè sunt iudicata, vt explicat in commento Galenus) quò maxime Natura vergit per loca consentia, eò ducere conuenit: sed morbos, quos atra bilis causat, per infernas venas, non per supernas perfectè Natura iudicat: ergo cum illi non iudicantur, vel non integrè sunt iudicati, per infernas venas, non per supernas atram bilem euacuando, debet Medicus adiuuare Naturam.

Minor ex Hippocrate in 6. aph. textu 21. his verbis docetur, *In insanientibus si varices, vel hæmorrhoides superuenerint, insania solutio.* Et in 4. aph. com. 25. dicit Galenus „ *Re vera enim iam facta melancholici maximum est remedium sanguinis ex his venis (quas hæmorrhoidas vocant) profluuium: quam etiam, si futura sit, prohibet.* & 6. aph. 11. ex Hippocrate habetur „ *Melancholicis & renum vitio laborantibus, hæmorrhoides superuenerint, bonum.*

Confirmatur tandè ex prouidètia. Naturæ, quæ vt diximus, in infernis partibus cõueniètia tali humori destinauit loca. Circa anum etenim, non solum venæ portæ sunt rami, hæmorrhoides seu sanguinalis

dictæ venæ, sed etiã ex interiori propagine sinistri trunci descendens venæ caue, rami disseminantur, vt 3. de humani corporis fabrica c. 9. Vesalius docet, ad quos, sæculentiam in vena caua existentem, Natura deponit, quemadmodum ad venæ portæ ramos, similiter Natura eadem operatur.

Sed Quæres. Si vena portæ, cùm vena caua ascendente non communicat, vnde ergo inter cerebrum, in quo venæ caue ascendentes disseminati sunt rami, & has venas hæmorrhoidales, quæ à vena portæ oriuntur, tanta est comunicantia, vt cerebri affectiones, hæmorrhoides sanent.

Responderi potest primò quod duplex ex Galeno in 7. aph. 30. comunicantia colligitur: Hippocratis nanquè aphorismum illum continentans, *Quibus in alui profluuijs excrementa spumosa sunt, ijs ex capite pituita defluit.* duplicem pituitæ illi, assignant viam: postquam etenim per asperas pulmonis arterias ad cordis ventriculos pituita peruenerit, tunc, *duorum alterum euacuet, ibi inquit, aut primum per cauam venam ad gibba Hepatis, deinde illinc ad caua, & ita per portas ad intestinorum inuolucra, aut primum quidem ad magnam arteriam, deinde sic ad illam, quæ est in mesenterio.* Est ergo inter hæmorrhoides, & cerebrum comunicantia duplex: prima est per venas, nam quando humor ad portæ venam deuenerit, non ita ad intestinorum inuolucra, quam ad hæmorrhoides venas deponi potest. Secunda comunicantia est per arterias: ex eodem nanquè arteriæ magnæ trunco, vt 3. de humani corporis fabrica cap. 13. Vesalius docet, lienis & mesenterij arteriæ oriuntur: & sic ab arteria magna ad truncum, quando emittitur humor, à trunco postea ad lienem, & ad mesenterium, humori, æqualiter via paratur; & à liene tandem ad hæmorrhoides.

Verum quia, dubius in hac responsione videtur Galenus: ex eo quòd si per tot venas, & sanguini commixta pituita pertransit, quomodo ergo spumosa adhuc, illa remanet? Præterea quamuis ad Lienem, ex arteriæ magnæ trunco, arteriæ pertingant, nulla tamèn necessitas est, quòd ab arterijs hæmorrhoides trahant, & non à venis.

Adde etiam, quòd non quia per aliquam partem Natura euacuat humores, benè idcirco inter illam partem per quam euacuatur, & illam, ex qua expelluntur, naturalis comunicantia colligitur, seu per illam partem euacuandi, Naturæ inclinatio. Nam vt 7. aph. com. 54. dicit Galenus, *viam semper materiebus inuenire Naturam, Hippocrates opinatur, quando valida fuerit: etiam si quamaximè sint crasse, & per angusta foramina debeant permeare, quando & in ossibus fiant, inquit, abscessus.* Non ergo per has vias oppressum, quia te exonerat cerebrum,

per has vias idcirco, inter cerebrum, & hæmorrhoides communicantia adest, & per illas euacuandi, Naturæ est inclinatio: nam hæmorrhoides sæptæ, cito, & sensibilibiter à capite trahunt & per has, quod trahant vias, fieri non potest: ergo inter cerebrum, & hæmorrhoides, per has vias, naturalis non est communicantia.

Antecedens quoad primam partem est clarum: per has etenim venas extracto sanguinem, statim caput exonerari quotidiana docet experientia. Quoad verò secundam partem, per has scilicet, quod trahant vias, fieri non posse, est pariter manifestum: nam à capite, venam, ad trahendum humorem per arteriam, sibi viam parare, & non per alias sibi continuas, aut vicinas venas, Naturæ non potest esse consilium. Sic præterea per caudicem venæ cauæ, a capite si hæmorrhoides trahant humores, assignari non poterit ratio, cur magis à capite, & non ab alijs superioribus partibus trahant, si indifferenter ad omnes suos ramos, ascendens vena caua se habet. Aliæ ergo, hæmorrhoidum ad cerebrum, excogitandæ sunt viæ, unde

Respondetur secundò, notando primum, quod inter partes non solum per venas communicantia est, sed etiam per arterias, & nervos, & quod præterea inter nervos, arterias, & venas, vt 6. aph. com. 26. docet Galenus, humorum noxiorum adinuicem est transfluxus. Inter ventriculū, & cerebrum est vterius adnotandum secundò, non per venas, sed per arterias, & nervos communicantiam esse, cum ventriculi venæ sint ventis portæ rami, qui ad cerebrum non ascendunt: at ex arteria magna, per transuersos cervicis vertebrarum processus ad calvariam cum demandetur ramus; & ex elatiori deinde sui corporis sede truncus exoritur, qui ad ventriculū, necnon ad alias etiam disseminetur partes, sequitur idcirco vt inter cerebrum, & ventriculū, per arterias adsit communicantia: sed maiorem per nervos, in 3. de loc. affc. 7. communicantiam esse his verbis Galenus affirmat, Nam *cerebrum ventriculo, & ventriculus cerebro suas affectiones transmittit*, idque propter nervorum à cerebro ad os ventriculi descendentium magnitudinem, per quos etiam sensus huic particulæ, quàm vlli reliquarum corporis partium, acutior est.

His itaque sic notatis, Respondetur dicendo, quod ad ventriculū ex vena portæ insigni amplitudine cum permeent venæ, infinitique disseminentur rami, sequitur consequenter, quod apertis hæmorrhoidibus exhauriantur etiam ventriculi venæ: quæ postea ieiunæ, reddunt; attrahendi facultatem cum habeant ex 4. de rat. vic. com. 1. & ex alijs venis trahere cum non possint, cum præter venæ portæ ramos, non alij in ventriculo adsint, ab arterijs trahunt, & nervis, qui cerebro cum comunicent cerebrum exinde, exhauriunt: & ob hanc

causam, istarum venarum apertio, cerebri affectiones sanat.

Confirmatur hæc responsio. Nam lien, in omnium ferè Medicorum sententia, vt 5. lib. de humani corporis fabrica cap. 9. Vesalius testatur, non omne quòd à Iecore recipit, illud concoquit, & in sui nutrimentum reponit, sed quod superest, per magnam, & insignem venam, ex venis ad ipsum adeuntibus exortam, ad superius ventriculi permeat orificium, quamuis in hoc Doctoribus istis contradicat Vesalius, & ad ventriculi fundum adire illam concedat: hinc expletis, talis succi vñibus, vt nempè acida sui saporis qualitate, ventriculum constringat, ut incoctus elabatur cibus, cum ventriculi actiones in amplexu consistant, appetitumque excitent, ad intestina talis humor deponitur, & vel cum fecibus expurgatur, vel ad hemorrhoidas decurrit, quæ in fine recti intestini circa anum disseminatæ videntur; in quibus postea melancolicus collectus sanguis, inenstruarum iustar purgationum, statutis interuallis venularum referatis osculis, euacuatur. Ex quibus doctrinis est colligendum pariter, quòd ventriculo affecto, cerebrum si quando compatitur, per hemorrhoidas sanatur, non aliam esse causam, quàm quòd per hæmorrhoidas, ventriculi exhauriuntur venæ, quibus exhaustis, cerebrum non deindè compatitur, & sic veluti repentè, illius cessant affectiones.

Vigesimaquarta Ratio ex Articulis affectis accipitur. Nam in Articulis existentes humores, ad nobiles si retrahuntur partes, mortem sæpè inferunt, nisi iterum reuocentur ad artus, vel per infernas euacuentur venas: sed venæsectio in brachio, humores ab articulis, ad superiores, & nobiles reuocat partes: vt ex multoties dictis, iam clarissime patet: ergo in morbis articularibus, non per supernas, sed per infernas venas, est educendus sanguis.

Maiores prima pars ex Galeno in secundo de Natura humana com. 5. his verbis registrata habetur „ Nanque melius est, vt succi contristantes à præcipuis partibus, in minas præcipuas migrent: sed à vilissimis in præstantissimas, nequaquam. Sæpius enim vidimus, hominem interire, cui succi in dolore articulorum, & podagra in artus delati exinde expulsi, ad principem partem peruenere: & esse quidem unicam spem salutis, ipsos, si fieri possit, rursùm ad artus reuocare.

Secunda maioris pars, ex eodem Galeno probatur in 6. epid. sect. 6. com. vlt. vbi sic ait „ Quinetiam atram bilem hæmorrhoidis i. sanguisflua plerunque incipientem prohibuisse, & iam effectam remouisse, necnon & atratum lienem, sanauisse conspecta est. At vari-

ces quoque hos ipsos morbos, podagras præterea, & artuum dolores discutunt.

Vigesimaquinta Ratio ex febrium differentiis colligitur, à materia desumptis: & primò ab Hectica, & Ephemera. Nam in his febribus sanguinis missio si conuenit, non alia conuenit ratione, quam refrigerij causa: sed ex internis venis, ratione refrigerij, vt in superiori diximus ratione, est educendus sanguis: ergo in Ephemera, & Hectica, si debet sanguis educi, ex internis est educendus venis.

Vigesima sexta Ratio ex tribus putridarum febrium differentiis desumitur, Quotidiana scilicet, Quartana, & Tertia, siue intermittentibus, siue continuis, siue simplicibus, siue complicatis, necnon etiam ex febre ardente, quæ à tertiana exquisita, ratione loci, in quo putrescit humor, tantummodò differt: & arguitur sic. Nam quotidiana, vt i. ad Glau. cap. 5. Galenus fatetur, ex ventriculi ore patiente causatur, quartana ex male affecto Liene, & Tertia ex Iecore laborante; ex quo etiam febris ardens exoritur: sed os ventriculi, Lien, & Hepar, quod secundum cauam, non gibbam partem afficitur, cum patiuntur, non ex superioribus vt diximus, sed ex inferioribus venis, sanguinis missione curantur: ergo in istis febribus, non ex brachijs, sed ex internis venis, est educendus sanguis.

Minor ex antedictis patet. Nam in ore ventriculi, liene, & gibba Hepatis parte, non aliæ disseminantur venæ, quàm venæ portæ rami, qui cum inferioribus descendens venæ cauæ ramis tantum communicant. At quòd in febre ardente, & per consequens in tertiana, Hepatis gibba pars offendatur, ex Galeno in 1. epid. sect. 1. num. 9. his verbis habetur „ *Neque enim in quibuslibet torruatus partibus corporis, febrem potest humor hic (scilicet bilis) excitare ardentem, verum circa ventriculum, & huius præcipue os, circaque Iecinoris partes simas.*

Vigesima septima Ratio ex Chronicis accipitur morbis. Nam chronicorum morborum materia est crassa: sed crassi humores in internis, non in supernis resident venis, vt supra nos diximus: ergo in chronicis morbis, non ex supernis, sed ex internis venis, est extrahendus sanguis.

Vigesima octaua Ratio ex Indicatione à viribus desumpta inferitur. Nam in pestilenti morbo ratione virium, quæ vel sunt imbecilles, vel ne fiant, est timor, non mittitur sanguis, cum tamen illum mittere sit conueniens: ergo in pestilentibus morbis, sanguis quando extrahi debet, ex pede potius, quàm ex cubito, ille est educendus.

Antecedens ex Galeno patet in libro enim de cibis boni, & mali succi capite 1. de Peste historiam refert, ad Annonam sequuta, in qua ægrorum vires, ne citius fortasse resolverentur timentes, per paucis initio morbi venam incidere, nonnulli medici audebant: cum tamen omnibus, sanguinis missionem iubere necessarium fuisset, ex eo quod vitiosus adeo sanguis erat, vt dissecta vena, ægrè deinde ad cicatricem coiret.

Consequentia etiam patet. Nam in infernis venis, sanguis cum sit sæculētus, ex eius idcirco eductione, non ita debiles redduntur vires, quemadmodum ex superioribus venis, si ille educatur, vt ex Apollonij doctrina colligitur, 7. colliget cap. 19. sic referente Oribasio: magis nanque superiorum venarum spirituosus est sanguis, cum à spirituum fonte sit minus distans.

Vigesima nona Ratio ex Pemphingode accipitur, seu pestilenti febre, epidemia siue illa sit, vt Pestis, siue priuata, quæ vel citrà pestem, ex 3. epid. sect. 3. com. 57. mortales etiam offendit. Nam in pestilentibus his febribus, peccantes humores sunt atrabiles, & crassi: sed atræ bilis, conuenientia euacuationis loca, ex iam ante dictis; non superiores, sed inferiores sunt venæ: ergo tùm in priuata, tùm in epidemia pestilenti febre, non ex supernis, sed ex infernis venis, est educendus sanguis.

Maior clarissimè ex Galeno probatur in 6. nanque epid. sect. 1. com. 29. Pemphingodes, hoc est pestilentes febres, non solum ab Hippocrate, illas dici, Galenus asserit, in quibus calor ob putredinis excellentiam differt ab alijs: non enim aut magnus, aut mordax est, quamuis interius exurenti adeo ægri flagrent incendio, vt nequè hincolorum velamenta, nequè aliud, præter nuditatem ferre possint: sed etiam „ *aspectu terribiles*, ab eodem Hippocrate, febres istas appellari, docet idem Galenus: & non aliam refert ob causam; nisi quia cum pustulis illæ sunt. Quæque huiusmodi pestilentes febres, tùm in pestilentia, quam Thucydides narrat, tùm in illa, quam suis fuisse temporibus, loco allegato, testatur Galenus, obseruatæ fuere. Sic etiam in pestilenti illa tempestate, quam 3. epid. sect. 3. describit Hippocrates, & vlcera, & excrecentias, quas fungos vulgò vocant, & carbunculos, & papulas magnas cum febribus expullulasse refert: sed hæc omnia ab atrabiliari, & crasso dependent humore: ergo in pestilentibus febribus, peccantes humores sunt atrabiles, & crassi.

Minor patet: nam Carbunculus, ex loco allegato com. 50. ex calido quidem feruore, verum crassa materia constituitur: at materia crassa adusta, quid aliud est nisi atra bilis? Sic & papulæ, excrecentiæ, pustulæ, & serpentina vlcera, vt ibidem à tex. 48. vsque ad 54. ex Galeni doctrina colligitur, ex crassis etiam, & adustis dependent humo-

humoribus : nam *tenuēs humores*, vt com. 51. dicit, *Exulcerationes* potius, quā *tumores* creant : at *crassi in tumorem pellem* attollunt : Sed *crassi humores adulli*, atrabiles sunt : ergo hæc omnia, ab atrabilari, & crasso, dependent humore.

Confirmatur præterea ex istis Galeni verbis, 5. meth. cap. 12. registratis, quod nempe ex pestilentia laborantes, qui euasuri erant, *ijs pustulæ, quas Exanthemata vocant, nigrae toto corpore confertim multæ apparuerunt, vlcerosæ quidem plurimis, omnibus certè siccæ. Eratque inuenti perspicuum, reliquias eas esse sanguinis, qui in febris putruerat, quas veluti cinerem quempiam Natura ad cutim trussisset* : Sed cinis sanguinis, atrabilis est : ergo in pestilentibus febribus, atrabiles sunt, peccantes humores.

Trigesima & vltima Ratio ex malignis febribus tandem deducitur. Nam in malignis, & desperatis febribus, non alia est spes salutis, quā quod malignus humor ad infernas decumbat partes : sed humores ad supernas retrahit partes, in cubito secta vena : è contra autem ad infernas in infernis venis inciso : ergo in malignis, & desperatis febribus, non supernæ, sed inferiores sunt incidendæ venæ.

Minor ex Galeni doctrina in lib. de rat. cur. per sang. miss. cap. 18. colligitur, ibi enim de vteri loquens inflammatione sic ait, „ Porro vteri inflammationes magis etiam quā renum, à venis in crure sectis, iuuantur. Nam quæ ex cubito fiunt euacuationes, aliud etiam habent adiutium malum : nempe quod purgationes menstruas comprimant, sanguinemque ad superiores corporis partes retrahant. Quæ verò fiunt ex cruribus, tantum abest, vt retrahant, vt etiam menses promouant : ergo ita à pari, putridi in sanguine, si continentur humores, ex cubiti sectione ad supernas partes, si retrahitur sanguis, ad supernas quoque partes, putridi retrahuntur humores.

Maiores autem principales argumenti, in qua potissimum est difficultas duabus ab Hippocrate registratis historiis, comprobatur.

Prima de Herophonte est, 1. epid. sect. 3. Agrotò 3. descripta : fuit iste febre acuta correptus : nigrae, & tenues erant vrinae : biliosa, tenuia, & plura excernebat aluus : quibus postea repressis, obstruxit, & desipuit : ad lienem verò, deinde ad crura, humoribus demigrantibus, sanitati fuit restitutus. In commento autem sic habet Galenus, Hic præter expectationem superstes fuit, quem scilicet primis diebus meritò moriturum suspicatus esses. Etenim nigra minxit, & excrementa alui biliosa, repressa, insecuta surditas est, vt quæ in caput ascenderāt : vnde non immeritò desipuit. Nihil verò erat boni, quod vrinas nigras, quæ quidem erant prauæ, compensaret, nisi quod Lien die quinto intumuit, excepta parte malorum humorum. Deinde die octauo cum ex Liene in crura transirent, hinc diminuebatur &c. & propè finem commenti, hæc habet verba,

Tanti scilicet erat decessisse, quæ molesta erant, ad partes imas, vrinaque concoctio.

Secunda historia est de Critone in Thaso, ibidem, ægroto nono delineata. Ex pollice pes dolere cum illi cœpisset, eodem die de cubito, & nocte desipuit. Altero die tumor toto pede, & ad talum, vrinae nigrae, deiectiones biliosae, febris acuta, insaniit. Postridie perijt. De huius autem tam subitanea morte, rationem in commento his verbis assignat Galenus, *Nunc ex illis, quæ scripsit, copia humorum per multa fuisse videtur, quos Natura est à principibus partibus ad cras molita, derivare: cùm id membrum omnem capere non valeret superfinitatem, residuum recurrens, ad caput ascendit, quod, quæ erat malignitate, furiosum delirium excitavit. Malignitatis excrementi erat iudicium, quod pusillæ nigrae generarentur ad talum.*

Non alia ergo in malignis, & desperatis febribus, ex duabus hisce, vt colligitur hystorijs, quàm quòd malignus humor ad infernas decumbat partes, est spes salutis. Et sic in omnibus tandem malis, infernarum sectio venarum quàm tutissima sit, & necessaria, supernarum autem è contra, quantis scateat periculis, & quàm sit perniciofa, ecce iam triginta vijs, luce clarius elucescit.

Sed opiniones hanc ad confirmandam, plures forsan excogitare oportet rationes? Vel graues fortasse, quòd mihi non faneant Auctores, mea erit idcirco, reiicienda sententia? Vel ab Hippocrate, & Galeno, si recedere videor, tanquam vana loquentem, me derelinquent omnes? At fallit, si hæc quis credat. Meas nanquæ rationes sufficere, Aduersariorum impugnationes ostendent. Illustres viros mecum sentire, Antiquorum demonstrabunt doctrinæ. Ab Hippocrate tandem, & Galeno, me non recedere, talium Doctorum mentis, accurata inquisitio, à calumnia me vindicabit.

Ab antiquis ergo Medicis, vt rem exordiar (de mearum nanquæ inefficacia rationum, alios contradicentes nisi audiam primò, non est quod scribam) ex infernis partibus missionem sanguinis, quam maxime ab illis celebratam fuisse, si quis credere nolit, sexcentos alios vt sileam Auctores, Apollonium legat, Hippocratis, in 3. de vict. rat. in morb. acut. com. 42. Galenus vt refert, qui fuit discipulus: non solum enim ad tuendam sanitatem: sed ad illam recuperandam, ex ignobilissimis partibus nempe cruribus, sanguinis fieri educationem præstantissimum esse auxilium, Doctor ille existimauit: & maxime per scarificationem si extrahatur sanguis, cùm hæc sine molestia, & citrà validam totius corporis molis commotionem, plethoram soluat mediocrè: quòd si abudè & affatim in maximis periculosisq; affectibus sanguinem effundere oporteat, non tantum in infernis partibus scarificationem, sed venas etiam secari commendat: immò

& venæ

& venæ incisionem in his casibus se nunquam omisisse, ipse fatetur.

Mulieribus præterea, quibus prosperè purgatio non succedit, scarificatio, vel sanguinis, hirudinibus, aut scalpello eductio quòd mirabiliter auxiliatur Apollonius etiam asserit: immò & illis, ratione ætatis quibus iam menstrua defecerunt, ex infernis partibus, educi sanguinem debere contendit. Quia in re, ò quot Medici aberrant: non solum enim in consenscentibus fœminis, sed in iuuenibus etiam, in morbos cum incidunt, semel, aut saltem bis, ex pede educto sanguine, quantitate forsàn, quæ defectui correspondere potuit, ad superiorum venarum sectionem deueniunt, & ægrotantes mulieres, nisi eas vel morbi debilitas: vel virium robur, vel alio modo Natura adiuerit, sæpè sæpius occidunt. Huius autem erroris ratio, ex istis Apollonij verbis iam facile patet, *Ego sanè etiam valdè ætate prouectas, quibus iam pridem nihil menstrui ferebatur, ubi aliqua corporea molestia confliscarentur, hac curatione subleuo. Hæc enim mulierum propria est, multumq; habet efficaciæ: quippe quæ naturalis excretionis modum imitetur.*

Sanguinis, vltèrius, ex infernis venis eductionem, alijs pariter conferre malis eiusdem Doctoris sententia est: morbos nanque, principes omnes qui afficiunt partes, hoc præsidio curasse, ipse fatetur. Hinc nutritioni si naturalis pars est dicata (à naturali vt incipiam parte) bonam, non aliud quidem auxilium, nutritionem inducere asserit, quam sanguinis ex infernis venis emissionem: malum autem nutrimentum, quos pariat morbos, & tali quòd curentur illi remedio, ipse non ponit: sub septo enim transuerso naturalia si collocantur viscera: & sub septo transuerso, ex infernarum sectione venarum, in communi sententia, naturales si adiuvant partes; Casus idcirco ponere, quorum, sanguinis ex infernis venis extractio, quam maximum fuit præsidium, vt satis superfluum, ingeniosus hic Doctor, existimauit:

Scarificatis præterea cruribus (ad animalem vt descendam partem) affecto capiti niederi testatur. Anginam quoque sic sanari assermat. Et ex longo tempore, ab incessabili fluxione affectos oculos, cum quidam haberet, hoc refert præsidio, fuisse curatum.

Senem deniquè (vt de vitali parte exempla asseram) strangulante circa pulmonem angustia, vexatum, similimodo curatum esse pronunciat: Sic lateris testatur sanari dolores: & Cor tandem à Peste si quàm maxime debellatur, talem his verbis scribit, sibi ipsi qui contigit, de Pestilentia casum, *Et sanè dum Pestilentia vehemens Asiam deprehendisset, multosque perdidisset, meque etiam morbus attigisset: Secunda morbi die, remissione febris facta, crus scarificaui, duasque fere sanguinis libras detraxi, hacque de causa periculum vitauit. Plerique igitur etiam alij, hoc præsidio vsi, superflues euasere: erant enim plenitudinis signa: illique*

præcipue saluabantur, qui sanguinem copiosum exhauriebant.

Quas omnes doctrinas ex Apollonij libris de scarificatione, in 7. colligit cap. 19. & 20. non tantummodo Oribasius colligit, sed illas quoque ex Apollonio colligere non dedignatur Galenus. Galenus nanque est Apollonius antiquior: Hippocratis enim fuit ille discipulus: & istę doctrinę, quas in lib. de Cucurb. & Scarif. Cap. 4. affert Galenus, sunt Apollonij, ut in Oribasij ex Apollonio, collectaneis manifestum apparet.

De Hippocratis tandem & Galeni Sententia, an videlicet ad eorum mentem, mea sit Conclusio, soluendus remanet scrupulus, ab erroribus absoluta, mea in totum ut reddatur opinio. Sexcentis nanque in locis, in omnibus morbis, superiores qui infestant partes, sanguinem ex cubiti venis educi debere, clarissimis Medicinę illi parentes, commendant verbis.

At re vera, accurate Hippocratis, & Galeni mentem si contemplemur, ab eorum doctrinis ne minimum quidem, me recedere, vnusquisque cognoscat. Pro huius autem claritate, est adnotandum primò, quòd sanguinis, Antiquorum temporibus ad animi vsquę deliquium, vel maxima saltem erat detractio: hinc primam, vltimamque ætatem, necnon & grauidas mulieres, hoc auxilij genus sustinere non posse, Antiqui illi exultimabant: nostris autem temporibus, sanguinem, pauca, ex eo quia educimus in quantitate, vtero gerentes non solum idcirco, sed senes, & pueros hoc præsidio adiuvamus: quam doctrinam lib. 2. cap. 10. Antiquorum descripta sententia, his verbis satis clarę Celsus affirmat „ *Postea vero usus ostendit, nihil ex his esse perpetuum aliasque potiores observationes adhibendas esse, ad quas dirigi curantis consilium debeat. Interest enim non quæ ætas sit, neque quid in corpore intus geratur, sed quæ vires sint. Ergo si iuuenis imbecillus est, aut si mulier, quæ grauida non est, parum valet, male sanguis emittitur. At firmus puer, & robustus senex, & grauida mulier valens, tutò curantur.*

Notandum est secundo, quòd celeriter corpus euacuat, interna dextri cubiti vena, vel aliqua, sic hæc non compareat, ut in 2. de rat. vict. com. 10. habetur, eiusdem brachij altera, cum omnes ut dicam, ab eadem axillari vena pocedant.

Notandum est tertio, quòd aliam non ob causam, internam dextri cubiti venam secavit Hippocrates: nisi quia velocissimè corpus euacuat: in 4. enim de rat. vict. tex. 24. dum inquit Hippocrates „ *Venam igitur brachij dextri internam, secare oportet: sic habet in commento Galenus, „ Velocissimè, & plurimum ex ijs, quæ principes sunt, partibus vena ea corpus vacuat, atque ob id in acutissimis morbis ad eam se se confert.*

His notatis, ad difficultatem respondens, sic à scrupulis me absolvo: hinc assero, quòd quia antiquitus, in maxima sanguis extrahebatur copia, & corpus, quæ tam celeriter, & velocissime euacuarent, ad Galeni, & Hippocratis mentem, non alix, quàm cubiti, aderant venæ; in superioribus idcirco partibus vitiosam stagnantem materiam, ad infernas, & ignobiles partes transmittere, illi Antiqui non iudicant, sed per easdemmet supernas euacuare decreuerunt: ex eo quòd ad animi usque deliquium, vel ad coloris usque mutationem, si antiquitus sanguis extrahebatur, adeò ut per tam largam sanguinis missionem, tota peccans educeretur materia, optimo quidem iure ab Hippocrate, & Galeno superiores tunc temporis incidebantur venæ: nam totius vitiosi humoris, ob velocissimam per has venas euacuationem, nulla corpori imminerebat ruina, quam humor ille in eius, supernis nobilibus partibus, morari faciens, poterat machinari. Nostris autem temporibus, vnauii Medicorum consensu, tam largè mittendi sanguinem si iam cessauit usus, à superiorum quoque sectione venarum, nos pariter cessare debemus: non aliam dummodo ob causam, ex allegato textu in 4. de rat. vict. superiores, si antiquitus aperiebantur venæ, quàm quòd illæ plurimum, & velocissime euacuant: vnde istis temporibus, si Galenus, & Hippocrates essent, sanguinis in magna copia educationis, antiquum à longo, per tot sæcula, experimento, destructum si conspicerent usum, superiores quidem non amplius, ipsi scinderent venas: illas nanquè incidendi, plurimum & velocissimè corpus euacuare, ipsum, si fuit ratio motiua. Et ecce mutatis temporibus, Hippocratis, & Galeni doctrinæ, sic mihi, deueniunt amica.

DE SALVATELLÆ autem sectione, an videlicet sit illa conueniens, magna exoritur difficultas.

Sanguinis ex hac vena educationem, in superioribus cum celebretur partibus, meis principiis ne contradicere videar, ob iam dictas rationes, confutare ego debere. At quoniam summis laudibus extollit illam Galenus: tunc quia per insomnia de tali incisione fuit monitus: tum quia mirabiles ex illius apertione, sequutas fuisse experientias refert; ex hac idcirco vena, sanguinis missionem impugnare non audeo: vera etenim nunquam esse insomnia dicerem: immò & ipsam quoque experientiam negarem: at primum, est contra Aristotelem, vera esse aliquandò, qui concessit insomnia: Secundo, est contra Galenum „ *Admiratione nanquè dignum est*, sic 9. de decretis Hippocr. & Platon. cap. 6. ait, *Quòd Medici altercentur, an inuerit remedium, an laserit, dum experientia decernit.*

Quam ergo ob causam, meæ doctrinæ absque quo sim contrarius, Saluatellæ apertione concedam, in præsentì demonstrare con-

bor : pro istius autem effensione , cuius venæ Saluatella sit ramus , est primò examinandum .

A vena Caua , duæ in brachium propagantur venæ , lib. 3. de humani corporis fabrica cap. 8. vt Vesalius refert : à Iugulari exoritur vna , quæ Humeraria dicitur , vel Cephalica , vel Externa : Axillaris est altera , quæ Basilica etiam , Interna , & Iecoraria appellatur .

Humerariæ autem venæ , est triplex ramus . In trunco inspicitur primus , cum axillari vena antequam coeat : in cubiti medio est secundus , quando cum axillari coit : & ex illa , & axillari conflatur vena Communis : ad manum errabundus descendit tertius , qui que inter paruum digitum , & anularem disseminatus , Saluatella dicitur .

Axillaris præterea , iam superata axilla , brachium ingrediens , in duos diuiditur truncos , quorum alter in brachij profundo se abscondit : Sub cute in anteriori brachij sede , excurrit alter , & in cubiti medio cum humeraria coeans , Communem venam efformat , variolque deinde per vtranque brachij sedem , anteriorem nempe , & posteriorem disseminando ramos , inter indicem denique , & pollicem se propagat .

Communis tandem vena , ab axillaris , & humerariæ ramis vna simul coeuntibus conflata , deorsum oblique per internam cubiti descendit sedem , & per internam postea excurrrens , ramulos ad indicem , & pollicem non solum diffundit , sed ad indicem , & medium : immò & vsque ad anularem se quoque insinuat .

At de humerariæ , seu Cephalicæ venæ exortu , apud omnes Anatomicos , non est eadem sententia . In Brutis nanque , quorum cadauera in magna copia obseruauit Galenus , à Iugulari externa , Cephalicam exoriri , cum Galeno Doctores omnes affirmant : in hominibus verò , quorum cadauera Galenus vel pauca inspexit , à Iugulari talem ortum , quamplurimi , Cephalicæ negant , & ab axillari , pronasci illam contendunt . Quæ doctrina , apud claros Anatomicos adeò vera existimatur , vt se errasse , Galeni scribendo sententiam , Axillaris potius Humerariam esse propaginem , cum dicere debuisset , in venæ cauæ indice , fateatur ipse Vesalius : & suis oculis derogans fidem , Galeno nimium credens in Galenum pietati , hunc ascribit errorem .

Collige ex his primò , quàm venam in cubiti incidendo venas , Medicorum esse electionem ; in capitis nempe affectibus Humerariam , ab illis , hanc ob rem , Cephalicam dictam ; in Iecoris passionibus , Iecorariam ; & in vtriusque vitijs , Communem venam , cum secari decernunt . Ab eadem nanque Axillari , omnes cubiti venæ cum

trahant originem; omnes sequitur, quod æqualiter Iecur exhauriūt: hinc nulla exhibita regula, in brachij venarum incisione, per ligaturam, quæ venâ magis attollitur, illam esse incidendam, existimo: nam alijs, cum sanguine abundare magis appareat, exhauriri indigere magis quàm alijs, illa demonstrat. Nomina pariter talibus, quæ veteres Medici imposuere, venis, vt Cephalicam, Iecorariam, & Communem, ego rejicio: nec aliam inter has venas, præter quàm à situ distinctionem concedens, à diuerso situ, diuersa tantum illa nomina admitto: hinc Axillaris venæ truncus ille, per exteriorem brachij sedem, seu per humerum, qui excurrit, Humeraria & Externa dicitur vena: sub cute autem in interiori brachij sede, qui se propagat, Interna vena vocatur: in cubiti tandem medio, ex ambobus istis truncis vna simul cocuntibus, quæ vena effingitur, Media, vel Mediana appellatur.

Collige secundò, in sinistra manu Splenitem non esse venam, à Splene deductam, nec in dextra, Hepatitem ab Hepate disseminatam, in 1. de Morbis, vt videtur dicere Hippocrates: quam ob causam in affectibus Lienis, illam tantummodò, inter anularem, & minimum digitum, quæ apparet vena, in Hepatis verò morbis inter indicem, quæ est, & pollicem, illam scindi debere, multi Medici crediderunt. In manibus enim, non alias cum modernis Anatomicis, ego venas concedo, quàm illas, ab Axillari exortas. Hinc vanam pariter, & ridiculam Æsculapiorum sui temporis, in has aperiendo venas contentionem, Vesalius existimat: inter indicem nanquæ, & pollicem, quotiescunque inciditur vena, humerariam secari contendunt, inter anularem verò, & minimum digitum, axillarem aperiiri affirmant. In illorum, enim sententia Communis vena, si ad indicem vsquæ, & pollicem, immò ad medium, & anularem, suos ramos propagat, in manu idcirco has distinguere venas, impossibile est. Præter quàm quòd in manibus venarum series, vt dicit idem Vesalius, est adeò varia, vt vix inter tot homines, in duobus saltem, æqualiter distributi venarum rami, obseruentur: hinc illarum cognitionis, nimis arduam esse, cognitionem affirmat.

Collige tertio, in brachio, & in manu, cum non alterius quàm Axillaris venæ disseminetur rami, nullam pariter esse in manus venas aperiendo, regulam obseruandam: sed quæcunque attollitur vena, quòd illa incidatur, ego assero, & Saluarella appelletur: in sinistra tamen manu, inter anularem, & minimum digitum, inter indicem verò & pollicem, in dextra, talium venarum valuulæ, quòd magis appareant, ego non nego: quam ob causam illas in sinistra secari, istas autem in dextra, Chirurgorum antiqua est obseruantia.

Collige 4. per sinistra manus venarum sectionem, si lienis iuuantur affectus, quemadmodum pariter in dextra manu venis incisis, Hepatis morbi curantur, talis iuuaminis causam, non ad ipsas esse reducendam venas, sed solummodò Vesalius vt asserit, ad rectitudinis rationem. Naturam enim debet Medicus imitari, quæ, bipartita cum sit corporis dispositio, regionis, in suis crisi- bus, rectitudinem seruat: hinc liene turgente, è sinistra nare sanguis fluens, bona est euacuatio, è dextra autem, non iuuat.

His ergo de Saluatellæ vena sic declaratis, quare illius sectio non noceat, superiorum omnium venarum incisionem nocere, si acerrimè supra defendi, nunc ad causam contemplandam, deuenio: hinc clarius mea assertio vt elucescat.

Notandum est primò, quòd in arterijs, vt ex Galeno in lib. de rat. cur. per sang. miss. cap. 22. & 23. habetur, calidus, spirituosus, & infestus, cum coaceruatur sanguis, arterias incidere oportet: verum quia maioribus incisis arterijs, difficile cum sanguis sistatur, multos interijisse nouit idem Galenus, paruas idcirco secare, citrà aneurisma cum illæ cicatrice claudantur; cuiusmodi ad oculos fluxione cadente, in temporibus, quæ sunt, vel in vertigine, aut diuturno in capitis dolore, quæ post aures apparent, Medicorum fuit mos antiquus.

Notandum est secundò, in 1. lib. de hum. corp. fabrica vt Vesalius docet, quòd in quolibet brachiali, hoc est carpo, seu palma manus, sunt octo ossa: in postbrachiali, hoc est Metacarpo, seu pectore manus, ossa sunt quatuor: digitorum cuiuslibet manus, ossa quindecim, & sesamina ossicula sunt duodecim: ita vt in qualibet manu ossa sint trigintanouem.

Notandum est tertio, quòd in manibus tot ossa cum sint articulata, multis membranis & ligamentis connexa, satisque à caloris fonte remota, spirituofo idcirco, & calidiore sanguine vt alerentur manus, necesse erat: quam ob causam infinitas arteriarum anastomases cum manuum venis, Natura effinxit: hinc Saluatella incisa, arterialis etiam oportet, vt effundatur sanguis: & confirmatur ex hoc, quòd talem incisionem, non venæ, sed arteriæ, in loco allegato, capite ultimo appellauit Galenus.

Notandum est quarto, quòd non alio vitio, in iam dicto lib. c. 22. & 23. vt ex Galeno colligitur, arterialis sanguis morborum est causa, quam quòd nimis calidus est, & spirituosus: & verè hæc est potissima causa: ex nimia nanquè caliditate, veluti exiccatur sanguis, adeò vt nitrositatem contrahat, quæ in alijs, ex iam supra dictis, parit affectus.

Notandum est quinto, ex Galeno ibidem quòd ex manibus in larga copia educitur sanguis, vt illius per hæc verba patet, „*Mo-*

nitus per quadam insomnia, quorum duo perspicuè mihi visa sunt, accessi ad dextræ manus arteriam, inter indicem, & pollicem sitam: permisiq[ue] fluere, donec spontè sisteretur sanguis: nam ita somnium præceperat. effluxit autem non tota libra. Quibus itaque sic notatis,

Hepatis, aut Lienis dolores, corporisque alios affectus, Saluatellæ incisionem iuvare meis, absque quo contradicam principijs, duplicem ego assero ob causam.

Prima est, quia antiquitus, ex brachiorum venis missionem sanguinis, non nocere affirmavi, ex eo quòd in larga copia, tunc temporis si extrahebatur sanguis, nulla idcirco interposita mora, per supernas partes, tota illa vitiosa materia, educebatur. Eodem pariter modo, ex Saluatella in larga copia, si emittitur sanguis, Saluatellæ in morbis incisionem conferre, ut rationi consentaneum existimavit Antiquitas. At ex brachijs, in magna quantitate mittendi sanguinem, si iam ablatum est usus, ex brachijs propterea, ob pericula ut dixi, superiorum venarum, quæ minatur incisio, sanguinis missionem, istis temporibus, ego non laudo: at ex Saluatella, cum libram, summa sanguinis quæ extrahitur quantitas, ut Galeni nos docet experientia, non excedat, aliarum omnium superiorum venarum, hanc ob rem, incisione confutata, Saluatellæ solummodò sectionem, ego concedo.

Secunda Ratio est, quia ex arteriali sanguine inquantum nimis calido, & spirituoso, ex iam allegata Galeni doctrina, corporis partes affliguntur, & dolent: ergo ad illarum curationem: arterialem sanguinem refrigerandi, necnon & spirituum fervorem attemperandi, indicatio insurgit: Sed in arterijs non potest sanguis refrigerari, spirituumque fervor attemperari, nisi tùm arterialis sanguinis, tùm arteriarum, tùm spirituum, refrigerato principio; quod principium in omnium sententia est Cor: ergo corde refrigerato, & exhausto, tùm sanguis, tùm spiritus attemperantur: sed à corde arterialem sanguinem Saluatella incisa exhaurit, necnon & Cor refrigerat, ita calidos, ut non generet spiritus: ergo si vel doloris, vel alterius affectus, arterialis sanguis, inquantum nimis calidus, & spirituosus est causa, à primo ad ultimum sequitur, quòd illos affectus, quos huiusmodi arterialis sanguis causat, Saluatellæ incisio iuvat.

Confirmatur primò, nam arterialis nimis calidi, & spirituosi sanguinis ad partem fluxione cessante, cessat dolor in parte: sed per Saluatellæ incisionem, corde depauperato, ad affectam, vel dolentem partem, nimis calidi, & spirituosi arterialis sanguinis, cessat fluxio: ergo per Saluatellæ incisionem, ex arteriali sanguine quantum nimis calido, & spirituoso causatus, cessat dolor in parte.

Maiores probatur: nam spirituosus, & nimis calidi arterialis sanguinis nova fluxio, est doloris, vel alterius affectus, causa conservans:

uans: ergo ad partem, talis sanguinis fluxione cessante, cessat dolor in illa.

Consequentia patet: nam cuiuscunque visceris forma, pro sua connaturali temperie frigiditatem exigit: ergo arterialis intemperati sanguinis existentis in parte, conseruans si cesset causa, à visceris forma intemperies illa corrumpitur.

Antecedens in Philosophorum sententia difficultatem non patitur: non solum enim frigidum & humidum esse sanguinem Philosophi asserunt, per accidens verò calidum spirituum scilicet ratione, veluti à simili calida est ebulliens aqua, aut Carbo ignitus, sed & ipsam carnem, cum frigido, & humido nutriatur sanguine, talis etiam esse naturalis temperiei affirmant. Multisque præterea derelictis rationibus, clarescit hæc illorum doctrina in Syncope: influentis namque vitalis spiritus ad corporis partes cessante influxu in Syncope, de repente corpus frigescit, corrupto etiam à cuiuslibet partis forma, nativo etiam calore, qui per complantatos spiritus, partibus est communicatus.

Quod si de Corde instabis quod est fons caloris.

Respondetur facile, & dicitur quod Cor naturali, & actuali temperie est frigidum, virtuali verò est calidum: quemadmodum piper naturali & actuali temperie est frigidum, virtuali verò est calidum, quæ piperis virtus tunc ad actum reducitur, cum piper à stomachi calore actuatur: sic pariter cordis calida virtus, tunc in actum reducitur, quando à spiritibus in matris sanguine, quo ipsum Cor nutritur, existentibus, Cor calefcit.

Consequentia etiam patet, non solum Syncopis exemplo, sed calidæ aquæ. Ab aquæ etenim forma, quemadmodum nimis calor extinguitur, ad pristinam se reducete frigiditatem, ab extrinseca agente causa, nisi calor ille conseruetur in aqua: ita pariter arterialis intemperati sanguinis existentis in parte, conseruans si cesset causa, à visceris forma intemperies illa corrumpitur.

Confirmatur secundò nam saluberrimum in venalis sanguinis putredine, sanguinis missionē esse præsidium existimauit Galenus: leuata enim Natura eo quò veluti sarcina premitur, quod reliquum est concoquit, vincit, & expellit: ergo ita à pari per Saluatellæ incisionem corde depauperato, nimis calidi, & spirituosius arterialis sanguinis fluxione cessante, tunc ad calorem refrigerandum, tunc etiam ad spirituum attemperandum feruorem, dolentis, & afflicte partis leuatur natura.

Confirmatur tertio. nam à Corde nimis calido cum Cor sit fons caloris, nimis calidus idcirco, & spirituosus, arterialis sit sanguis: sed in omnium Medicorum Sententia, sanguinis missio refrigerat, necnon

necnon per Saluatellæ incisionem immediatè Cor exhauritur, & consequenter refrigerator, cùm arteriæ à corde immediatè dependant, vt ab illarum principio: ergo per Saluatellæ incisionem Cor refrigeratur & spirituum feruor remittitur.

Dices primò ex cubiti sectione, ad superiores partes, ab Hepate venalis retrahitur sanguis: ergo ita etiam à pari, ex manus incisione ad superiores partes arterialis sanguis reuellitur: ergo ex cubiti venarum apertione, quæ sequuntur incommoda, ex venarum manus incisione sequuntur eadem.

Respondetur paritatem negando: & prima disparitas est: nam arteriarum, & venarum est dispar principium: arteriarum enim est principium Cor, quòd in corporis medio cùm resideat, ab illo per talem sectionem ad infernas partes fit reuulsio, licet hæc non sit ita perfecta, vt illa in pede: è contra autem est in venarum brachij incisione: nam cùm venarum sit principium Hepar, ad superiores partes idcirco ex brachij sectione, vitiosus ille sanguis reuellitur.

Sed contra instabis: nam secta vena sanguinis portione egressa, ne detur vacuum, de necessitate alia subit, & sic per sanguinis missionem à toto corpore fit euacuatio: ergo in Liene e.g. cùm iuvis calidus, aut nitrosus arterialis est sanguis, secta arteria ne detur vacuum, arterialis sanguinis portione egressa, de necessitate alia subit, & sic ab arterijs lienis, ad superiores partes, arterialis sanguis retrahitur: ergo ex venali sanguine vitioso ad superiores partes retracto, si maiora accidunt mala, ita quoque à pari, vitioso arteriali sanguine ad superiores partes retracto, maiora mala contingent.

Respondetur negando antecedens: sanguis enim, secta vena quòd effluit, non est vacui ratione, sed ex quacunque vena egresso sanguine, quòd illa vena in semetipsam concidat, ego assero: & sic ad illam, sanguinem accurrere nulla adest necessitas.

At Quæres. quo ergo modo secta vena effluit sanguis?

Respondetur, vario modo, varios hac de re, opinari Doctores. Fibrarum ratione, quæ in venis existunt, per partem post partem sanguinem attrahentium, effluere sanguinem asserunt alij. At mihi hæc assertio non placet: nam quamuis per fibras venæ, ex Hippocrate, in 1. de Morbis, magis trahant, quàm carnes; fibrarum tamen naturalis motus tardissimus est: cùm illæ nonnisi imbibitæ, & repletæ, rotis instar, tenues exprimant succos: at sanguis velocissimo cursu è vena fluit.

Ob dolorem, & vincula, sanguinem secta vena effluere, credunt alij. Sed mihi nec ista responsio arridet: absquè enim dolore, & absq; vinculis sæpè effluit sanguis, vt è naribus in sanguinis profluo apparet.

Ad sanguinis grauitatem referunt alij. Sed neque est hæc opinio vera: craneo nanquē vulnerato sanguis vt sic non efflueret.

Fluentis ergo, secta vena, sanguinis, quantumuis aut eius grauitas, aut vacui ratio, aut venarum fibræ, aut vincula, aut frictiones, aut aqua calida, aliququaliter coadiuuantes sint causæ, non tamen sunt æquæ: huius enim non aliam esse æquatam, ego assero, causam, quā virales spiritus, in arterijs, & in venis inclusos: isti nanquē impetum facientes ab Hippocrate cū dicantur, cū aliquali violentia vasa implent, & distendunt, quibus postea vel ferro incisis, vel quouis alio modo apertis, cū impetu foras sanguis erumpit. Arteriarum pariter comitantium venas, motum adde continuum: a motis enim arterijs comprimuntur venæ, quibus inde compressis, statim defluit sanguis, adeo vt quod magis virali spiritu fuerint imbutæ arteriæ, vel ipsis venis propinquiore, eo venæ comprimantur magis, & promptius foras sanguis decurrat.

Instabis secundo: nam ex hac infertur doctrina, quod in manibus ex vena aliqua incisa in infernis partibus, arterialis qui existit sanguis, quamuis non totus, sed quantitate ad euacuatum correspondente, ad superiores partes retrahitur: ergo ex vitioso venalis sanguinis retractione quemadmodum maiora accidunt mala, ita pariter de vitioso arteriali sanguine ad superiores, per manus venarum incisionem, retractio partes, detrimentum consimile est affirmandum, & sic eadem quæ supra difficultas obijecitur.

Respondetur, sequelæ paritatem negando: & in hoc, disparitas euidenter consistit: nam venalis sanguis est putridus, ita vt sanguinis iam sit mutata substantia, è contra autem arterialis, putridus non est, sed solummodo intemperatus, hoc est, vt dicit Galenus, nimis calidus, & spirituosus, ininò addo ego & nitrosus, cum nitrositas excedentem in illo calidam arguat intemperiem. Venalis ergo sanguinis focus vel in inferioribus, vel in superioribus existat partibus, ex cubiti sectione maiores semper corporibus contingunt ruinæ: inferioribus nanquē si est ille in partibus, tunc per cubiti sectionem ad nobiles superiores partes, putridus dum retrahitur sanguis, si quod tangitur a putrido putridum efficitur, illæ quidem inficiuntur: & sic grauiore euadent affectus: in superioribus præterea partibus, venalis sanguinis si est putredinis focus, tunc per cubiti sectionem, in inferioribus bonus sanguis existens partibus, dum ad illum contrahitur, ob eandem causam, putrido, scilicet, si non putridum aduenit, illud quoquē putrescit, & loco sic ligna addentur, & maiora pariter mala contingunt. E contra autem in arteriali est sanguine, qui cū nimis calidus, aut spirituosus, aut nitrosus existit, illius intemperiei Cor est focus: hinc ad superiores partes, per venarum manus

manus sectionem, arterialis si retrahitur sanguis, partem, quam affligebat, illo derelinquente, aut doloris, aut alterius in illa affectus, vel leuitas, vel solutio sequitur. Nec præterea ad supernas partes, ex eius retractione vllum accidit malum: arterialis namque sanguinis intemperies, si à corde intemperato, hoc est nimis calido prouenit, non poterit ad superiores partes, arterialis sanguis retractus, maius addere malum: ex eo quòd sanguis retractus, non est intemperato corde calidior: ergo maiorem in illo, non potest alterationem causare. Agens enim remissus, in Philosophorum sententia, non potest causare Passum intentius.

Saluatella itaque inciso, in principalium partium morbis, quantum iuuat, ex his collige primò: necnon pariter colligas, quòd iure optimo, de illa hos decantauit versus, Salernitana Schola.

*Ex Saluatella veniunt tibi plurima dona.
Splenem, hepâr, pectus, vocem, præcordia purgat.
Innaturalem tollit de corde dolorem.*

Instabis tertio, quòd venarum in cubito, si arteriæ sunt comites, cur etiam incisis cubiti venis, arterialis pariter non effluit sanguis; adeò vt tam ex cubiti, quam ex manus venarum apertione, iuuamina eadem consequatur?

Responderetur, non aliam huius esse rationem, nisi quia in cubito, cum non sit tot ossium, & cartilaginum, & ligamentorum tanta congeries, veluti in manu, spirituosius idcirco sanguinis copia, in cubito non necessaria erat: hinc quamuis in illo, venarum sint arteriæ comites, non tamen adinuicem arterias, & venas, implicauit Natura, & anastomases inter illas effluxit: quemadmodum experimur in manu, ad quam, à cubiti flexu, bipartiti axillaris arteriæ trunci, vt in arteriæ magnæ, Vesalij patet, delineatione, cum nudi pertingunt; in illa postea, in quamplurimos diuiduntur ramulos, qui per manus cutem disseminati, venis ipsis se inferunt, venali sanguini maiores spiritus, vt comunicent.

Collige secundò, non solum ex Saluatella, sed multo magis expedere, quam mirabilem in malignis febribus esse sanguinis missionem. Ratio ex dictis iam patet: nam pedes, tanti ossibus, cartilaginibusq; & ligamentis cum consent, spirituosio pariter, & calido sanguine, quemadmodum & manus, immò magis, cum magis distent à fonte caloris, indigebant: quam ob causam multas in pede disseminauit Natura arterias, multasque cum venis anastomases, illa effluxit.

Adde præterea, quòd non solum in malignis affectibus, qui se esse malignos, iam se manifestarunt, sed in illis etiam, qui clementes cum

videantur, in peius illorū permutata clementia, ne maligni euadant, periculum est, non ex supernis, sed ex infernis venis debet extrahi sanguis. Contingit nanquē hęc transmutatio, vt 1. in 1. Proreth. com. 12. fatetur Galenus, ex hoc quōd maligni humores, ex ignobili parte, ad princeps membrum transmigrant: at ex cubito venarum incisio, ad superiores, vt sæpē diximus, & nobiles partes, in infernis stagnantes venis, malignos retrahit humores. Hinc est quōd ex brachijs misso sanguine, deterrimus, vt plurimum deuenit morbus: & veluti subitanę mortes, incisas post brachij venas, non rarō solent contingere. Infinitas, hac de re, ego quidem narrare possem historias, sed Torrecusij Exeellentissimi Marchionis hęc vna tantum sufficiat. Mutatis hinc inde Cælis, ex Orbitello obfesso, strenue fugatis iam Galilis, ad patria rediens lictora strenuissimus iste Princeps, in acutam incidit febrem. Secari, an illi vena deberet, magnum inter Medicos fuit fortitum litigium. Sanguinis missionem negabant multi: illam fortiter concedebant alij: & Sapientissimorum in tanta Doctorum controuersia, doctissimi nescio cuius Medici affirmatiua fuit exequuta sententia: at non post longas horas, sed quasi de repente, natiuis iam prostratis viribus, mortis falci, colla submittere, tantus homo fuit visus; cuius pectus, vel crudeles, vel audaces, vel strenuę lanceę, non dicam, percutere, sed nec tangere, vnquam ausę fuere. Mirabilis quidem casus: & in illum curando, mirabilia pariter, Medicorum extitere consilia: tantorum nanquē virorum, validissimis vtraque opinio, firmata erat fundamentis: qua muis ego, à meis non discedens principijs, illarum nulli adhęssim. Non primę; quę sanguinis missionem negabat. Ex robustissimo etenim sene, acuta, & maligna febre correpto, sanguinem non educi debere, causam ego non video. Non secundę; quę in brachio illam concessit. Venas nanquē superiores qui incidit, vitiosis ex illa apertione, ad principes partes retractis humoribus, vel Medicus ægrum occidit, vel citius ad mortem illum præcipitat.

Quęres tandem pro Quęstionis huius complemento. Est ne in venarum pedis incisione magis vna, quā n alia vena eligenda: itā vt vel illę pedis digitos quę propē sunt, aperiri debeant venę, vel quę in poplite, vel quę sub genu existunt.

Ex Galeni sententia, Respondent aliqui, ex quatuor venarum propaginibus, quatuor distinctas ad pedis superiora, decurrere venas. In interiori etenim, quę Malleolo residet, ab illis Saphena, seu Matricis, seu Virginalis vena appellatur: in exteriori Malleolo, quę existit Schiatica dicitur: in Poplite quę extenditur, vocatur Popletica: & minimo digito quę proxima apparet, Renalis denominatur. Quā obrem, non eandem ex quarumlibet pedis venarum incisione, vtili-

tatem sequi concedunt, sed in particularibus morbis particulares quoque asserunt, in pede, venas esse aperiendas.

Verum Anathomes, si a sensu visus dependet, hinc plura cadaverum, quam non ipse Galenus, si moderni secuerunt Anathomici, ad Quæsitum idcirco, cum Vesalio mihi liceat respondere; quod ne, n. p. ab uno venæ cavæ truncus inguina subeunte, per Crur ad pedis usque superiora, omnes qui decurrunt rami, dependent: hinc si origo est una, venarum pedis in incisione vana erit electio, sed quæ magis attollitur, ut in cubiti venis iam diximus, illa est incidenda.

Ecce ergo ex infernis venis sanguinis missio quantum valeat, sexcentis vijs iam demonstratum. Immodesto ore hanc in posterum, qui blasphemant sententiam, quam esse irridendos, colligat unusquisque. Meis scriptis, formidinem illam, quam secum affert opinio, meæ sententiæ, docti illi Salernitani qui fauent, ab eorum ingenijs iam prorsus auferant: Sed scientiam hac habentes de re, demonstratiuè conclusionem istam defendant. Traditis à me principijs, contraria dogmata, literis quasò demandet reliqua Salernitanorum cetera. Sed quas doctrinas in lucem illi edere possunt, Hippocratem & Galenum: si nec etiam bene legere sciunt? Literarum nunc exeat in campum: in scientijs pariter, currere & fugere aliud esse & aliud, à me ediscant. Coram sapientibus loqui, & fabulas semelitis narrare, non esse idem experientur. Medendo, vulpinis malitijs propriam bene illi possunt ignorantiam contegere: at scribendo, proditiōis, & fraudis nulla fingitur vestis, sed scribentis, silentij effractis carceribus, nudus fugit partus ad lucem. Nostrum, quibus magis est forte peccatum, literaria hæc demonstrabit arena.

At istorum Salernitanorum si ictus sunt leues: leuis nanque armaturæ si illi sunt milites, in re tam necessaria ad publicam utilitatem, percrebrata non mea erit sententia: hinc in Medicorum duellis, vitam perdent languentes: unde vel nos, vel alterius sententiæ sectatores, ægrorum erimus homicidæ. Alios ergo scientificos ego inueniam hostes: & illustrissimos Doctores publicis Neapolitanorum in Scholis, contrarias si qui docent sententias, qua ratione illas defendant, manifestare ut velint oro, supplico, & exoro. Summis pariter honoribus decorata hæc mea scripta existimarem, priuatis in Liceis doctissimi Medicinæ Magistri, Hieronimus Fortunatus, & Onuphrius Riccius, si illa impugnarent. Ex istorum etenim omnium subtilitatibus, veritatem penetrandi, ingeniorum quæ impedit hebetudo, rapidè tolleretur, & ex illorum scientiæ splendoribus, falsitatis tenebræ omnes, celerrimè fugarentur. Benedicent nos Posteris, nostrum aliquis error quos facit cautos. Falsis doctrinis ingenia inficere, absit à me tanta crudelitas.

Non coria, non tegulas, non ligna medemur, sed humana corpora Languentes, vel mininus error occidit: & morbi incolumes ob delicta fiunt letales. Si malè sentio, tanquàm homicidas diffeminantem sententias, literarijs iniurijs me increpent omnes. Mei erroris ut solutam pœnam, iustitia est. Rapidos Solis currus equos, Phœton regere quia nesciuit, benè meruit præcipitium. Spinæ qui seminat, discalceatus non ambulet. Literario iam sum in Campo: & absquē ignominia fugere non possum. Contrà multos nunc ego iaculatus sum ictus, multorum ictibus ecce iam meum pectus paratum. Disputando aut scribendo terga voluere, Aduersarij me non videbunt. Illorum vel ad maiorem gloriam, vel forte ad contumeliā, impavidus semper resistant. Percussæ scintillant Petræ, & sæpè, ingentes vrit domos neglecta fauilla. Nimis audacem Doctorem aliquis non me existimet. In Sapientium duellis, aciem an meus calamus habeat, experiri ego volo. In mei honoris detrimentum si hæc erit experientia, honoris detrimentum mihi cadat in pœnam. Altos & repentinos volatus, præcipitia sequuntur. Bellando si nunquàm aliquis moreretur, bellum adire, fœlicitas esset. Non omnibus datum est ire Chorintum. Non omnia finitus Intellectus intelligit. Non sunt æqualiter illuminata ingenia. Non est Magister qui docet, non litera scripta; discipulum solummodò, hæc duo mouent, & excitant: Sed interius, est vnus Doctor, qui mentem illuminat, & veritatem ostendit, in 1. Poster. Subtilis Scotus ut affirmavit. In Circulis, quis vincit, quis victus cadit. Vnius ignominia, alterius est gloria. Non lucratur, Sorti merce qui non committit. Immortalis non fuisset Erotimus, Dianæ templum in fauillas volare si non fecisset. Rude non euaginatū euadit Ferrum. Aqua in lacu stagnans, immota marcescit: at præcipiti in torrente liquida videtur Crystallus. Spinæ & tribulos germinat, lyconibus quæ non excolitur Terra. Torpescunt in exercita membra. Vitiorum est Ocium pater, „*Oci si tollas, periire Cupidinis arcus.* Labores Præmia sequuntur, „*Qui seminat in lacrimis, in exultatione metet.*

Disputemus ergo, & absque vlla pietate, argumentorum ictibus ingenia adinuicem nos feriamus: at arguendo modestiæ limites non sit qui transcendat. Veritatem ex difficultatum tenebris elicere, sit nostrum intentum. Literariam iactabundus non quis ingrediatur arenam. Laus in fine canitur. Aduersariorum iactantias libenter audiam: illorum quæ obiurgationes, vsquē quò sufferri possint, tacitè sufferam. Cameli instar, iuxta proprias vires, onera patiar: quæ cum nimis sint grauiā, illa impatiens eiiciendo, è silentij terra exurgam. Ad parietem vsque, hostis non est reducendus. Dormientem Canem non sit qui tentet: per æternitatis tempora, rabidi morsus, forsan nō

inuenient medelam. Superba ingenia me non deterrent: huiusmodi similia derisit semper anima mea: Superbix enim ignorantia ut non coniungatur, est impossibile. Humiles intellectus semper fui ego admiratus. Humilitas nanque virtutum omnium est fundamentum: & *Sape sub sordido pallio sapientia latet*, Cicero dixit. Pacem insistentio sententias, qui mecum non quarunt, pacem, nec ego quæro cum illis, sed perpetuum bellum. Rixarum in Liceis, nunquam apud me fuisse penuriam intelligat unusquisque. Honorabo honoratus, blasphemabo blasphematus. Qui velit ingenio cedere, nullus erit. Neapolitanorum Medicorum sententijs, si me non facile adscribam, proteruum non sit, qui me credat: non enim Neapolitanorum doctrinæ Apollinis sunt oracula. Doctissimos illos esse, ego non nego: at in Medica arte, dubitandum, semper aliquid remanet. Senex erat Hippocrates, & ad Democritum scribens, artis Medicæ finem se non adhuc esse assequutum, confitetur. Æsculapium pariter Medicinæ inuentorem, in multis à se dissensisse, tradiderunt Antiqui. *Ars longa, Vita brevis, Occasio præceps, Experimentum fallax, Indicium difficile*. de Medicina, ipsemet Hippocrates decantauit. In sanas ignarus Vulgus, necnon indocti quidam Salernitani Medici, meas declamant sententias; at de his ego non miror: apud stolidos enim *virtutis labor insania induitur*, Sic Hippocrati Democritus scripsit. Sed insanas illas iam concedamus, & si ego Democritus ridens, aliorum Medicorum, curandi modos qui spernam. Meam ergo insaniam pietatis causa vestris dogmatibus, o vos Neapolitani qui tot Hippocrates estis, ad curandam venite. Abderitarum Ciuitas, hac de re non vos orat, sed lacrimantium ægorum caterua. A mearum sententiarum sequacibus, timent illi ne occidantur: duas enim in Medica arte defendendo ego sententias, languentibus, vel apprimè vtilis, si veræ sunt; vel multum perniciosas, si falsæ existunt. In morbis non ex supernis, sed ex infernis venis sanguinem educi debere, est prima sententia. Medicamentum vel eradicans, vel minoratiuum, ut dicunt, cruda existente materia, prorsus non conuenire, est secunda, sed tantummodò vel cum turgeat illa, vel cum est concocta. In prima Conclusionem à meis argumentorum ictibus, se Aduersarij defendant: in secunda autem, de qua quid ego sentiam, iam sparsim in his Duellis apparet, contra me literaria inijciant tela: in uanum quod illa cadant ostendere, hoc, meum onus erit.

Ad has ergo, in medica facultate extirpandas hæreses, (ignari ut inquirunt) miserorum languentium uos moueant lacrimæ: & uestrarum o Neapolitani, doctrinarum ueratro, mei intellectus sanate stultitiam. O enim me felicissimum, si quod Hippocrati contigit, & uobis continget. Ad Democriti curandam insaniam, ad Abderitas accessit

accessit Hippocrates: at Philosophi inspecta prudentia, admiratione plenus ille discessit. Sed vox interea faucibus hæreat & fluctuantium ingeniorum motus inperterriti expectemus.

ARTICVLVS DVODECIMVS.

An in Hepatis inflammationis principio medicamentum conueniat.

Prolixitatis in errorem incidere, dubius si ego non essem, in febrium principio putridis humoribus intra venas existentibus crudis, minoratiuum saltèm medicamentum, an conueniret, examinarem: at quoniam ob Aduersariorum cateruam: non pauci, est res hæc momenti, & paucis quæstionem hanc definire, in coclea Oceanum esset perstringere, illam idcirco, silentio prætermittens, ad propositum quæsitum me transfero.

Medicamentum, & sanguinis missio, quòd in inflammatione conueniât, ego non nego: vtraque enim, in illa, sanguinis missio dùm tamen præcedat, Hippocrates, & Galenus concedunt. At quoniam quatuor tempora Inflammatio habet, principium, augmentum, statum, & declinationem, quemadmodum idcirco, putrescentibus intra venas humoribus, illos ante coctionem, non esse purgandos, existimo, ita à venis cum exudarint foras, adeo vt in tumore eleuauerint vasa, non nisi pariter, post coctionem medicamentum, in inflammatione conuenire, ego sustineo: hinc in inflammationis principio medicamentum ægro tribuere, morbum curare non esse, sed ægrum occidere, in Hippocratis & Galeni sententia, vt certum defendo.

Sed mea hæc scripta legentibus, nimis libera quæso, conclusio ista non videatur. Clarissimis enim verbis in 4. de rat. viñt. tex. 22. ab Hippocrates sic registratur, *Quicumque autem ea quæ inflammantur statim morborum inter initia medicamento soluere conantur, ij non solum ab intensa inflammataque parte, nibil adimunt, cum non cedat, obsequaturque quæ adhuc cruda est affectio: verum quoque & quæ morbo resistentia, & sana sunt, absument, colliquantque: ductoque ad imbecillitatem corpore, morbus superior euadit, qui ubi corpus vicerit, remedium non habet.* Ecce ergo, nulla vitiosi humoris ex inflammato membro, in inflammationis principio, cum euacuatio fiat, immò sanæ ex medicamento cum colliquantur partes: ecce inquam, quòd in aliquo viscere, inflammationem patientibus ægris, medicamentum tribuere, mortem est illis asferre, & quod ægros in inflammationis principio, medicamentum sorbere, mortis calicem est bibere.

Adde præterea, quòd Hippocrates in 2. de fracturis tex. 27. in cal-
cis pedis inflammatione, quandò nempè quis ab alto ceciderit, ad
excitandum vomitum, album veratrum iubet, dummodò tamen fe-
bris non adsit: verùm continua si adest febris, in textu 29. sic ille ait,
*nàm si febris continua sit, medicandum non est: sed à cibis, & sorbitionibus
abstincndum: potioneque utendum aquæ, non vini, sed mellæ.* si ergo in cal-
cis inflammatione, inter omnes corporis partes, ignobilissimæ par-
tis, albo veratro vomitum, continua febris cùm adest, non con-
cedit Hippocrates, immò estò febris non esset, ad vomendum,
album veratrum tribuere non auderet Galenus, vt in commen-
to fatetur; quantò itaqùe magis in Hepate inflammato non
solum per vomitum, sed etiam per secessum, à medicamento est ab-
stinendum.

Hinc colligas velim, quàm ridiculum sit illorum argumentum, quòd
nempè Hippocratis, & Galeni temporibus in inflammationis prin-
cipio medicamentum non concedebatur, quia benedictis medica-
mentis illi carebant, quibus nos abundamus.

Sed intellectu carere tales Medicos sic dicentes est autuman-
dum: non enim tunc temporis, aut sterilis erat Natura, aut tan-
torum virorum sterilia erant ingenia. Contremiscebant quidem,
in tribuendis medicamentis Hippocrates & Galenus, *nàm turpis
est calamitas*, vt in libro de medicamentis purgantibus Hippo-
crates dixit, *medicamento purgante dato, hominem occidere*. Leuia,
non illis disiciebant remedia, morborum in principijs, quæ con-
cedere possent, sed in morborum principijs, vitiosi ne tantillum
quidem humoris, ad euacuandum, apta illa non esse existimant.
Medicamenta, quæ nos benedicta vocamus, vt Rosam, Violam,
Mannam, Cassiam, Reubarbarum, Mirabolanos, Agaricum, &
alia huiusmodi, Hippocratis & Galeni etiam fuisse temporibus, in
eorum libris, qui cæcus est, non legit. Rarò medicinis istis Hip-
pocrates & Galenus, si vsi fuere, ad illarum inefficiam, aut aliarum
ad maiorem virtutem, est tribuendum, nisi Hippocratis, & Ga-
leni ignorantiam quis credat, illis forsàn se doctiorem existimans.
Ad purgandum post coctionem, valentibus quia utebantur medi-
camentis, Peplio nempè, Veratro, Colocyntide, & alijs, coactos
fuisse idcirco Hippocratem, & Galenum, non est arbitrandum:
nàm post coctionem, iuxta humoris exigentiam & leuibus uteban-
tur, & forcibus. In calcis inflammatione (exempla si cupis) album ve-
ratrum vomendi causa iubet Hippocrates, sed statim subdit, *con-
tinua si febris non adest*; & febris estò non adsit, illud concedere ma-
gistimidis, non audet Galenus. In inflammationes declinatio-
ne, Aloes cùm alius non deycit, tanquàm forte medicamentum

à Galeno timetur, hinc 13. meth.c.20. his verbis ad leuiora se transfert „ *Caterum ubi phlegmone prorsus inclinauerit, si quis paululum aloes admisceat, causa deijciendi ventris, qui prorsus non deiecerit, nihil laedet. Verum satius est, mercuriali, aut urtica, aut cnico, aut talium aliquo, aluum sic laborantium subducere.* E phlegmone postea si quid Scyrrosolum relinquatur, ad valentiora Galenus medicamenta deuenit, & crassilis, & viscosis humoribus indicatione desumpta, vt de Hepatis inflammatione in hoc eodem libro cap.15. fatetur: at vbi phlegmone iam concoquitur, ibi inquit, *Per ventrem vacuare, si Hepatis cauum afficitur, cnico cibus admisto, & urtica, & mercuriali, & epithymo, & filiculis omnibus prater ea, quæ modicè aluum deijciunt.* quæ omnia simplicia, leuissima medicamenta esse, non est dubitandum: nam modicè, vt dicit in hoc loco Galenus, deijciunt aluum: immò cnicus & mercurialis cum ptissana, si coquuntur, ad aluum ciendam ex 5. de sanitate tuenda cap.9. senibus dantur, vtpotè quæ dicit ibi „ *Modicè medicamentorum vim obtinent, & ad aluum corrupti cibi vt descendant ex cnico, & epithymo in 6. de sanit. tuend. cap.7. medicamentum componi dicit Galenus, ex eo quòd hæc simplicia, ex ijs sunt, quæ leuiter deijciunt.* Non ergo in morborum principijs, benedictis, & leuibus, quia medicinis carebant, purgationem idcirco Hippocrates, & Galenus negarunt, sed in morborum principijs, quia crudi humores etia in leuem non indicabant purgationem; medicamentum propterea, hac de causa in morborum principijs illos negasse, est asserendum.

Collige secundò, quòd medicamentum si in calcis inflammatione iubet Hippocrates, quando febris non adest, eodem pariter modo quando febris non adest, in alicuius partis inflammationis principio, medicamentum à Galeno concedi, intelligendum esse existimo: febre enim absente, externam, & ignobilis partis inflammationem esse significatur, in qua ex medicamento assumptione, colliquationis non est periculum: è contra autem in internis visceribus quando est inflammatio: nam hanc necessariò concomitatur febris, hinc necessariò phlegmones ex medicamento augetur, vt 13. meth.c.11. fatetur Galenus: ibi enim de Iecinoris inflammatione loquens, quòd illa, asserit, non medicamento, sed sanguinis missione curatur, immò ad sit quòd alicuius partis inflammatio, estò per purgationem sanari possit, non sic tamen est Hepatis phlegmones, & de oculorum inflammatione exemplificans, hæc ille dicit „ *Siquidem ex ijs, quibus oculi tentari phlegmone ceperant, nonnullos sola purgatione per aluum, vno die sanatos vidisti. Quam rem si quis facere in Iecinore, cum phlegmone laborare incipit, tentes, maximam excitabit phlegmonem.*

Adde vterius, quòd si Hepatis pars conuexa est inflammata, non solum

solùm in eius inflammationis principio, sed etiam in declinatione, quando est iam cocta inflammatio, medicamentum non continetur.

Ratio ex Galeno desumitur. Tribus enim tantummodò Crisimodis, ut 3. de Cris. cap. 3. docet, Hepatis conuexæ partes inflammatae obediunt, fluxibus nempe sanguinis è nare dextra, sudoribus bonis, & urinis abundantibus: at quò Natura vergit, eò Medicus ducere oportet: ergo non alias, quàm illas, quas tentat ipsa Natura debet Medicus tentare vias: ergo Hepatis in conuexæ partis inflammatione, quia illam per secessum Natura non soluit, sic pariter Medicus, in eius declinatione, medicamentum dare non potest.

Verùm quia Hepatis cauæ partes quando sunt inflammatae, illas per tres alios Crisimodos Natura sanat, excrementis nempe alicuius biliosis, sudoribus, nonnunquam verò & vomitibus; medicamentum idcirco inflammatione iam cocta, ego pariter cum Galeno concedo: omnes etenim Crises, coctionem supponere in Medica arte, vel confor sit, huius rei non est ignarus; & absquè coctione, Hepate inflammato, aluum fluere vitiosum est symptoma ut 2. in 1. procreth. com. § 8. dixit Galenus.

Sed totius corporis euacuatione si non solùm inflammatio curatur, verùm etiam inflammatae parti remedia applicando, ab affecta igitur parte medicamenta applicandi, quæ indicationes sumantur, nunc discurremus. unde sit

ARTICVLVS DECIMVSTERTIVS.

De indicationibus, quæ parti affectæ medicamenta applicari, ostendunt.

INflammationis quatuor cum sint tempora, parti idcirco affectæ, medicamenta applicandi, quatuor indicationes insurgunt: in principio enim repellendi indicatio exoritur: in augmento repellendi, & concoquendi: in statu concoquendi: in declinatione tandem euacuandi, vel insensibiliter discutiendi: inflammatio enim vel discutitur, vel in pus mutatur, ex lib. de morborum temporibus cap. 1. vel etiam in gangraenam terminatur, ut in libro de Typis c. 6.

Hæc attamen Regula quamuis sit cuilibet inflammato membro communis, ab illa tamen Hepatis, & Ventriculi inflammatio excipitur, ut 13. meth. cap. 16. Galenus asserit, & rationem assignat, ex eo quòd istarum partium munus, toti corpori est ex usu, hinc illarum tueri oportet virtutem; quomobrem 11. meth. cap. 16. dixit.

Si quidem in ventriculo, ac iecinore exolui robur, est perniciosissimum: in illis minime est periculosum: loquebatur enim antea, de alijs inflammatis partibus, vt intestinis, peritonæo, & cæteris: vnde ibidem relaxantibus cataplasmatibus, adstringentia misceri iubet, vt absinthium ponticum, mirabolanos, malum cotoneum, & alia huiusmodi; ad hoc nempe, talium membrorum, vt conferuent virtutem.

Collige ergo ex his, quod in Hepatis, & ventriculi inflammationibus, mixtæ facultatis, quæ partibus istis applicantur, debent esse medicamenta. Vnum tamèn aduertas, quod in istorum viscerum inflammationis principio, solis repellentibus si quis vteretur peccatum non esset: & ratio à Galeno 13. meth. cap. 16. assignatur, quia nempe tunc temporis vel paucum, vel tenue est quod influit, & illorum viscerum facultas fortis est, & non adhuc lassata.

At in quem rerum difficultas me duxit errorem. In quouis namque morbo, victus ratio prima est quæ instituitur, & victum in tali affectu præscribere, fui ego oblitus. Sed pœna, non est hic error dignus. Ieiunare Hepatis phlegmone laborantes iubet Hippocrates, & hac de causa cibum illis decernere, non fui recordatus. fit ergo

ARTICVLVS DECIMVS QVARTVS.

De victu in Hepatis Phlegmone.

INter Medicos, & femellas quotidiana in cibandis ægris exoritur pugna. Ægros victu pleno cibari, semper illæ contendunt: satius namque est, cum morbo pugnare, vt aiunt, quàm imbecillis cum viribus; & sic proteruæ, ægros malunt saturos mori, quàm ieiunos sanari.

In hoc duello, victi multi medici cadunt: mortis enim euentus, tenuissimo ne ascribatur victui, illi expauescunt; hinc propriæ indulgentes sanæ, mulieribus indulgent, ac cedunt.

At quoniam si quis cibum, ex Hippocrate 7. aph. 61. febricitanti dederit, vt sano robur, sic laboranti est morbus, seu morbi est causa efficiens, vel causa eius augmenti, vt asserit in commento Galenus; caueant ideirco Medici omnes, ægrorum si nolint esse homicidæ, plenum cibum antè morbi acuti declinationem, ægris tribuere: augetur namque ex illo morbus, immò euidenter, mortis. potest esse efficacissima causa, vt 1. epid. sect. 3. ægroto 12. de illo historiam refert Hippocrates, qui parùm initio febricitans, quid largius cœnauit, & potauit, in febrem incidit acutam, & periit: & Philonis filia, ex 1. epid. sect. 2. tex. 79. cum ex naribus, et sanguis copiose erupisset,

piſſet, ſeptimo die intempeſtiuius cœnata, deſuncta eſt.

In Phlegmone ergo victus ratio inſtituatur à duobus illis, quæ Hippocrates docet, indicatione deſumpta, morbi ſcilicet ſummo vigore, & virium robore: Tenuiſſimum nauquẽ victum, morbi indicat ſummus vigor; quem, ſi valentes fuerint, non contraindicant vires: hinc 10. meth. cap. 5. ſub longa inedia, phlegmone laborantes ſe tenuiſſe, ſateetur Galenus, *ut prorsus*, ſic ibi inquit, *antè ſeptimum diem non cibarem, ſed ſola mulla contentus eſſem, viribus ſcilicet valentibus. Quosdam eorum quibus videlicet vires validæ non fuerant, aut ſtomachus bilioſus, aut imbecillus, aut plus iuſtò ſenſiliſ, ſolo piſſana cremore uſquẽ ad ſeptimum diem traxi.* Et in 2. de fracturis tex. 29. in calcis inflammatione à cibus, & ſorbitiõibus abſtinendum iubet Hippocrates, & non vini, ſed aquæ mellæ potiõnem tantum concedens.

Verum quia omnium viſcerum inflammationibus ex allegato 10. Meth. cap. 5. vna ſalus eſt virium robur, conſulerem ego propterea, à viribus indicatione ſumendo, quæ non ſolum ad præſens, ſed etiam ad futurum conſervari debent valentes, per ſeptem dies ultra piſſanæ cremorem, ſorbitiõibus etiam uti, quamvis Hippocrates ab illis abſtinendum præcipiat, ſed in viribus, quæ per totum morbi curriculum fortes illæ perdurent, aſſignatam regulam eſſe obſervandam, interpetratur Hippocrates: & ſic modò iura conſumpta, nunc piſſanæ cremorem, nunc ambo, nunc loco mullæ coctas aquas cum iulepis iuberem: ſolidos autem cibos, ut panem, gallinam patillos, olera, & ſercula omnia, immò & iura contuſa ego interdicerem. Nec ius contuſum, leuiſſimum ab omnibus exiſtimatum cibum, & vires ad conſervandas, quammaximè efficacem, miretur aliquis me abhorrere: illius enim, & meus ſtomachus, & meum ingenium, etiam nomen abhorrent: ex eo quia minoris nutrimenti illud eſt, quàm ius conſumptum: in iure nanquẽ contuſo, gallinæ ſubtilis pars per coctionem, in ius fuit depoſita: hinc illa pars, quæ contunditur, ſæculenta eſt, vel ſaltem ſubtili illa parte, cum depauperata remaneat, pauci eſt nutrimenti; at in iure conſumpto gallinæ ad nutriendum partes omnes, in ius deponuntur, & poſt expreſſionem, quod remanet, quia eſt ſæculentum, eiicitur: maioris ergo nutrimenti eſt ius conſumptum, quàm ius contuſum.

Adde quòd ius conſumptum facilioris eſt tranſitus: hinc à vitioſi humoris, & phlegmonis coctione non multum Natura diſtrahitur.

Adde ultimo, quòd ius conſumptum ratione ingredientium quæ ponuntur, ut radices borraginis, bugloſſæ, acetofellæ, melonum, ſemina, hordeum mundum, & alia huiusmodi, qualitate refrigerantia, & hu-

& humectantia, non solum est nutrimentum, sed etiam medicamentum, cuius gratia alterantur humores, illorumque feruor remittitur, & maxime sulphuris, aut vitrioli spiritus, si addantur: putredini enim isti resistunt, subtileque humores per urinae vias euacuant.

Sic ergo phlegmone laborantibus instituitur victus: & phlegmones sic curatur. Literarijs. apertum ictibus, sic meum ostendi pectus. Ingeniorum itaque, o vos omnes, quorum pectora, gloriae stimulatur cupido, nunc acuite aciem: & doctrinarum sagittas aduersus me iaculamini: *Ferte citi ferrum, date tela, scandite muros.* At quoniam & iaculis pectus offerre, & iacula inimico pectori iniicere bellantium si communes sunt leges; militum quoque instar nunc bellemur & nos: hinc literarijs. vulneribus. meum primo si ego obtuli pectus, vestra pectora meis ictibus. nunc preparate, quos effugere si potestis, effugite: ad vestros enim, o Caphare, & o vos alij Medici, in languentis curatione qui adfuitis, demonstrandos. me conuerto errantes. unde sit.

ARTICVLVS. DECIMVS QVINTVS.

Medicorum in proposito caso demonstrantur errores.

RECTUM quia sui iudex est, & obliqui; Hepatis ideo inflammacionem, secundum Hippocratis, & Galeni principia tum cognoscendi, tum praesagiendi, tum curandi legibus constitutis, in quo fuistis hallucinati, sole clarius nunc elucescet.

ERRASTIS itaque vnanimiter primo, quia morbum non cognouistis: duplicem nanque, ex bilis putredine exortam, credidistis vos tertianam, & illa febris erat acuta, ex Hepatis inflammatione dependens. At Chiaritius & Robertellus morbum istum. quod non cognouerint, non ego admiror: istorum enim doctrinae, satis mihi innotescit, quod Diariam non pertranseunt febrem; & vltro si progrediuntur audaces, ridiculos, ut demonstrobo, committunt errores: hinc mihi admirationem, tu solummodo o Caphare ob senectutem, doctum, qui te fingis: & credis, quam maxime peperisti. Inflammatum in tali agro esse Hepar, a torporibus, & femellis cognitum, adhuc etiam fuisset: ictericam nanque affectum Iecur arguere, sciunt & ipsi pueri. Nec praeterea aliud poterat cum turbida urina, ab ingenti calore quae prouenit, humorum ebullitionis causa, cum febre acuta, cum virtute languida, cum extremorum subfrigiditate, cum difficul-

tate spirandi, alijsque signis vt suprâ, quàm Hepatis non leuem, sed magnam inflammationem, morbus regius significare. At dices quòd senectus obliuionem parit, hinc talium principiorum, non fuisti tu recordatus. Vel saltèm, hoc si negas, te in iuuentute doctrinas istas non legisse, est concludendum.

ERRAVIT secundo Robertellus, quia venam in pede tertio die secavit. Sed oh ignorantiam magnam. Turbidæ secundo die erant vrinæ nullumque crudum, venter continebat cibum, serò nanquè non cœnauerat, & ipse secundo die venam nò secat? Exurentem calorem, humorum ebullitionis causam, si turbidæ arguunt vrinæ, cur statim, sanguinis missio si refrigerat, sanguinis missio, tantum non attemperare feruorem? Si ex obstructione, in febre quæ gignitur, in putridam ne fortè illa transeat, sanguinem secundo die mittit Galenus, cur ergo in hac febre, quam vel non esse citrà putredinem, vel non citrà inflammationem vrina turbida ostendebat, sanguinem, secundo die non mittere? Sanguis in ipsamet putrida febre ex eodem Galeno, si statim extrahitur, putredo, ne forsan quæ est in sanguinis parte, vniuerso comunicetur sanguini, cur itaque in hac febre, quam putridam esse, ratione turbidæ vrinæ, non poterat saltèm non credere, venam non secare? Si de repente fit inflammatio, vt docet Galenus, ad quid tandem tempus expectare, & morbo dare tempus, suas vt figat radices? Vel cur corpus non reddendo auarum, reuelendo, & deriuando, quàm citissimè sanguinis missionem non iubere? Sed quid? de tali errore vana, mea est admiratio: dùm in Hippocratis, & Galeni doctrinis Doctor iste inexpertus, tanta considerare non potuit.

ERRASTIS tertio vnanimè; in quinto die dando illi medicamentum. Sed ò Athenarum sapientes noui. Dicite quo Hippocratis, aut Galeni in libro, homicidam hanc vos didicistis doctrinam? Per sexaginta ferè vices & in magna quantitate fœtidi, & biliosi fuerunt quidem ex vestro pharmaco euacuati humores, at dicite quale fuit iuuamen, inflammatio forsan quæ in Hepatis caua aderat parte, post medicamentum ex manifesto regionis Hepatis tumore vt apparuit, ad conuexam comunicata? Vel incendijs forsan augmentum, dummodò serositates omnes calore absumente, per duos dies æger non minxit? Ah cæcos, Vitiosus à medicamento cùm non trahitur humor, sani humores colliquefcunt, & carnes: hinc fœtidarum fœcum excretio accidit copiosa. Humorum ergo bona euacuatio illa non fuit, sed colloquatio: bonam etenim euacuationem, coctio debet præcedere, immò & discretio. At quæ coctio aderat, turbidæ si erant vrinæ? Fit euacuatio medicamento attrahente, & Natura expellente: sed quos poterat medicamentum trahere humores, si ex eo quòd crudi,

crudi, obediētes non erant? Quid valebat Natura expellere, si in morbi principio, ab humorum sarcina, succumbebat oppressa? Non ratione Naturæ, in morborum initijs excernitur aliquid, sed ipsiusmet morbi causa euacuatur. Coctiones, Naturæ sunt opus, & Medicus si Naturæ est emulus, coctionem debet moliri. In humorum cruditate bene aliquid euacuari est impossibile. De quodam Patio 3. epid. sect. 3. ægroto 1. historiam refert Hippocrates, qui febre acuta correptus, urinis existentibus malis, centesimo vigesimo die obiit, & principio illi usque ad finem esto lubrica extitisset aluus, & biliosa, multa, & humida excreuisset. Ac tandem 1. epid. sect. 2. com. 37. ut dicit Galenus, „ *Qui procedunt morbi à coctionis difficultate, & copia crudorum humorum, nullum ab excretionibus consequuntur emolumentum.*

Nec se decipiant Medici, ex pharmaco in principio morbi assumpto, aliquem si vident non mori: valentes etenim vires, Medicorum contemnunt errores: quemadmodum sanguinis pariter missione relicta, 9. meth. cap. 4. ut dixit Galenus, percunt quidem ægri, nisi illos virium robur à manifesta morte eripiat: immò tanti momenti valentes sunt vires, ut irreparabilis si quando est morbus, mortem saltem retardent, sicut 3. epid. sect. 2. ægroto 12. de muliere illa; ab Hippocrate relata Galenus asserit, quæ mortali morbo correpta, superstes esse non poterat, sed nono, aut vndecimo illa mori debebat; usque tamen ad decimum quartum diem, vitam produxit, propter ætatem iuuenilem, & Naturæ robur. In salubri morbo, crudi ubi sunt humores, medicamentum si detur, mortis periculo æger exponitur: cibus nanquæ, ut in Philonis filia intempestiuè tributus, si mortis est causa, quantò magis medicamentum. Nunquàm bonus ex pharmaco, in principio morbi, sortitur effectus, sed registrata ab Hippocrate in 1. epid. sect. 2. tex. 46. hæc accidunt mala „ *Cruda, & incocta, in malos abscessus conuersa, aut acrisias, aut dolores, aut diurnitatem, aut mortem, aut recidivas.* In maligno tamen affectu, coctio ubi frustra speratur, medicamento exhibito, cum humorum euacuatione, animam simul, euacuari est necesse. Coctionem non quia malignus non recipit morbus, statim in illo, esse idcirco purgandum, aliquis credat: sufficit nanque omnia cum ratione facere; & desperatos prætereà non oportet attingere, sed relinquere, & morbi finem tantummodo prænunciare. Nihil temerè est agendum, sed morbis ut prosit, se exercere Medicus debet, non autem ut noceat. Agentes aliquid, vel periclitari, seu satius est anceps auxilium experiri, quàm nullum, Thucydidis hæc sententia in medicamento locum non habet, sed in sanguinis missione, ut lib. 2. cap. 10. his verbis à Celso ediscimus, *Sed si nullum tamen appareat aliud auxilium, periturusque sit, qui laborat, nisi temeraria quoque via fuerit aditus, in hoc statu boni Medici est ostendere,*

dere, quàm nulla spes sine sanguinis detractione sit, faterique quantus in hac ipsa re sit metus: & tùm demum si exigatur sanguinem mittere, de quo dubitari in eiusmodi re non oportet: satius est enim anceps auxilium experiri quàm nullum. Ex ancipiti præterea auxilio, error qui accidere potest 10. meth. cap. 10. vt docet Galenus, mortiferus, aut irremediabilis esse non debet: at ex pharmaco assumpto, error qui accidit, inuitabilis est, Nam quòd semel in vètre deutoratum est medicamentum, ex Galeno in libro de ratione curandi per sang. miss. cap. 12. sicut habetur, quo minus omne deutoratum sit, fieri non potest: neque possibile est, vbi plusquàm conueniat iam purgetur homo, partem oblati auferre: at in sanguinis missione, summum id bonum est, euacuationem dùm voles, posse sistere, ac rursus, quo videatur tempore, fluere sinere, quo adusq; rectè habere appareat. Non ergo in morbi principio purgare, Hippocratis & Galeni esse dogmata, ex meis scriptis colligat vnusquisque. Tanquam cadauer, vt aiunt, ægrum qui purgat, quàm sit Nerone neronior, saracenis crudelior, ex hoc, omnes cognoscant. Incoctos tandè qui euacuat humores, Medicus ille nō est sed carnifex homicida.

At in proposito casu, talium Medicorum ad improbandum errorem, argumentis ego non vtar; sufficiant nanquè illa, quæ superius à me allata fuerunt; sed solummodo Doctores istos Medicinæ leges non obseruare, immò & quòd talis crassa ignorantia, nequè ab Asino, quem, vt ferunt, legere edocuit Augustinus de Sessa, facta fuisset, præfens, & futura vt intelligat Ætas, assero ego, & sic contrà illos defendo, quòd nempe in Hepatis inflammationis principio, nulla Hippocratis, aut Galeni doctrina quomodolibet medicamentum concedit: & vnà tantum, si pro se ipsis afferant, artis medicinalis, tanquam inscius ego, & victus cadam, & victus cedam.

Sed dices primò Hepatis inflammationem si Doctores isti non cognouerunt, illis ergo falsò talis attribuitur error.

Respondetur purgandi errorem nullo modo posse illos effugere: inflammatum nanquè Hepar ab illis cognitum non fuisse quamuis sit verum, à febre tamen cùm signis illis, & symptomatibus, quæ tactu, oculis, & auribus sentiebant, si cæci, surdi, & tactu priui, non erant, indicatio si sumatur, contrà omnem Medicinæ legem medicamentū tribuere proculdubio est. hinc assero iterū quòd vniuersali in febris principio, turbide vbi sunt vrinæ, morbus regius virtus debilis, difficultas spirandi, extremorū subfrigiditas, immò & in quartæ accessionis principio, per duas horas, totius corporis linor, & alia omnia, in quarto die colloqui, quæ vnanimiter vidimus, audiuius, & tetigimus, assero, inquam, quòd Hippocratis, aut Galeni, quæ in hoc casu, quomodolibet medicamentum concedat, vnā solūm Doctores isti afferant doctrinā, & erunt iterū de me triumphantes: vel ægros cu-

rare illorum, non esse, fateantur officium, sed ægros occidere.

Dices secundò, quòd magna, & eleuata voce, hac in re Doctor Chiaritius, ad medicamentum probandum tres attulit rationes; quarum fuit prima, quòd in ægotante vrgebat, & turgebat humor: nam cubilis de loco ad locum sæpè sæpius mouebatur. Secunda, quòd Hippocrates, in febrium principio, cruda vbi est materia, ad illam minorandam exhibet lac. Et tertia tandem, quòd Hippocratis ille textus „ *Concocta medicari &c.* de paruis, non de magnis intelligitur morbis.

Verùm, ne mancus respondendo videar, ab eius magna, & eleuata ego incipiam voce: vnde assero quòd Philosophus si Chiaritius esset, magnam, & eleuatam, in colloquijs non ederet vocem. Rationem edicere si ipse cupit, obseruet, quæso, quòd inter omnia animalia magnam vocem, Asino tantùm, Natura concessit, ad hoc fortè, vt ex illa, eius sensum ruditas cognosceretur, homini verò placidam, & modestam Natura vocem donauit; ex eo nempe, quia vt Rex animalium ab Asini vilissimi bruti conditionibus, recedere, quàm longè debebat. Ad Asini ergo conditiones accedit, ex hominibus magna, & immodesta, qui vtitur voce. Hinc est quòd sapientes omnes, placida voce, pauca loquuntur: & in celeberrimi illius Philosophi Schola tacere prius, deindè loqui edocebantur discipuli „ *Loqui ignorabit, qui tacere nesciet*, dixit Pittacus, ex septem græcis sapientibus, vnus. Fatuæ mentis, immodesta vox, est certum signum; & nec alios, nec seipsum cognoscere, est pariter argumentum. Pauca Sanctus Thomas loquens, Bos mutus à Condiscipulis dicebatur: at mutulæ eius loquelæ audientur in æternum. Non prædatur Canis latrans, sed prædam attingit, tacitè qui illam sequitur. Imperterritos pertransientes reddunt, quæ fulmina murmurant: at muta, viatoribus, timorem inferunt, & tremorem.

Sed eius rationes iam enodemus. Nec Doctoris huius, (derideri si debent indocti non impugnari,) ridicula quòd soluiam ego argumenta, miretur aliquis: impugnantur nanquè isti aliquando, non quidem disputandi gratia, sed compositionis, vt sint trastullus, & iocus: hinc ridiculus sub auspicijs, Chiaritij sic derideo doctrinas. Afferit ille primò, quòd humor in tali ægro turgebat, quia mouebatur ipse, de cubilis loco ad locum. Sed videte, muscam, si credit iste Elephantem. Simplicem nanquè corporis motum ex internis, & externis, causatum ardoribus, refrigerij inueniendi causa, turgentiam existimat. Non corporis præterea sed humorum inordinatus hinc inde est Turgentia, motus: adeò vt vagantes humores, nunc caput, nunc tybia feriant, nunc Cor, nunc oculos, nunc ventriculum, nunc ad alias corporis partes oberrent: at inordinatus humorum hic motus,

tus, in languente non erat. Afferit ulterius, quòd etiam humor ille urgebat. Et ecce quòd non solum terminos medicinales nescit, sed contradictoria loquitur ille indoctus. Vrgere nanquè humorem significat iam defixum in parte, at illum esse vagantem, turgere ostendit: sed fixum esse, & non fixum contradictoria sunt: ergo est contradictoria loquutus.

Ad secundum de lacte. Respondeo; quòd melius legat ipse Hippocratem, & non solum videbit, quòd in febribus, concocti, necnon ad expulsionem parati, quando adsunt humores, lac Hippocrates exhibet, sed etiam quando febris non adest, lac tribuere debens, antè eius exhibitionem, multis modis, primò humoris coctionem procurat. Non soluo textum aliquem, quia nullum ipse enarrauit.

Ad tertium, quòd nempe Hippocratis ille textus „ *Concocta medicari* &c. non de magnis, sed de parvis intelligitur morbis. Respondeo ego, & fateor quidem, quod Doctoris Chiaritij est hoc commentum nouum. Attramen si græcus ille Poeta, sua carmina quia inconcinne figulus decantabat, omnia vasa, quæ ipse elaborauerat, Poeta infrinxit: sic Hippocrates, si viuus esset, suum textum tam falsò, & indoctè à Chiaritio si explicatum audiret, Chiaritio infrangeret caput.

Et ecce (hæc mea scripta à vos, qui legitis) Naturæ dogmata, & principia quàm sint infallibilia, & vera: in magna nanquè, & eleuata Chiaritij voce, argumentorum, & conceptuum nullitas, ecce iam obseruata. Non ergo, Chiaritij discursum, veluti dulcis esse Philomenæ cantum, sit qui existimet: ab hoc mendacio ille offendetur: ex meis etenim dictis, responsionem fortasse colligant aduersarij, Chiaritij concedentes discursum, esse quidem Philomenæ cantum, sed Philomenæ rudibilis, in mense Maij.

Dices tertio quòd Chiaritius hac in re, ad suæ opinionis confirmationem, necnon vt me impugnaret, duorum foliorum composuit opusculum, cuius titulus erat „ *Assensus, & Dissensus Medicorum*: quodque in lucem edere iam stabundus publicè declamabat, & veluti pretiosam geminam, illud ab omnibus existimaturum fore, asserbat.

Sed non adhuc vsquè, in lucem pretiosa hæc gemina comparuit; & tantum admirari opus quòd ingenia priuentur, Chiaritij est crudelitas magna. Sed de sui partus suffocatione, ab experientia edoctus, rationem ego assignabo: suum opus non edidit Chiaritius in lucem, quia suum erat, & consequenter ridiculum: edidisset quidem alterius si fuissent Auctoris. Exemplum si quis concupiscit, in memoriam Salernitani reuocent, dum contra centum Medicas conclusiones, theoricæ quidem ad Aristotelis mentem, practicæ verò secundum Hippocratis, & Galeni principia, ad quas defendendum, me

assistente, meus erat accinctus discipulus, ut, inquam, contra illas arguerent, tùm Salernitani studij Lectores, tùm ex alijs vicinis partibus, illustres habiti viri à me conuocati fuere; non tamen Chiaritium istum conuocari, ex eo quòd, obscuri nominis erat, & erubescbam præterea, in meo circulo Doctorem esse arguentem, qui gratosè Doctoratus recepit insignia: textum etenim recitando, à præfationis principio vsquè ad finem, turpiter Chiaritius memoria defecit; hinc à Collegis, nigras multas habuit fabas, sed tandèm amicorum in gratiam, gratosè ad Doctoratus gradum fuit assumptus: nec post hanc contumeliam, literarium aliquod gestum, de ipso fuerat auditum.

At suum resarcire honorem, in hoc circulo credens infelix, prouocatoriam Epistolam, quam eius precibus Pater Franciscus Iordanus Iesuita, humanitatis magister composuerat, luci gloriosus mandauit. Infantæ mentis ridiculos motus istos, deridebam ego: at salis, & felli meo calamo intincto respondere si scirem, ut cognoscerent omnes, illam legere anxietate magna exoptabam; quando Pater Iesuita per Ioannem Baptistam Ferrarium, tunc temporis eius discipulum, Epistolam ad me demisit, in illa, ex quo dolerem, non aliquid esse, ut ego inspicerem. Epistolam ista erat.

IN LITERARIAM ARENAM,

*Non vocatus, sed prouocatus descendit,
Philosophica, et Medica artis Doctor*

*Franciscus Chiaritius Salernitanus,
In Doctorem Vincentium de Petroze
Publicum Philosophia interpretem.*

NON temerè (erudite Vincenti) sectatores nostros sapientiæ clypeo circumseptos, literarum acumine lacestisti; adeò enim in opulento Scoti Emporio elaborasti, ut meritò tuum ingenij horreum, præ grauitate laxetur. Itaque Philosophiæ principijs tutè innitens, illam, per summam dignitatem sustentas, ut nedum eos, qui se argutis concertationibus dedere nancium; verùm & eorum, qui ad illas sedulò incumbunt, terres propugnacula. Quidni ergo, si præceptorum tuorum (licet ab ipsis dein derisas!) sententias defendere polliceris? illud Persei asseuerans (velle suum cuique est, nec voto viuatur vno) si ut à veri tate aliena, ac temeritate notata vulgi dogmata refellis? Maioris profectò nominis est, ut Princeps eloquentiæ testatur, à veritate aberrantes tueri sententias, quàm

iniquè

iniquè damnatis penitus adhærere. At ò gloriæ capessendæ cupiditas; opinaris post gressus viam ab auctore reiectam, comprobata experientia certiore? Nihil quippè temeritate turpius, nec quicquam tam sapienti indignum, quàm aut falsum sentire, aut quod non satis exploratè perceptum sit, & cognitum sine vlla dubitatione defendere: nisi fortassè tuum inducas in animum, tuarum sententiarum veritatem petra firmius (cuius nomenclaturam iactas in cognomine) ad competitorum obiecta stare. Verùm fundamentorum firmitas alta sæpè ædificia elusit. Arbitraris ne, tuæ exultationi opprobrium ea persequi dogmata, quæ altioris fortasse ingenij olim fueret? Si ita est, vt singulari doctrina tua, mentis nostræ inscitias deleas, amice tibi contradicere decerno, vt crebris argumentorum ictibus ab hac petra lucidas valeam excutere scintillulas, & ad sapientiæ attingenda confinia, & ad inscitæ caligines repellendas: sic pro nostra inscitia obliteranda, ream (vt inquis) medendi rationem, à culpa mihi spondeo vindicaturum; quin si tibi lubet, omnibus assertionibus me obiecturum pro veri parte suscipio.

Lectæ à me Epistola, paucis horis, sub nomine defendentis discipuli, hanc ego responsum composui.

*Francisco Chiaritio Salernitano, Philosophicæ,
& Medicæ artis Doctori.*

Anselmus de Marone Vetranus S. D.

NON potui (ò Chiariti) tuas præceptoris meo Vincentio de Petrone, demissas non adinirari literas? (tuæ si illæ sint, aut Patris Iordanis.) Literaria enim arena vocatis, & non vocatis conceditur illa communis: immò & te non vocauimus, non prouocauimus: neutrius causa aliqua erat: vocantur etenim, & prouocantur non qui scire se iactant, sed quorum ingenia, suam disputando in circulis sapientiam, nullies demonstrarunt, aut quorum scripta, quæ prodierunt in lucem, lucem literis addiderunt. Vel scribendi ratione fuisse dices, tui nominis sic forsitan credens immortalitatè aucupari. At credulus aberrasti. Hostem nanquè non vox deterret, aut vibratus ensis, sed ictus, sed vulnera. Triumphum, qui canit ante victoriam, artis militaris est inscius, belli exitus cum sit incertus. Vel tam falsas, aut temerarias nostras credis sententias, vt ex se ipsis solo auditu, temeritatis faciant argumentum? Sed falleris, & nostras conclusiones, aut non legisse, aut non intellexisse videris: Hippocratem enim, & Galenum, in Medicis sequimur theo-

theorematibus, Aristotelem in Philosophicis, in quibus Galeno si contradicimus, abs re non est: Philosophorum equidem non est Princeps Galenus, sed Medicorum; & in messem alienam, sine fallacia, non est immittere falcem. Vel fortè iactabundus scripsisti, vulgarem cupiens, exili hoc scripto, captare gloriam, ac apud omnes ingenio illustrem, admirationeq; dignum existimari? Sed ò, in literarijs duellis inexpertus, & novus. Parturient montes, & nascetur ridiculus mus. Verùm quæcunque illa sit scribendi hæc causa, Age nunc, Eia ergo, tuam experiri fortunam Audacter literarium exi in duellum: animo ne te perdas: non enim Collegæ sumus nos, Doctoratus insignia qui inferimus; immò & mei MARIS (cuius in cognomine iacto immensitatem) benigno aquarum scientifico affluxu, si qui spiritus disperdentur, reuocabo. Fer itaque argumentorum ferrum. da instantiarum tela: scande nostros fundamentorum muros. Strenuus non est miles, hoste qui absente, ad arma, ad arma proclamat; ad cuius deinde aspectum, terga hostili ferro demonstrat, sed vibrato ense pectus inimicū inuadens, aut vincere qui decernit, aut mori. Ventos in mari non vocet, naufragia si quis timet. Expande igitur quæso, literaria Aquila tui ingenij alas, & immortalitatis inspiciedo Solem, speculationum arripe nunc volatum. At ignorantia, vel falsitatis ceræ, caueas obiectionum tuas insigere pennas: dissoluetur quidem illa à veritatis, percussa mei præceptoris Petra, qui eruitur igne, & proculdubio cadens, eris profectò, sed infælici sorte, æternus. Sic cereis alis, Icarus per aera volans, liquefacta ad Solem cera, cecidit (ò audacem) sua morte immortalis. *Icarus Icarias nomine fecit aquas.*

Disputationis denique venit dies: & suam in circulo mihi non audens ille, demandare Epistolam, ex eo quòd à Iesuita fuisse illam compositam, sciebant iam omnes, meam ipsi, non sine magno adstantium risu, præsentari ego iussi: nec tanta ludibria (ò mirum) brutalem eius valuerunt diminuere vocem, sed alta & temeraria, contra octauam conclusionem sic fuit illè argumentatus. Conclusio talis erat „ *Hinc si contraria in eodem ex Aristotele collocantur genere, erit morbus formaliter primarum qualitatum ametria: per hanc tamen, non harmonia simpliciter priuationem intelligas, sicut per dissimilitudinem, similitudinis priuationem simpliciter Philosophi non intelligunt.* Argumentum fuit istud. Ametria est Relatio, & Relatio non agit: sed morbus agit, quia lædit actiones: ergo morbus primarum qualitatum non est Ametria, seu Relatio.

Sed statim Doctorem istum conclusionem meam non intelligere, omnibus ego manifestavi. Morbus etenim consideratur dupliciter, vel materialiter, & ut sic est qualitas excedens: & hæc est illa quæ agit,

agit, & actiones lædit. Vel consideratur formaliter, & ut sic, quatuor qualitatium est ametria; quæ cum sit relatio, & relatio non agit, ita formaliter morbus non agit. Si ergo in conclusione non indefinite, sed signanter, quòd morbus formaliter est ametria, à me explicatur: & Medicorum est vulgaris doctrina, quòd morbus materialiter etiã consideratur, secundum quam rationem & agit, & lædit: publicè ex his conclusi, quòd primos adhuc medicinæ terminos si ipse ignorabat, conclusionem non intellexisse mirum non erat.

Instauit ille, & balbutiens idem dixit quod supra. At ego principium petere demonstrans, derisioni illum exposuit, & fuit finis. At de Chiaritio iam risisse sit satis: ad alios nunc pertranseamus errores.

ERRASTJS quartò vnanimiter, Mannam in medicamento apponentes. Hippocratis enim sententia est, ut 2. libro de naturalibus facultatibus cap. 8. Galenus asserit, quòd Mel biliosis naturis non est ex usu: subito nanque in bilem vertitur: ad dulcedinem enim generandam qui necessarius est calor, in Melle inuenitur: in alijs verò, quæ ex sua natura calida non sunt, per coctionem acquiritur: hinc est quod Mel coquendo, non fit dulcius, sed citius quàm alia, fit amarum: & hac etiam de causa, ut ad Hippocratis mentem Galenus idè fatetur, morbis Mel non conuenit, quos amara excitat bilis, & calidis, (generaliter ibi concludit) quòd Mel nocet corporibus, siuè illa ratione propriæ naturæ sint calida, siuè morbi, siuè ætatis, siuè temporis anni, siuè regionis, siuè conditionis vitæ: At Manna, & Mel sunt eiusdem naturæ: nam idem Mel, ex plantis prout colligitur, Mel roscidum, & aereum appellatur, seu Manna: ab animalibus verò prout accipitur, Mel dicitur absolutè, in 3. enim de aliment. facult. cap. 39. sic inquit Galenus, „ *Omnis alimentorum materia habetenus duobus generibus est comprehensa, quorum alterum quidem ipsorum, à plantis: alterum verò ab animalibus sumebatur; ab utroque verò ipsorum, Mel est secretum*: Ergo naturis, & morbis calidis, Manna non conuenit, & corporibus generaliter, quæ vel ratione propriæ naturæ, vel morbi, vel ætatis, vel temporis anni, vel regionis, vel conditionis vitæ, sunt calida ergo in tempore æstiuo, quamuis senex, robustæ tamen, & calidæ cum esset æger naturæ, & calidissimo laboraret affectu, Mannam in eius medicamento apponere, eius morbum fuit augere, necnon Hippocratis & Galeni dogmata non seruare.

Collige ex his primò, Mannam in Galeni temporibus non fuisse ex usu, quàm falsò à modernis Doctoribus, existimari. In loco enim allegato de alimentorum facultatibus multa de aereo melle, enarrat Galenus: immò & in sua regione, æstate quadam super arborum, ac fruticum, herbarumque folia, tantam aerei mellis copiam fuisse reper-

reperant meminit, ut ludentes cecinissent Agricola, *Iuppiter melle pluit*: & quamvis ibi hoc rarò accideret, in monte autem Libano Mannam quotannis persæpè colligi fatetur: coria enim super terram extendunt, & arbores excutiendo, quod ab illis cadit excipiunt, & in ollis deinde alijsq; fistilibus Mannam illam conseruant, quam mel roscidum & acreum, Agricola vocant; quia nempe ex roris genere est.

Asserit præterea, quòd in plantis calidis, & siccis ut thymo, & alijs, quæ colligitur Manna, est perfectior: tenuium enim partium ratione, cum Manna acrimoniæ quiddam habeat propter quam alium soluit; fit idcirco ut ex huiusmodi plantarum calida, & sicca temperie, tenuiorum partium sit manna, & efficaciar maioris.

At quem Manna euacuet humorem, & quibus morbis conveniat, à Galeno si quæres.

Mannam respondet ipse tum in loco allegato tum in 2. de naturalibus facult. cap. 8. in bilem promptè conuerti, nec bilem educere; aut biliosis còpetere morbis, aut ob aliquam, ex iam dictis rationem corporibus calidis, sed pituitam euacuare, pituitosos adiuuare morbos, senibus esse amicam, & frigidis tandem quibuscunq; corporibus, vel ætatis ratione, vel morbi, vel propriæ naturæ, aut aliter quæ frigida fuerint, accomodatissimum esse remedium.

Dices non eiusdem rationis Mannam esse apud Calabros quæ colligitur, & illam Galeni temporibus in Monte Libano quæ cadebat, & consequenter huius Mannæ & illius non consimilem virtutem esse est affirmandum. Ratio diuersitatis est, nam Manna apud Calabros ex frondibus non solum excipitur, sed etiam ex quarundam arborum corpore veluti resudat, immò si incidatur arboris cortex, lachrymarum instar destillat, & coacta Manna appellatur: at illa in Monte Libano non ex arborum corpore, sed ex frondibus tantum colligebatur, quare hanc & illam tum diuersæ naturæ, tum diuersæ facultatis esse non immerito est arbitrandum.

Respondetur dicendo quòd Mannæ diuersus colligendi modus non arguit Mannæ diuersam naturam, nec non & facultatem diuersam: vna etenim numero apud Calabros Manna est ex æro quæ super frondes cadit, & ex arborum corpore quæ excipitur: & per consequens modus diuersus diuersitatem cum non arguat naturæ, fit idcirco ut à Manna illa, in Monte Libano quæ pluit, hæc Manna apud Calabros non specie, sed tantum numero differat.

Quòd autem Manna apud Calabros sit eadem numero quæ super frondes cadit, & quæ ex arborum corpore educitur, patet clarissimè, nam illius Mannæ corporis non potest causa esse ipsius arboris natura, vbi cumque etenim talis arbor esset, Mannam gignere deberet, sed

ret, sed est illa eadem Manna, quæ ex cælo cadens ab arborum ramis excipitur, & quæ per arborum poros deinde transcolat, usquequod vel sponte illa refudet, vel per corticis incisionem destillet: eo pariter modo quo temporibus pluuiosis rustici obseruant, in quibus ne ob tantam aquæ copiam à ramis intra eorum poros exceptam; arbores præsertim populi, & vlni putrescerent, propè radices corticem incidunt, & per illam incisionem tota aqua destillat.

Ab Hippocratis ergo & Galeni doctrina quàm longè aberrant Medici illi secundo colligas velim, qui in iuuenili ætate, in biliosis morbis, calidisque in naturis, Mannam ferè semper concedunt, refrigerandi vt inquit causâ; necnon & peccantem bilem leniter educendi, benignum cùm sit Manna medicamentum. Vel sic practican- tium non falsam esse talem si quis contendat doctrinam, tunc Man- næ naturam, & vires Hippocratem, & Galenum non cognouisse, vt concedant oportet. Vel Mannam ab illis temporibus vique ad hæc tempora mutasse naturam est affirmandum.

Errastis quintò, Reubarbarum vnanimi consensu in medicamen- to admiscentes. Sulphur enim apposuisti igni, & in languentis cor- pore ardentem adeò generalis flammam, vt nonnisi à Mortis fri- gidity illa potuisset extingui. Non benignum medicamentum Reubarbarum est, vt credunt omnes; sed medicina maligna, vt Fal- lapius dicit. Calidi Hepatis animam Reubarbarum esse, vulgares declamant Medici; Naturis, & Hepati calido, vt in cura oppilatio- nis Hepatis, Dysenteris, Pleuritidis & alibi mortem esse, fatetur Hollerius. Omni tempore, omni ætati, omnimorbo, prægnantibus & pueris Reubarbarum conuenire asserit Mesues, multis damnandum esse in casibus, & biliosis præsertim nocere febribus, libro animad- uersionum, & cautionum medicarum defendit Septalius.

At verè, exactè rem si contemplemur, Reubarbarum naturis, & morbis calidis mortè esse certe fatebimur, & calido maximè si tri- buatur in tempore. Spagiricorum nanque est continua experientia quòd ex Reubarbaro destillato spiritus igneus in magna copia exha- lat, & Sal, & terra deinde extrahuntur, phlegma verò & oleum non obseruatur: sed oleo & phlegmate quæcunque corpora ca- rent, calidissima sunt: ergo naturis & morbis calidis, calidoque maxime datum in tempore, mortem esse Reubarbarum, est con- cedendum.

Collige ergo ex hac Reubarbari partium resolutione, non in se- cundo gradu calidum esse Reubarbarum, vt Mesues dicit, sed in ter- tio, vt existimant alij. Sic præterea quia multum terræ, & salis ha- bet, corroborare, & adstringere Reubarbarum dicimus, & in sub- stantia datum etiam purgare: in infusione verò si tribuatur, ratione

spiritus eius quammaximè comburere volumus, vt sic enim verè est ignis, & adeò in comburendo penetrat, vt ab illo, sui etiam spiritus ratione tingantur vrinæ, quod neque facit Scammonium.

Hinc est quòd à Sapientibus Græcis Medicis Galeno antiquioribus, simplicium naturam accuratius qui examinabant, ad bilem euacuandam, verà refrigerandum Hepar, Reubarbarum nuquam fuit concessum, sed ad illud solummodò confortandum ratione adstringentis suæ qualitatæ, necnon ad obstructions aperiendas, aut crassos, & viscosos ad subtiliandos humores. Quamobrem ad tutissimam, reiectionemque sanguinis lib. 3. de Remedijs paratu facilibus medicamento 18. Reubarbaro fuit vsus Galenus. Ad Hepatis debilitatem ex frigida causa ab Achaasos illustrissimo Athenarum Medico tribuebatur Reubarbarum. Ad menstrua prouocandum, necnon ad stomachum debilem confortandum Reubarbaro utebatur Zeno. Ad viscosos deniquè subtiliandos humores, ad Asthma, & ad Hepar corroborandum à Socione Clarissimo apud Græcos Medico Reubarbarum concedebatur.

ERRASTIS concorditer sextò medicamentum in die impari iubentes. At dicite, Hippocratem vos non legitis, vel Hippocratis dogmata non curatis? Antiquorum abhorretis sententias, nouas forsàn Medicinæ leges, quia vos inuenistis? Ah non. Antiquas sequamini doctrinas, ægrorum si respuitis esse homicidas. In die impari medicamentum tribuere, est ægrum occidere, vt expressè in 4. de morbis Hippocrates his verbis affirmat, *Proinde priores Medici in hoc maxime peccarunt: Medicamenta enim exhibuerunt in diebus imparibus, & homines premerunt, non scientes quòd hæc res se ita habet.* Rationem prætereà sic inquires, de hac doctrina assignat, „ *Hunior enim in corpore ægroti magis turbatur in imparibus diebus, nimirum corpore humorem ad ventriculum transmittente. Et si quis iam turbatum, adhuc magis perturbet medicamento immisso, nihil miri est ex talibus hominem perire.*

Dicetis forsàn primò, quòd in quinto etiam die medicamentum se dedisse in 4. de rat. vict. com. 76. sic inquires fatetur Galenus, *Quam ob causam, & prima interdum die, & secunda, & quarta & interdum quinta medicamenta dedimus, & non in quarta solum quo modo is dixit: ergo in imparibus diebus iuxta Galeni mentem potest etiam purgari.*

Respondetur notando primùm, quòd in duobus casibus, vt firmiter ego credo, medicamentum tam Hippocrates, quam Galenus concedunt in turgentia scilicet, & coctione: at quoniam in turgentia, vagus humorum hinc inde est motus, fit ideirò, vt nullæ in turgentia à dierum numero desuniantur purgandi leges, sed quocunque die turgebit humor, quocunque die erit purgandus; hinc benè dixit

Galenus quòd prima, secunda, quarta, & interdum quinta die est medicandum, denotans forsan per illam particulam (interdum) raritatem purgandi in hac die, quasi quòd raro accidat, vt quinta die turgeat humor: è contrà autem vbi turgentia non adest, sed coctio expectatur, in imparibus non est purgandum diebus: in illis enim cum magis turbetur humor, & ad ventriculum transmittatur, ex medicamento perturbatio accidet maxima, & sic mortem subsequi mirum non esse.

Hoc notato ad Galeni auctoritatem respondeo, & de purgatione in turgentia in illo commento Galenum loqui ego assero, non autem de illa quæ præcedente fit coctione: hanc enim in diebus fieri posse imparibus contrà Hippocratem, & Galenum hanc doctrinam esse existimo.

Sed contra quis vestrum instare potest. Nam in illo commento de Pleuritide loquitur Galenus: at in Pleuritide non est vagus & turgens humor, sed determinate vel defluit, vel est ad pleuram defluxus: ergo non de purgatione in turgentia ibi loquitur Galenus, sed de illa quæ coctione fit præcedente.

Pro responsione autem est adnotandum quòd Pleuritis in Hippocratis doctrina est duplex: alia est vera, in qua nempe ad claviculam dolor pertingit: & in hac non purgat Hippocrates, sed pleuræ cum illa sit inflammatio, sanguinis missione usque quo rubrior appareat sanguis, vel pro rubro liuidus, ab eodem curatur: immò ex quocunque calido remedio ne phlegmones crescat, tantus in hac pleuritide est timor, vt in 4. de ratione vict. tex. 75. post sanguinis missionem clysterem iubeat Hippocrates, ne fortè si antea adhiberetur, ab eius caliditate augetur incendium. Alia est Pleuritis non vera, sed æquiucòcè dicitur talis, cum Pleuritidis solum nomen participet: in hac autem dolor sub septo infestat, nec sanguinis missione, sed peplio & veratro humores illam causantes educit Hippocrates.

At si quærat aliquis, cur Pleuritis in qua dolor descendit, non est vera Pleuritis?

Respondeo ergo triplicem esse ob rationem: vel scilicet ratione humoris, vel ratione loci, vel ratione propriæ naturæ. Differunt itaque primò ratione humoris: nam in vera Pleuritide, ex Hippocrate in libro de locis in homine peccat humor biliosus, in alia autem non vera, phlegmaticus, & melancolicus: Patet hoc ex eodem Hippocrate, qui in Pleuritide in qua dolor descendit, nigrum veratrum vel peplium iubet: peplium enim pituitam trahit, veratrum melancoliam: at non iubet Scammonium, quòd bilem purgat vt in 4. de rat. vict. tex. 64. Hippocrates docet. Differunt secundò ratione loci: nam partes quæ sunt sub septo transuerso, & sub thorace non vestiuntur pleura: & sic

ille dolor Pleuriticus non est. Et hanc ob causam doctissimus in Anathome Hippocrates tunc in Pleuritide purgandum præcipit, quando dolor sub septo infestat, *nullumque ad claviculam signum fecerit*: nam ex eo quod in clavicula doloris signum ex pleuræ inflammatione exoritur, in illa ergo nullus cum adest dolor, pleuram inflammata non esse, est argumentum. Differunt tertiò ratione propriæ naturæ: nam vera Pleuritis est inflammatio: hinc in sanguinis missione ex Galeno si momentum omne inflammationis consistit, sanguinis missione illam curat Hippocrates. Non vera autem Pleuritis inflammatio non est: & patet hoc clarissimè: nam in inflammationum principijs, ut supra nos diximus, medicamentum Hippocrates negat: in hac autem Pleuritide in eius principio, immò & in eius primo etiam die medicamentum Galenus concedit.

Iterum autem si quis quærat. Cur ergo Pleura si affecta non est, Pleuriticus hic appellatur dolor?

Respondetur quòd Pleuritici doloris adhuc retinet dolor ille nomen, ex eo quòd fluxio in pleuram primò defluxit, deinde infra septum exurrens, membrum aliquod tandem ferit, & ibi firmatur.

Ad principalem ergo Instantiam, his omnibus adnotatis, respondeo ego quod in illo commento non de vera Pleuritide Galenus loquitur: in hac enim non purgat cum sit inflammatio, sed de non vera, in qua inflammatio cum illa non sit, medicamentum concedit. Verum quia in hac Pleuritide non vera, defluxit primo humor ad Pleuram, deinde sub thorace ad inferiora excurrit: & tunc assero, quòd per infernas partes indeterminatè si humor iste vagatur, tunc nulla à dierum numero lege desumpta, est subito ille educendus, principem fortasse ne partem offendant: in illo etenim motu non ita ad intestina, aut ad aliam partem excurrere potest, quam ad Lienem, aut Hepar. At in aliqua parte si fuerit postea ille firmatus, purgari tunc statim non debet, sed eius coctio est expectanda. Quæ distinctio clarissimè ex his Galeni verbis loco allegato colligitur, „*Quarto verò die medicandum indistinctè pronunciauit. Neque enim inter initia aliquod remediorum huiusmodi agro iniungere oportet desumpto à numero dierum scopo sed quod Hippocrates recensuit est exequendum.*” Nam vel statim ab initio prius quam in partem aliquam confirmetur humores, medicandum, vel postea cum ad maturitatem perducti fuerint. Quam ob causam & prima interdum die, & secunda, & quarta, & interdum quinta medicamenta dedimus, & non in quarta solum, quo modo is dixit.

Ultimo si quis quærat. Cur in sanguinis missione dierum non attenditur numerus, sed virium robore existente, non solum sexto, & septimo mittitur sanguis, sed alijs quoque diebus, ut 9. meth. cap. 5. Galenus existimat: in medicamento autem, cuius exhibitionem.

nem coctio præcedit, dierum regula obseruatur?

Respondetur duplicem inter sanguinis missionem, & medicamentum disparitatem esse: prima est, nam medicamentum humores trahit, veluti magnes ferrum, & sic in illis turbationem causat: contra autem est venæsectio: hæc nanquē particularem non trahit humorem, sed æqualiter humores omnes euacuat. Secunda est, quia in sanguinis missione euacuationem sistere in Medici est potestate, at non est sic in medicamento, vt diximus. Ex quibus sequitur quod in diebus imparibus si humorum in ægroti corpore sit perturbatio, vt Hippocrates docet, in illis benè potest mitti sanguis, ex eo quòd nec perturbat, nec immodicè venæsectio euacuat: non sic autem est medicamentum: hoc enim tum magis perturbat, tum eius euacuationem sistere in Medici potestate non est.

Dicetis forsàn secundo quòd in medicamento exhibendo quietior si eligitur dies, languenti idcirco in quinta die Pharmacum nō abs re fuit tributum: hæc enim ad alias cōparata dies, quietior erat.

At respondetur, ab illis hoc gratis fingi: de die nanquē in diem febris illa exacerbabatur: immò tertia die, si ictericus languens euasit, fortiorem in tertia die fuisse febrem, dicendum. Sed hac in lite Mors decidat sententiam. Morbi etenim vniuersale Iudicium, ad quod sequitur Mors vel salus, in illa fit die, in qua grauiores fuere labores: in 3. nanquē epid. sect. 3. ægroto 3. de Pythione loquens sic inquit Galenus „ *Iam seruatum in hoc etiam est ægro, vt iudicia his essent prorsus diebus, quibus grauiores labores: quæ cum in dies pares incidere, mors quoquē in die est consecuta pari.* Ergo decima tertia die si perijt languens, in omnibus diebus imparibus grauiores fuisse labores, est affirmandum.

ERRASTIS pariter septimò, languenti venis sedis hyruidines septimo die applicando. Nam morbi mutatio, vt 3. epid. sect. 1. com. 8. ex Galeno habetur, in dies incidit decretorios; & hæc mutatio non fit sine pugna, & certamine inter morbum, & naturam vt 3. de Cris. c. 9. docet idem Galenus: ergo in septimo die, qui omnium decretoriorum ordine, potentia, & dignitate, decretorius est primus, non debet extrahi sanguis.

Consequētia patet. nam per sanguinis euacuationem Naturæ diminuitur robur: pus enim aut aqua si euacuentur, quia cum illis multi spiritus exeunt, vt 6. aph. com. 27. affirmat Galenus, adhuc tamen Natura patitur: ergo in septimo die, qui est dies certaminis, non debet extrahi sanguis: nam velcum morbo debilitata Natura non aggrēdiatur pugnam, vel victa pugnando succumbit.

Confirmatur primò, nam ex vulgata Auicennæ doctrina nō solūm dum Natura mouet, Medicus mouere non debet, immò etiam nec
hora

hora motus Naturæ: sed septimus dies ad Naturæ motus est opportunum tempus: ergo nullum motum septimo die moliri Medicus debet: ergo nec sanguinem mittere.

Confirmatur secundo. nam vt 1. aph. tex. 8. Hippocrates asserit, *Quum morbi vis est maxima, tenuissimo viſu est vtendum*: ergo quanto magis in decretorio die, in quo maxima inter morbum & Naturam est pugna, non est sanguis mittendus.

Conſequentia probatur: quia cibus ex eo quòd ab opere ſuo in concoquendo, & ſuperando morbum, Naturā diſtrahit, eſtò multus exhibitus quammaximè virtutem reſiceret, adhuc tamen ab Hippocrate condemnatur: ergo quanto magis in decretorio die, & præſertim ſeptimo, non eſt ſanguis mittendus: tùm quia à pugna Natura diſtrahitur: tùm quia ad pugnam debilis Natura redditur.

Dicet aliquis quòd ex allegato 9. meth. 5. ſanguinem ſeptima die extrahi poſſe concedit Galenus: ergo hac in re iſti Medici non errant.

Reſpondetur quòd regulari curatione, ob cauſas iam dictas, ſeptimo die non debet, quidem extrahi ſanguis: curatione verò coacta, quando ſcilicet vel Medicorum ignorantia vel laborantium timiditate non fuit antea ſanguis miſſus, tunc ſeptimo die ſi accedit Medicus, ſeptimo die poteſt mittere ſanguinem, vt 3. epid. ſect. 3. ægroto 8. in Anaxionis pleuritici hiſtoria fatetur Galenus; de ſanguinis nanquè miſſione in nullius ægroti hiſtoria 1. & 3. Epidemiorum libro deſcripta, Hippocrates mentionem cùm fecerit, in ſolo tamen Anaxione venam octauo die ſecuiſſe refert, non vt ſolo, cui ſanguinem miſit, ſed vt octauo die ſolo: huius duplicem cauſam ſpeculatur in commento Galenus, vel ſcilicet quòd vltra quartam diem, contrà illos qui vltra quartam, venas non incidebant, poſſe ſanguinem mitti Hippocrates oſtendere voluit: vel „ Nonnullis etiam ægris, videtur non fuiſſe ab initio præſtò.

Quòd præterea in allegato 9. Meth. cap. 5. de curatione coacta loquatur Galenus, clariffimè hoc ipſe dicit: poſtquam enim ſeptimo die, & ſequentibus, ſanguinem poſſe extrahi affirmavit, ſic deinde inquit „ *Quòd ſi curare aliquando infirmum cogeris, cui non ſolùm antea ſecunda vena remedium prætermiſſum eſt, ſed nunc quoq; vel per Medicorū ignorantia, vel ipſius laborantis, propinquorumve eius timiditate procedere tempore mittere ſanguinem prohiberis, ad frigidam exhibendam accedes.* ecce ergo quòd per illam particulam, cogeris, coactam ſignificat curationem Galenus: nam regulariter in mittendo ſanguine non ſeptimus aut alij ſequentes expectantur dies, ſed ſtatim ad ſanguinem detrahendum ſeſtinare oportet, vt in hoc eodem capite docet. immò in Pythionis hiſtoria ſe reſtringens ad dies, ſic in 3. epid. ſect. 1.

com.2. inquit „ Oportebat igitur Hippocratem, cum hominem animadvertet in periculo esse ad sanguinis missionem accedere, aut primo die si nullum contineret venter crudum cibum, aut omnino altero.

Dicit secundò quòd crìsim non semper in diebus decretorijs Natura molitur: ergo non semper in illis non est sanguis mittendus, sed solummodò iudicium quandò debeat fieri, quòd ex præcedentibus cognoscitur signis.

Respondetur consequentiam negando ex eo quòd Crìsis est subita mutatio ad salutem vel mortem: at subitaneos, & repentinos Naturæ motus, vt certè præuideat Medicus, difficillimum est; hinc decretorijs diebus in remedia exhibendo vt quammaximè sit cautus, oportet: nam ex mortiferis morbis illi sanantur in quibus nullus sit error, vt 6. epid. sect. 2. com. 42. docet Galenus.

Dicit tertiò quòd in imparibus diebus cum grauiores adsunt labores, sit etiam in imparibus generale totius morbi iudicium; è contrà autem in paribus: ergo in paribus diebus quando afflictio est maior, septimo die potest sanguis educi: quia septimo die in morbis istis non sit iudicium.

Respondetur quòd licet in morbis istis, in quibus grauiores adsunt in diebus paribus afflictiones, in imparibus possit sanguis educi, adhuc tamen est septimus excipiendus, cum Crìsis in diebus paribus quando est ad mortem celebratur in sexto, quando verò ad salutem vsque ad septimum se extendit, vt 1. de diebus decretorijs cap. 4. his verbis dicit Galenus „ Etenim qui in quarto ad peiorem statum recidunt, plerique sexto moriuntur. e contrario rursus si bona conuersio contingat, septimum expectabit. Et hanc collige ob causam quòd in paribus diebus estò morbus sit maior, septimo tamen die non potest extrahi sanguis.

ERRAVIT octauo Chiaritius pubem oleo amigdalarum dulcium inungendo; vrinam, quæ post Pharmacum per duos dies defecit, sic prouocare credens. Sed dicat quæso iste Doctor, ad hoc exhibendum remedium indicationem à quo desumpsit? Suppressam forsàn existimauit vrinam? At à qua causa illa supprimi poterat? Supprimitur vrina, vt passim in aphorismis, ex Galeno colligitur, vel à pure, vel à sanguinis grumis, vel à carunculis, vel à lapide, vel à succorum crassitie, vel ab inflammatione: at non à primis quatuor causis, vrinx in languente exoriebatur suppressio; vt de se est certum. Non præterea à succorum crassitie: vt sic enim magis ante Pharmacum fuisset illa suppressa, quàm post tantam a pharmaco euacuationem. Non deniquè ab inflammatione: nullus enim in partibus vrinarijs aderat dolor: qui non solummodò Phlegmonis ratione, sed suppressionis eius quæcunque alia fuisset causa, in vesica

ratione vrinx collectæ, ac distendentis illam, adesse debebat. Non ergo suppressa erat vrina, sed à calore febrili ex calido medicamento, magis adaucto, fuit illa absumpta: quemadmodum in febre ardente 1. epid. sect. 2. com. 75. quòd vrinx sunt pauca Galenus asserit, ex eo quòd ipse inquit „*Omnis esset ex sanguine humor ab ardente febre coctus*. Vel dicendù quod magistri Grilli fuit Chiaritius imitatus remedia, qui ob spinam in gutture dùm mulier deglutire non posset, palmo Grillus metiebatur pedem, hinc tanto mulier fuit deprehensa risu, vt spinam ridendo eiecisset: In toto pariter venenoso genere cùm esset affectio, ex sanguine videlicet omnis humor ab ardenti febre absumptus, in pube oleum applicauit Chiaritius: hinc de tali asinitate ridens fortassè Natura, lacrimulas si aliquando prouocat risus, ridendo lacrimata fuit illa, & sic paucas vrinx itillas per longa interualla languens mingeat, deridentis Naturæ derisionis lacrimas.

ERRAVIT nonò Chiaritius, Hepatis quoquè regionem Absinthij oleo & Capparis immediatè post Pharmacum inungendo: in tumorem enim post Pharmacum fuit illa eleuata, & ex obstructione tumorem illum fuisse exortum firmiter ille existimauit. Sed brutale Doctoris huius ingenium contempletur quzso vnusquisque. Non aderat in Hepatis regione antè Pharmacum tumor, post Pharmacum verò statim apparuit, à quo itaque hæc obstructio tumoris causa, vt ipse inquit, immediatè post Pharmacum potuit exoriri? Vel quidem à medicamenti calore, vel à tãta euacuatione vt fateatur necesse est, non alia enim quæ fuisset causa excogitari potest, ex eo quòd post euacuationem absquè vllò ægrotantis errore, subito fuit tumor sequutus: at ex istis quamlibet si concedat causam, ridiculo suo ingenio speculationes edet condignas: Obstructio nanquè antè Pharmacum si verè extitisset, tùm ab ardenti calore, tùm ab immodica euacuatione post Pharmacum fuisset illa quidem ablata, & non adaucta. Non ergo ab obstructione, sed à Phlegmone tumorem illum in regione Hepatis causatum fuisse, est affirmandù: immò ex oleo si ignis augetur, ex igneis illis oleis inflammationem deuenisse maiorem dubitari non potest: hinc ad interitum cùm æger abiret, ad vñtionem solummodo mortis referens causam ex illis Medicis vnus, de hoc remedio dixit „*Quod fecit Chiaritius, non fecisset Chiarsius*.

Sed contra instabit aliquis, ex eo quòd absinthij oleo ad Ventriculi, & Iecoris inflammationem 11. Meth. cap. 16. fuit vsus Galenus. Immo Theageneum Philosophum Hepatis Phlegmone laborantem, non aliam ob causam 13. Meth. cap. 15. ab Attalo fuisse refert occisum, quam quòd relaxantibus Cataplasmatibus absinthij oleum, aut aliud adstringens, noluit Attalus admiscere: Non ergo hac vñctione languenti mortem dedit Chiaritius.



